

## SOUB

### Yá pò kú láε bee guuó

Soúá wabi mèn basoplakwi pò Isailio kè Lu-  
awaone, mé aai si le ũ ní pò'obona, mé Yesudeo lé  
zikeò e ní a gbão.

Soú lá kpaalea lee sooe. Le pò Davidi dào ku we  
dasi (51-65, 67-71) bee gbea Kole buio leo (42-49,  
84-88), Asafa leo (73-83), kiablea leo (93-99), gea  
Yelusaleũ leo (120-134).

Soú buio dasi maamaae:

Le pò aai Dii tóbo àà zóke ní àà maakoo yá musu:  
8, 19, 33, 100, 103-105, 111, 113-114, 117, 135-  
136, 145-149

Dii kiblea leo: Dii mé kía ũ: 47, 93, 96-99

Kiablea Soú, wabikea kiae ge kía wabikea: 2, 18,  
20-21, 45, 72, 89, 101, 110, 144

Géa Dii kpéu leo: 15, 24

Géa Yelusaleũ le pò Isailio ì si góo pò aale gé  
dikpekei we: 84, 91, 121, 122

Siona leo, aale gu pò Dii sè wà a kpé dou Yelusaleũ  
tóbo: 46, 48, 76, 87, 132

Waaso Soú: 14, 50, 53, 75, 81, 95

Soú pò ì yádada luanaaikenaone: 1, 37, 49, 73, 78,  
112, 119, 127, 133

Gbé pò aale pòsia ke aale Lua sisi ní yá'oma guuó  
Soú: 12, 44, 58, 60, 74, 79, 80, 83, 85, 90, 94, 106,  
108, 123, 126, 137

Lua gbéó wiileawa yá'ia ge ìadama ge gude ge  
gyá ge zizoke yá musu leo: 5-7, 13, 17, 22, 25-26,  
28, 31, 35, 38-39, 41-43, 51, 54, 57, 59, 61, 63-64,  
69-71, 86, 88, 102, 109, 120, 130, 140-143

Lua sáaukpaá kẹ̀ ì ní suaba ge ì duunakẽmá yáí:  
9-10, 30, 32, 34, 40.1-12, 92, 107, 116, 118

Pona ní aafia pọ́ luanaaikenaᵋ ví leᵋ: 3, 4, 11, 16,  
23, 62, 131, 139

Yesu Soũ lesĩ Maaku 14.26 guu, mé à Soũ yá'ò a  
yádanᵋ guu (Maa 12.10, 36) ní aà wabikᵋᵋ guuo  
(Maa 15.34, Luku 23.46).

Soũᵋ guu wà dᵋaa wà Kilisi yá'ò ní taasi pọ́ a keᵋ  
(22, 69). Wà aà bᵋa gau yá'ò lᵋ ní aà taa luabᵋ yáᵋ  
(16, 110, 118). Wà Soũ lá yáᵋ ò Lua bàakuarĩᵋ  
gbᵋzã láᵋ guu de gẽn basᵋola.

Isailiᵋ wabikᵋa, Yesu wabikᵋa, Yesude káauᵋ  
wabikᵋa (Zin 4.24-26), Soũᵋ de lá pọ́ Yesudeᵋ ì  
lousisiᵋ ù e ní a gbãᵋ.

## LA SEIA

### 1

*Soũb 1-41*

*Báaade*

<sup>1</sup> Báaaden gbé pọ́ lí gběvãĩᵋ ledama mao ù.

Ili duunkᵋnaᵋ zé seᵋ,

ìli zᵋle ní gbé àlafikᵋnaᵋᵋ.

<sup>2</sup> Dii ikoyã mé ì kaaàgu,

ìᵋ làasookᵋwà fãane ní gwãasĩnaᵋ.

<sup>3</sup> A de lán lí pọ́ wa bà swa saewa,\*

a lá lí giigagao, ìᵋ ne'i a gᵋᵋwa,

yá pọ́ ì ke píi káfia ví.

<sup>4</sup> A de màa ní gběvãĩᵋᵋ.

Aa de lán ése úa pọ́ íana ì sélewaᵋ.

<sup>5</sup> Beewa gběvãĩᵋ bᵋ maa yákpalekegᵋᵋziᵋ,

---

\* 1:3 Zel 17.8

duunkenaɔ ze gbẽmaaɔ saeɔ.  
 6 Dii ï zemikũ gbẽmaaɔne,  
 gbẽvãɔ sɔ, an zé mipè kaalewa.

## 2

### *Kía pɔ Lua kpà*

1 Bóyãi bui ní buio lé zɔakai?  
 Akea wàle lé pã kpaai?

2 Dúnia kíaɔ lé zì sɔuke,  
 kpalablenɔ lé kãaa Dii  
 ní Kía pɔ a kpàosi.\*

3 Aale me: Wà ní mɔdaonaɔ kékẽ,  
 wà ní ba polowá.

4 Dii lé ní àlafike,  
 zɔlea musu àle ní yáalɔ.

5 A palamá ní pɔfẽo,  
 aà kpẽne ï to vĩa ní kú.

6 A mèt a a Kía kpà  
 a gbèsísí Siɔna musu.

7 Má yá pɔ Dii dilemeɛ o à mèt:  
 Ma nén n ũ, n Maen ma ũ gbã.†

8 Wabikea, mí n gba bui píi,  
 mí dúnia gola síiɔ kpama n pɔ ũ.

9 Nyɔ kiblemá ní mèt gopanao,  
 nýɔ ní wíwi lá wí gí oo wiwa.‡

10 Kíáɔ, à ledamaɛ bee ma,  
 dúnia kpalablenɔ, à ñnɔkũ sa.

\* 2:2 Zin 4.25-26 † 2:7 2Sam 7.14, Mat 3.17, Zin 13.33, Ebe 1.5,  
 5.5 ‡ 2:9 Zia 2.26-27, 12.5, 19.15

11 A zɔble Diie ní viakεàèò,  
à kúle bùsu sεè ní lualuao,  
12 ké aà pɔ su fεázi à gaga zéuo,  
asa aà pɔ ì pa kándoε.

Báaadεn gbé pɔ náaàzi ũ.

### 3

*Lezua Luazi ibεεɔ yá musu*  
(2Sam 15.13-17)

1 Le pɔ Davidi dà gɔɔ pɔ à bàalè a né Abisaloũε.

2 Dii, ma wèlεɔ diε fá,  
gbé pɔ íbelesèmanɔɔ dasi.

3 Wàle ma yá'o dasi,  
wàle mε Lua a ma suabao.

4 Mpi sɔ Dii,  
níle òliamazi sèngbao ũ,  
ma gawin n ũ,  
ni to ma mi àɔ daa ía.

5 Mi lezu Diizi,  
ì wea za a kpéu gbèsísí musu.

6 Mi wúle i'o ní a nao,  
mi vu aafia, asa Dii mé ma ũ.

7 Gbèɔn àasɔɔɔ leε kwi lé ma wε,  
kási mili viakεnέo.

8 Fεle Dii,  
ní ma ibεεɔ legbεomble,  
ma suaba ma Lua,  
ní gbèvãipiɔ swaa é'ε.

9 Dii mé ì gbé suaba.  
Báaada n gbéɔgu.

## 4

*Wabi oosi kea*

<sup>1</sup> Davidi ɛ. Wɪ sɪ ɲ mɔɔnɛaɔɛ.  
<sup>2</sup> Tó ma n sisi, wea Lua ma Zenɔde.  
 Tó má yeelɛa, ni ma gba dɛɛpookii.  
 Wɛnadɔmɛɛ, ní ma wabikɛa ma.

<sup>3</sup> Gbɛ́ɔ, á ze widaa ma Lua gawidewɛɛ bɔɛ ni?  
 Iɔ ye pɔpɔzi, iɔ tɛ táaɔzi.

<sup>4</sup> Aɔ dɔ́ ké Dii a gbɛ́ɔ dɪɛ adoa,  
 tó ma àà sɪsi, a ma yāma.

<sup>5</sup> A kpakpanaga, ásu duunakɛɔ,  
 à làasookɛ á wúɛkɪi, í nɪɛ.

<sup>6</sup> A sa pɔ́ dɛ à o o,  
 í Dii náaikɛ.

<sup>7</sup> Dasi ì mɛ: Déme a èfāaikewɛɛi?  
 Wá wɛgwa Dii, báaadawágu.

<sup>8</sup> Baa tó pɔ́wɛna ɲ vɛɛɔ diɲzi,  
 pɔna pɔ́ ɲ dàmɛɛ ma sɔu dɛ ɲ pɔa.

<sup>9</sup> Mi wúɛ i'o ɲ a nao kau,  
 asa Dii, nímɛ ni to mào ku dɔɔa.

## 5

*Wabi kɔɔ kea*

<sup>1</sup> Davidi ɛ. Wɪ sɪ ɲ kulɛɛaɔɛ.

<sup>2</sup> Swákpa ma yáí Dii,  
 laaidɔ ma yāwaaipaawa.

<sup>3</sup> Ma Kía, máɛ wiɪɛma,  
 ma Lua, máɛ wabikɛma.

<sup>4</sup> Dii, ni ma yāma gufɛɛɛ,  
 mi a yáɔ dɔɔɔnɛ kɔɔ,  
 ma wé iɔ dɔnzi.

<sup>5</sup> Luan n ũ, ní ye vāizio,  
nili gběvāi dilɛo.

<sup>6</sup> Ziakáfiina lí e zè n aɛo,  
ní za vāikɛnaɔgu píɛ.

<sup>7</sup> Dii, ni ɛɛdeɔ midɛ,  
ní ye gběɛɛnaɔ ní gběblenaɔ gíyáio.

<sup>8</sup> Mapi má gě n ua n gběke zɔɔ yáí,  
má kúɛ n kpɛɛɛ mà misiilɛɛ.

<sup>9</sup> Dii, dɔaamɛɛ n náai yáí,  
zɛpoomɛɛ ma dàdānaɔ yáí.

<sup>10</sup> Asa an yāe náai vīo,  
aaí lenakasa gběɔnɛ.  
An nòsɛ dɛ lán kaadɔɛmbɛwɛɛ,  
gbě ɔ̀kpaá yá kò ní sɔu.\*

<sup>11</sup> To yá zɔ̀lemá Lua,  
to aa ɔzu níziá wéu.  
N ní yá n aɛ an tàae dasiɔ yáí,  
asa aa gí n yāmaie.

<sup>12</sup> To gbě pɔ ná n kpɛɔ yáalo,  
aaiɔ wiile ní pɔnaɔ gɔɔpii.

Ɔku gbě pɔ yenziɔla,  
aai vī aaɔ kēaa n yá musu.

<sup>13</sup> Dii, ni báaada gběmaaɔgu,  
n yeańzi ì kàedańzi.

## 6

### *Wiileɔ Luawa*

<sup>1</sup> Davidi ɛ. Wí sí ní kúɛɛaɔɛ.

<sup>2</sup> Dii, nísu ma lele ní kpɛnɛoo,

---

\* **5:10** Lom 3.13

ńsu ma toto ń pɔkūmaoo.

<sup>3</sup> Wēnadōmεε Dii,  
ma gō déedeennɔε,  
ma gbágbā Dii, asa ma wá lé wíε.

<sup>4</sup> Ma pɔ yà dúuduue, Dii,  
ńyɔ dɔmalε bɔε ni?

<sup>5</sup> Ea ñ ma misi, Dii,  
ma suaba n gbēke yáí.

<sup>6</sup> Asa γε lí e lemàma ɔɔ,  
wíli n táasile miauo.

<sup>7</sup> Ma wēnakè ma kpasa,  
ma mibɔɔ ñ gá ń wé'io,  
ma wúlekíi ɔɔ niεε e gu γε dɔɔ.

<sup>8</sup> Ma wé ɔɔ bɔbɔ ń pɔsiao,  
ɔɔ wo, ké ma ibεεɔ dasi yáí.

<sup>9</sup> A go ma kíi vāikenaɔ,\*  
asa Dii ma ɔɔɔ mǎ.

<sup>10</sup> Dii ma wíileá mǎ,  
Dii ma wabikεa sí.

<sup>11</sup> Wí a ma ibεεɔ kú píi,  
aa gō bíli guu,  
aa fua kándo, aai kpekpa.

## 7

### *Yanakpaa, Dii!*

<sup>1</sup> Lε pɔ Davidi sí Diiε Bēyāmεε bui Kusi yá musu.

<sup>2</sup> Dii ma Lua, ma nanziε,  
ma suaba ñ ma bɔ gbé pɔ pèlemaziɔ ɔzi.

<sup>3</sup> Tó màa no,

---

\* **6:9** Mat 7.23, Luk 13.27

aa ma taitai lán nòɔmusuwaε,  
 aa ma kékékõεε,  
 gbẽε a ma misio.

<sup>4</sup> Dii ma Lua, tó ma tàækèε sõ,  
 tó ma ɔ ku yāvāiu,  
<sup>5</sup> tó ma vāikè ma gbédeεε,  
 ge tó ma gbāamò ma wèλεε pã,  
<sup>6</sup> ma ibεεpi pélemazi aà ma kú,  
 i õzõa tɔɔε,  
 i ma tó vīε bùsu'úfāau.

<sup>7</sup> Fελε ze ní ɔɔfẽo Dii,  
 fελε kpẽεbɔbɔ ma ibεεɔwa.  
 N n me sé, ma Lua,  
 ní yágõgõ a zéwa.

<sup>8</sup> To gbẽɔ káaanzi,  
 ní kiblemá kua za musu.

<sup>9</sup> Dii, ni yákpaleke ní gbẽɔ.  
 Dii, to yá bɔmanɔ na ma yázeɔde léu,  
 Musude, kemεε ma nòεɔpua léu.

<sup>10</sup> Lua, míme ní maa,  
 ni nòεε ní làasooɔ yɔε.\*  
 Gbẽvāiɔ pāsíkεa mide,  
 ní gbẽmaaɔ gba zεkíi.

<sup>11</sup> Lua Musude mé ma sèngbao ũ,  
 ì nòεmaadeɔ suaba.

<sup>12</sup> Lua ì yákpaleke a zéwa,  
 ì to yá àɔ zõlemá gɔɔpii.

<sup>13</sup> Tó gbé i nòεlilεo,

---

\* **7:10** Zia 2.23



Lua ì a fěnda lεke, ì a sá ká.

<sup>14</sup> I a ka gbaè,

ì a gɔkebo pɔ ì ga inéɔ keke.

<sup>15</sup> Gwa, vâi ì nɔɔ gbépiu,

ì yãɔnwɛia nɔsi à ne'ìè egε ũ.

<sup>16</sup> I eyɔ gbéɔne zãzã bai ũ,

ɔ ì zu ε pɔ a yòpi guu.

<sup>17</sup> Aà yãɔnwɛia a wi aà musu,

aà gbéɔ wetãa a sɔaa aà miwa.

<sup>18</sup> Má Dii sáaukpa aà maake yáí,

má Dii Musude tɔbo ní lesiao.

## 8

### *Lua zɔke oa*

<sup>1</sup> Davidi lé.

<sup>2</sup> Dii wá Dii, n tɔbò dúnia guu,

n gawi bò gupuau musu.

<sup>3</sup> N dà néfěnenáɔne ní né yɔmináɔ

aa n táasile,\*

ké n ibεεɔ ní n wèlεɔ níle yáí,

n mɔakanaɔ lé ì gɔ kpaaũa.

<sup>4</sup> Ké ma n zí gwà musu,

mɔvua ní saana pɔ ní pèpe weɔ,

<sup>5</sup> ma mè bón gběnazína ũ an yá ìɔ dɔngui?

Bón ní ũ ni laaidɔmáí?†

<sup>6</sup> N aà kè késãa malaikaɔzi gɔɔpla,

n aà kpà kpalau ní gawio ní bεεεɔ.

<sup>7</sup> N tò à iko ví pɔ pɔ ní kèɔwa,

\* **8:3** Mat 21.16 † **8:5** Sotɔ 144.3, Ebe 2.6-8

ń tò pɔpii mis̄ilɛ̀,‡

<sup>8</sup> s̄aɔ ń zuɔ ń s̄ɛanɔbɔɔ pii,

<sup>9</sup> b̄aɔ ń kpɔɔ ń pɔ pɔ kú ísia guu.

<sup>10</sup> Dii wá Dii, n tɔbò dúnia guu.

## 9

*Lua s̄aukpaá k̄é ì yákeke gb̄éɔne yáí*

<sup>1</sup> Davidi ɛ.

<sup>2</sup> Dii, má n táasile ń n̄semendoo,  
má n yābɔnsaekɛaɔ kp̄awakɛné.

<sup>3</sup> Má pɔnakɛ, má yáalɔ n yá musu,  
Musude, má n tɔbɔ ń ɛsiao.

<sup>4</sup> Ma ibɛɛɔ ì kpekpa,  
aañ ḡɛmbɔɛ aa gaga n aɛ.

<sup>5</sup> Asa n zɛmanɔ, n yānakp̄aa,  
z̄ɔɛa n ḡinaa n yāḡòḡɔ a zéwa.

<sup>6</sup> N buip̄alɔ lèle,  
n gb̄ɛv̄aip̄iɔ m̄iɔnz̄ɔ,  
n ń tɔ d̄ɛ m̄iɔm̄iɔ.

<sup>7</sup> N músi láasai kp̄a ma w̄ɛɛzi,  
n ń w̄ɛɛ kw̄ɛ,  
an yá dɔ gb̄ɛgu ɔɔ.

<sup>8</sup> Dii ì kible gɔɔpii,  
à a kpala d̄ilɛ yákpalekɛa yáí.

<sup>9</sup> A yákpalekɛ ń dúnia gb̄éɔ súsú,  
a kible buiɔwa a zéwa.

‡ 8:7 1Kln 15.27, ɛfɛ 1.22, ɛbɛ 2.8

10 Dii mé ulékii ũ  
gbé pò wàlε gbāamɔnέɔnε,  
a dené aafia'ekii ũ taasikεgɔɔ.

11 Dii, gbé pò n tó dɔɔ n náai vī,  
nili n aeyanaɔ vūaaɔ.

12 A lesi Diiε, àlε kible Siɔna,  
à aà yákeaɔ kpàwake bui píiε.

13 Asa yá lí sãaaguɔ,  
ì tɔsi gbēdenawa,  
ì taasideɔ wiilεa yāda.

14 Gwa lá ma ibεεɔ lé ɪadaa, Dii,  
wēnadɔmεε, ní ma bɔ ga lézī,

15 mí lé mama Siɔna bíibɔlεu,  
mí pɔnake ké n ma suabà yái.

16 Buiɔ sí ε pò aa yɔ̄u,  
an gbá zù ba pò aa kpàu.

17 Wa Dii dɔ ní yákpalekea a zéwaoε,  
ì to gbēvāi yákea labadaaàla.

18 Gbēvāiɔ ì ta bedau,  
bui pò aali Lua yādaopiɔ.

19 Wēnadeɔ yá a sãaàgu bauo,  
taaside wεdɔaaàzi láaa vīo.

20 Fεlε Dii,  
ńsu to gbēnazina n gā fio,  
bui píi kãaa, ní yákpalekεńno.

21 Dii, to vīa buiɔ kú,  
ké aa e dɔ wa de gbēnazinaɔ ũ.

# 10

## *Lua yá g̃g̃sa n gbé̃ wabikεa*

<sup>1</sup> Dii, b́yāi n zεa zāzāi?

Akεa ni ulené taasikεg̃g̃zi?

<sup>2</sup> Gbēvāi i gbāasaide wε wala guu,  
i kōnikεè, i àà kú.

<sup>3</sup> Gbēvāi i a p̃nidεaó íanadā,  
i b̃ide sáaukpa, i Dii t̃b̃εsi.

<sup>4</sup> Gbēvāi wala mé tò ìli Dii aeyao,  
a Lua làasoo ṽio.

<sup>5</sup> Yá p̃o i kε p̃ii i b̃è maaε,  
i azia káfi, ìli n ikoyā dao,  
i lesuikε a ibεεwa.

<sup>6</sup> I mε á kpaguo,  
áo ku p̃nau taasikεsai g̃g̃piiε.

<sup>7</sup> Eε ìo d̃o àà léu  
n gbékaao n yāpāsio,  
yād̃nweia n yāvāio mé àà lé p̃a.\*

<sup>8</sup> I naale yāesaideε wénkpe,  
ké à e àà dε asii guu,  
i mĩide kpákpa gusaena.

<sup>9</sup> I naale gbé̃ne asii guu lán ñõmusuwa,  
i naale lákpeu à e yēεsaide kú.  
Tó à àà kú, i àà gáλε n a bao.

<sup>10</sup> Gbé̃ p̃o a le a kù g̃ò wúlea yè̃mεε,  
gbāa mé àà nè.

<sup>11</sup> Gbēvāipi i mε Lua a yá f̃an ṽio,  
i õku a wéwae, ìli gu'eo.

---

\* **10:7** Lom 3.14

12 Dii, fεε mɔ́ n n gbãao,  
 Lua, ñyɔ̃ ỹεεsaideɔ̃ fãnke.  
 13 Lua, b́yãĩ gbẽvãĩ ì d́ɛnnɔi?  
 I o a s̃ guu ñyɔ̃ ñadawao.

14 N beeo ni e sáasã,  
 ni gb̃ɛ̃ yã'õma n n pɔsiao yãda,  
 ké ñ e ɔdaumá.  
 Ỹεεsaide ì azia kpama,  
 tone pɔ gwana ṽio dɔnlɛden n ù.  
 15 Gbẽvãĩ n gb̃é pãsiɔ g̃ãsi éné,  
 an vãĩ pɔ aale e wa d̃ɔ wí n musu.  
 16 Dii ìɔ kible gɔɔpii,  
 aà yãdansaio midε aà bùsuu.

17 Dii ì ỹεεsaideɔ̃ wabikεa ma,  
 ì n gba s̃, ì swãɔ n yáĩ.  
 18 I ze n tone pɔ gwana ṽioɔ  
 n gb̃é pɔ w̃ale ñadamáɔ,  
 ké gbẽnazina pɔ de bùsuti ù su to s̃ k̃éngu lɔo yáĩ.

## 11

### *S̃dilea*

Davidi ε.

<sup>1</sup> Ma na Diizi.

B́yãĩ ále omεε mà vua  
 mà ta gbε musu lán b̃awai?

<sup>2</sup> A ṽaikεnaɔ gwa, aa kakpà sáa,  
 aa gusaε ỹemá aa sá g̃a,  
 aa kakp̃ale ñɛsemaadeɔwa.

<sup>3</sup> Tó fεlekεa ỹamikpale gb̃òo,  
 gbẽmaaɔ kea ni?

4 Dii ku a kpéu,  
a zɔ́lea báawa musu we.  
I wɛpã gbɛnazínaɔla,  
ì wékpaleńzi.

5 Dii ì gbɛmaaɔ tàasika,  
ãma a za vãikenaɔgu  
ń gbé pɔ́ yãpãsí ì kené naɔ.

6 A tɛyɔ́ ń ìatɛgbɔo kwɛ vãikenaɔwa,  
ían wãa mé aɔ de ń baa ũ.

7 Asa Dii ì yãkɛ a zéwa,  
yãkɛa a zéwa ì kɛè na,  
gbɛmaaɔ wɛsiaàlɛ.

## 12

### *Gbɛnazína bɛ̀boá*

1 Davidi lɛ. Wí sí ń kíuleaɔɛ.

2 Ma suaba Dii!  
Asa gbɛmaa ku bo,  
náaide làa gbɛnazínaɔ guu.

3 Baade ì ɛɛto a gbédeɛɛɛ,  
ì lena kɛè ń nòsɛmɛmplao.

4 Dii, lenade gyawi  
ń gbé pɔ́ ì azía sɛ lesio.

5 Aaí mɛ ń lé mé a tidɔ gbéá,  
wa mé wa ń lé vĩ,  
démɛ a kiblemáí?

6 Gbé busɛɔ wɛtãa  
ń wɛnadeɔ aaukɛaɔ yáí,  
Dii mɛ á fɛlɛ sa,  
á ń gba bɔkíi pɔ́ aalɛ a nide.

7 Dii yá sãa vío,

a de lán ánuſu pó wa yò mua téu  
wa bàasa gẽn ſoplawá.

<sup>8</sup> Mpi Dii, nýŵ wá dſá gɔɔpii,  
nýŵ wá sí gbé bee taaɔwa.

<sup>9</sup> Tó gbéŵ yábèè kù ɔplapla,  
gbèváiɔ Ìɔ be ní yòɔo gupiiue.

## 13

### *Lezua Luazi*

<sup>1</sup> Davidi lè.

<sup>2</sup> E bɔe, Dii?

Ma yá aɔ sãangu gɔɔpii yà?

N mikpɛ aɔ dɔamɛɛ e bɔe ni?

<sup>3</sup> Máɔ dèeka ní ma làasooɔ e bɔe ni?

Ma pɔ Ìɔ sia lá gu lé dɔ,

ma ibɛɛ aɔ gbãablea e bɔe ni?

<sup>4</sup> Dii ma Lua, ma gwa ní ma yãma.

Ma oa weemɛɛ,

ké másu ga i oo yáí,

<sup>5</sup> ké ma ibɛɛ su mɛ a tidòmalao,

ké ma wèlɛɔ su pɔnakɛ ma fua yá musuo.

<sup>6</sup> Mále n gbèkɛ náaikɛ,

ma pɔ na ké nýŵ ma suaba.

Má lɛsi Diie,

asa à yãmaakèmɛɛ.

## 14

### *Misaiɛ yã'oa*

(Soũ 53)

Davidi lè.

<sup>1</sup> Misaiɛɔ ì o ní sũ guu Lua kuo.

Aa ɔ̀kpà, an yākea vāi,  
yāmaakena kú ní guuo.

<sup>2</sup> Za musu Dii í wéte gbēnazinaɔzi,  
í gwa tó gbēe ɔ̀no kà a kǐi wεεεa.

<sup>3</sup> Aa sāsā píi, aa gò d̀ɔsai míomi,  
yāmaakena kuo, baa do.\*

<sup>4</sup> Vāikena wé lí gu'eo lé?

Aaí ma gbéɔ́ mómɔ lán úwa,  
aali lezu Diizio.

<sup>5</sup> Gwa, vĩa a ní kú we maamaa,  
asa Lua a ze ní gbēmaao.

<sup>6</sup> Vāikena í kpa taasidee a pɔeãu,  
kási s̄ Dii mé taaside ulekǐi ũ.

<sup>7</sup> Lua, bɔ Siona mɔ ñ Isailiɔ bɔ!

Tó Dii sù ní a gbéɔ́ ní pá ziu,

Yakɔbu buiɔ pɔnakε,

Isailiɔ yáalo.

## 15

### *Luayamana yá'oa*

Davidi le.

<sup>1</sup> Dii, déme zeví à gē n uai?

Déme a f̄ɔ̀ ku n gbèsis̄i musui?

<sup>2</sup> Gbé pó ɔ̀ ku taaesai,

mé í yāke a zéwa,

mé í síana'o ní ǹsemendoo.

<sup>3</sup> Ili yāɔ̀ gbēewao,

ìli tàaekε a gbédeeeo,

---

\* 14:3 Lom 3.10-12



ili a gbẽdo s̄s̄s̄o.

<sup>4</sup> I saka luayãdansaioɔgu,  
 ì luayãmanaɔ kpela.

Ili a legbẽa lilɛo,

baa tó à kèè zì'ũ.

<sup>5</sup> Ili ãa s̄ãné à a igbàò,

ili bɔ gbé pɔ a yá kú kpɛ ɔs̄ãã yáio.

Gbé pɔ ì ke màa a kpagua bauo.

## 16

### *Naa Luazi*

Davidi ɛ.

<sup>1</sup> Ma d̄ã Lua,

m̄m̄e ma nanzi.

<sup>2</sup> Má ò Diiɛ ma diin n ũ,

m̄m̄e ní ma aafia ũ.

<sup>3</sup> N gbé pɔ kú ma b̄usuɔ

mé de gawide pɔ ì kamaguɔ ũ.

<sup>4</sup> Gbé pɔ aai wã gé tãa kíio

aai yã'õma kpá níziãziɛ.

Má sa'o'i t̄lɛr̄nɔɔ,

wa ní tãaɔ tó ma ma léuo.

<sup>5</sup> Dii, n ma ka ma baawa,

ma w̄eni ku n ɔz̄iɛ.

<sup>6</sup> N kɔɔ d̄ãm̄ɛɛ gumaau,

gba pɔ ní d̄ãm̄ɛɛ k̄amagu.

<sup>7</sup> Má Dii táasile ké ì ledaa,

baa gwá ì to ma s̄ã ma gba laai.

<sup>8</sup> Mio Dii e ma w̄éu gɔɔpii,

lá a kumanɔ, má kpaguao.

<sup>9</sup> Bee yáí ma pɔ ì na,

ma nɔ̀sɛ ɪ̀b yáalɔ,  
ma wé dɔi ɪ̀b ma mɛ aɔ ku aafia.

<sup>10</sup> Asa nýɔ̃ ma to miauo,  
nýɔ̃ we n yāmana yaikɛo.\*

<sup>11</sup> N ma ka wēni zéwa,  
n kíi pɔna ɪ̀b pɛɛau,  
pɔmaao ku n ɔzi gɔɔpii.†

## 17

### *Wabikɛa*

Davidi wabikɛa.

<sup>1</sup> Dii, ma yāma,  
asa ma yá naɛ,  
swāɔ ma wiileai,  
ma wabikɛa ma,  
asa máɛ ke ní mɔafilioo.

<sup>2</sup> N kíi má yāna eu,  
n wé lé yá pɔ zɛvɪ e sáasã.

<sup>3</sup> N ma sɔ gwà, n wétɛmazi gwá,  
n ma tàasikà, ni yāe eao,  
asa ma zɛɔ ma lé a ma kalikɛo.

<sup>4</sup> Mili té gbɛnaziina yākeaozio,  
mili gbé pásɪɔ ɔɛsɛo.

<sup>5</sup> Ma be n zéu súsu,  
mi pāale n yáɛo.

<sup>6</sup> Máɛ lezunzi, asa nýɔ̃ wea.

Lua, swásɛ ma wabikeai.

<sup>7</sup> N n gbɛke bɔnsae kemɛɛ,  
gbé pɔ nànzio bɔ ní ibɛɛɔ ɔzi.

<sup>8</sup> Laaidɔa lá ní wébesianawa,

\* **16:10** Zln 13.35 † **16:11** Zln 2.25-31

ní ma sɔɔ n kúlukulunau.

<sup>9</sup> Ma si gbɛ̃vāi pɔ aai ɪadaaɔwa,  
ma ibɛɛ pɔ liaamazipio.

<sup>10</sup> Aali gbɛ̃e wegwaɔ,  
an lé ì yɔ̃ɔ yā'o.

<sup>11</sup> Aa pèlemazi aa liamazi,  
aa wɛbɪia ké aa e ma pále zɪle.

<sup>12</sup> Aa ye ma taitai  
lán nɔ̃ɔmusu nɔ̃andɛnawa,  
lán nɔ̃ɔkusi pɔ naalea gusaɛnawa.

<sup>13</sup> Dii, fɛle daɪle, ní n kwé,  
ma si gbɛ̃vāipioɔwa n n fɛ̃ndao,

<sup>14</sup> ma bɔ gbépio ɔzi n gbāao.

An baa ku dúniaɛ bee guu,  
an àizɛɛ ɔ diɪzi, an néɔ ì ká,  
aai pɔ pɔ fɛ̃ɔ kále n népioɛ.

<sup>15</sup> Má wɛsinle ma nɔ̃ɛmaa yāi,  
tó ma n e ma vugɔɔ, bee a mɔa.

## 18

### *Ziblea sɔaukpaa*

*(2Sam 22.1-51)*

<sup>1</sup> Le pɔ Dii zòblena Davidi siè gɔɔ pɔ à aà bɔ Saulu n  
aà ibɛɛ kinio ɔzi.

<sup>2</sup> Má yenzi Dii,  
níme n ma gbāa ũ.

<sup>3</sup> Lua mé ma gbesi ũ,  
mi naaàzi,  
ma Lua mé ma zegikdi ũ,  
ì ma misi.  
A de ma sɛngbao ũ,

má aà náai ví,  
a de ma suaban gbãa ũ,  
ĩ ma dĩa.

<sup>4</sup> Dii kà wà aà sáaukpa.

Mi lezuaàzi,  
ĩ ma bɔ ma ibeεo ɔzi.

<sup>5</sup> Gó kpálemano,  
kaale swa lé ma ble.

<sup>6</sup> Mia baɔ galakpámee,  
ga baikpámee ma ae.

<sup>7</sup> Ma yeelεa guu màa ma Dii sìsi,  
ma lezù ma Luazi,  
õ à ma lɔɔ mà za a be,  
ma wii kàwà, à gè aà swáú.

<sup>8</sup> Tɔɔle lùalua à zìazì,  
gbèsisìb dèedee ní zínau,  
aa lùalua ké aà pɔ pà yáí.

<sup>9</sup> Súele bò aà níu,  
té pɔ ĩ kúmá bò aà léu,  
a yɔɔ lé pipi aà ae.

<sup>10</sup> A gu kèaa musu à pìla,  
lou sìsi aà gbá zìe.

<sup>11</sup> Ale vua dia malaika gâsiade kpe,  
àle yàakpa ní íanao.

<sup>12</sup> A gusia kù azìala,  
à luabesiana kè a kúkii ũ.

<sup>13</sup> Lousisia d̀aa aà gawì píleae,  
lougbe kwè, lou pílepìle pásipási.

<sup>14</sup> Dii Musude pàla za musu,  
aà lɔɔ dɔ louvía ũ.

<sup>15</sup> A ka fà ma ibeεoɔgu à ní fãaa,  
Lua sùmá à ní yá.

16 Ké n palamá Dii,  
 ísia tɔɔlɛ bɔ̀ gupuau,  
 ké n pɔ̀bɔ̀ n níu,  
 dúnia zína bɔ̀ puizi.

17 A ɔ̀bɔ̀ za musu à ma kũ,  
 à ma bɔ̀ ísiu.

18 A ma si ma ibɛɛ gbãawa  
 ní ma wèlɛ pɔ̀ an gbãa demalaɔ.

19 Aa ànaa ma wɛ̀nakɛgɔ̀,  
 ɔ̀ Dii zèmanɔ̀.

20 A ma bɔ̀ à ma gba dɛ̀epookii,  
 à ma m̄isi ké a yemazi yáí.

21 Dii yákɛ̀mɛɛ ma nòsem̄aa léu,  
 à fiabò̀mɛɛ ma gbásísai léu.

22 Asa má Dii yádilɛɔ̀ kũa,  
 mi v̄aikɛ ma a Lua tò weo.

23 Aà ikoyãɔ̀ Ìɔ̀ dɔ̀aaamɛɛ,  
 mi bɔ̀ yá pɔ̀ a d̄ilɛɔ̀ kɛɔ̀.

24 Ma kua tàae v̄í Diiɛɔ̀,  
 má azia kũa duunasai.

25 Dii fiabò̀mɛɛ ma nòsem̄aa léu,  
 asa a è má kú gbásísaiɛ.

26 N náai v̄í náaideɔ̀nɛ,  
 tàaesaiden n ũ tàaesaideɔ̀nɛ.

27 N wásawasa gbé́ wásawasaɔ̀nɛ,  
 ãma ni k̄ɔ̀nikɛ gbé́ d̀ò̀saiɔ̀nɛ.

28 Ni z̄iabusanaɔ̀ suaba,  
 ni gbé́ pɔ̀ aaí nízia sɛ les̄ɔ̀ busa.

29 Dii, ni ma filia tɛfɛlɛ,  
 ma Lua, ni ma gusia lilɛ gupua ũ.

30 N n gbãao má fõ kuadi kaawa,  
 ní ma Lua ðonleõ má fõ ví gã.

31 Luapi sõ, aà yãkea b̀lei.

Dii yá sãa v̄io.

A ðe s̀ngbao ũ gbé pó nàaziõne.

32 Dii bàasio, déme Lua ũi?

Wá Lua bàasio, déme gbesi ũi?

33 Lua mé ì ma gba gbãa,

õme ì zepoomεε súsu.

34 I to ma wá nakū lán tuewa,

ì to màõ be bùsu gulesiõ musu.

35 I zikaa dadamεε

e ma gãsi fõ m̀gotẽ sá gá.

36 Ni n zibles̀ngbao kpaá,

ní ma kũa ní n ɔplaaõ,

ni naale ñ ma t̀õõ.

37 Ni ma zé yàasa kũmεε,

õ ma gbá lí gbãleõ.

38 Ma pele ma ẁleõzi ma ní kũkũ,

mi kpekpaõ e ma ge ní ðeðeð.

39 Ma ní wiwi, aai e f̀leõ,

aa kwè g̀ kálea ma gbá zíe.

40 N ma gba gbãa, ma zíkàð,

ní tò ma ibεεõ mikpàa.

41 N tò ma ẁleõ kpekpa,

õ ma a zangudepiõ m̄ide.

42 Aa wiilè, gbèe i ní suabao,

aa lezù Diizi, i yãmamáõ.

43 Ma ní ké búεbue

lán luutẽ pó íana s̀ewa,

ma táa'òmá lán zé guu p̀leawa.

44 N ma bɔ gbé pɔ fɛlɛmanɔɔ ɔzi,  
n ma kɛ buiɔ mide ũ.  
Gbé pɔ má n dɔɔ lé zɔblemɛɛ.

45 Bui zɔlɔɔ ì vlānaumɛɛ,  
tó aa ma yāmā, aai misiilɛmɛɛ.

46 Buipāleɔ kúsu ì kwé,  
aai bɔ n zɛgikɛiɔu n lualuao.

47 Dii ku! Báaaden ma gbɛsi ũ!  
Wà Lua ma Suabana tɔbɔ.

48 Lua mé ì tɔsimɛɛ,  
ì buiɔ totomɛɛ.

49 N tò ma pili ma ibɛɛɔwa,  
n ma gba gbāa dɛ ma wèlɛɔla,  
n ma bɔ gbé pāsɔɔ ɔzi.

50 A yái má n sáaukpa buiɔnɛ,  
má n táasilɛ, Dii.\*

51 Dii ì zɛ zɔɔ ble kía pɔ á sèɛ,  
ì gbɛkɛkɛ kía pɔ á kpàpiɛ,  
ma Davidi n ma buiɔ e gɔɔpii.

## 19

### *Luabɛ gawi n Lua yā gawio*

1 Davidi lɛ.

2 Musu ì Lua gawi bɔ gupuaɔ,  
bāluma pɔɔ ì aà zɛ ɔlɔnɛ.

3 Iɔ yādané lá gu lé dɔ,  
ì dɔa kpámá gwá n gwáo.

4 Ili yā'oo, aà yā'oa bui kuo,  
wili a kía mao.

5 Aà bɔ ì gé dúnia guu píi,

---

\* **18:50** Lom 15.9

aà yā'oa ì gé e tɔɔle léwa.\*

Lua kpɛdò ìatɛɛ we,  
 6 ì bɔ kpéu à bilɛ lán nɔsɛnawa,  
 ì fɛle ní táo ní pɔnao lán nɛgɔnawa.  
 7 Ì fɛle luabɛ léla,  
 ì pāa gé e a léle,  
 pɔɛ líɔ ulɛa a pusuiɔ.

8 Dii ikoyā pɛɛa,  
 ì ní nòsɛ níniné.  
 Dii yá náai ví,  
 ì lɛda ɔnɔsaideɔwa.  
 9 Dii ì ɔtona dɔné súsu,  
 ì ní pɔ kɛ na.  
 Dii yádileɔ gbāsi víɔ,  
 ì ní oa weené.  
 10 Misiileɔ Diiɛ zépi wɛbɔa,  
 waɔ tei gɔɔpii,  
 Dii yákpalekɛa síana ví,  
 yápi ìɔ maa wásawasa.  
 11 Aà yāmaa dɛ vuua, baa vua maa,  
 a na dɛ zó'ia, baa zó bùsu.  
 12 Ni lɛda mapi n zòblenawa,  
 gbéé pɔ n yá kŭa ài ìɔ zɔɔ.

13 Déme a fɔ yá pɔ ále zāwàɔ dɔi?  
 Sùuukɛmanɔ ní ma tàae pɔ ulɛɔ.  
 14 Nsu to mapi n zòblena dɔɛnnɔɔ,  
 duuna su gbāableɔ,  
 míɔ kú wásawasa tàae zɔɔ sai.

---

\* 19:5 Lom 10.18



15 To yá pò lé bɔ ma léu  
 ní láasoo pò kú ma s̄uo kangu  
 Dii, ma gbesi, ma Suabana.

## 20

### *Ziblea wabikea*

1 Davidi lé.

2 Dii sinnɔ n yeelɛa guu,  
 Yakɔbu buiɔ Lua n sɛ lɛsí.

3 Kua za aà kúkíi a n suaba,  
 kua za Siɔna a dɔnlɛ.

4 Aà n sa'oa píi sí,  
 n sa'obɔɔ i dɔaàgu.

5 Aà pò pò n pɔ gbà kpama,  
 aà to n yá pò níle yá le,

6 wí gulakɛ zí pò ní blè yá musu,  
 wí dàlapoo da ní wá Lua t̄so.

Dii wabi pò ní kè sinnɔ píi.

7 Má d̄s̄ sa Dii ì kía pò a kpà suaba,  
 ì siaànɔ za a bɛ pò a kua adoau,  
 i to aà zible ní a gàsa gbãao.

8 Gb̄eɔ ì zikas̄goɔ náaike,  
 gb̄eɔ ì s̄ó náaike,  
 wápiɔ s̄, Dii wá Lua náai wi ke.

9 Ampio, aa kúle aa léle,  
 wápiɔ s̄ wáɔ zɛa gíũgiũ.

10 Dii, to kí zible,  
 tó wa lɛzùnzi, síwanɔ.

## 21

*Ziblea sáaukpa*

<sup>1</sup> Davidi lɛ.

<sup>2</sup> Dii, kí lé pɔnakɛ ní n gbãao,  
aà pɔ na maamaa ké ní tò à ziblè.

<sup>3</sup> N pɔ pɔ aà pɔ gbà kpàwà,  
ni gí aà wabikɛa síiaànɔ.

<sup>4</sup> N danlɛ kèè ní èfãai zɔɔ,  
n vua fùà kpàè.

<sup>5</sup> A wɛni gbèama, ɔ ní kpàwà,  
ní tò a ku e gɔɔpii.

<sup>6</sup> Aà gawi zɔɔ ké ní tò à ziblè,  
n gawi ní zɔɔkɛo kpàwà.

<sup>7</sup> Niɔ báaadaaàgu gɔɔpii,  
n kuaaànɔ tò aà pɔ kèna.

<sup>8</sup> Asa kí Dii náai ví,  
kua Musude gbɛkɛu a kpaguao.

<sup>9</sup> Nyɔ ɔdie n ibɛɛɔwa,  
nýɔ n wèlɛo kú ní n ɔplaaɔ.

<sup>10</sup> Nyɔ ní kɛ mua yàa ũ n mɔgɔɔ,  
Dii a ní míɔnzɔ a pɔfɛgɔɔ,  
i to tékūmá.

<sup>11</sup> Nyɔ ní néo midɛ dúnia guu,  
ní ní buiɔ ké gbɛnazinaɔwa.

<sup>12</sup> Baa tó aa lɛkpàainzi,  
an pɔeã a fɔ zíkɛo.

<sup>13</sup> Nyɔ ka dɔdɔ ní wéwa,  
nýɔ to aa kpɛkpa.

<sup>14</sup> N gbãa guu, Dii, n nziã káfi,  
wí lɛsi wà n gɔsake táasile.

## 22

*Wiile Luawa*

<sup>1</sup> Davidi ε.

<sup>2</sup> Ma Lua, ma Lua,  
bóyái n ma to wei?\*

Ma wiilè,  
àkea níle mós ma suabaio ni?  
<sup>3</sup> Ma Lua, ma lezúnzi fáane,  
ni weao,  
ma wiilèma gwāasina,  
ō níle.

<sup>4</sup> N kua adoa, ní zōlea báawa,  
ō Isailio i ní táasile.

<sup>5</sup> Mmε wá dezió n náaikè,  
aa n náaikè ō n ní mīsi.

<sup>6</sup> Aa lezúnzi ō aa bókii è,  
aa n náaikè ō wí i ní kūo.

<sup>7</sup> Kòtēn ma ũ, gbēnazinan ma ũo,  
wàle ma sōsō, wàle sakamagu.

<sup>8</sup> Gbé pó lé ma gwaó lé ma yáaló,  
aale lesuikεa,  
aale miki déũdeũ aale mε:†

<sup>9</sup> Lá àle Dii náaikε, aà aà bó,  
tó aà yá kaaàguε, aà aà misi.‡

<sup>10</sup> Mmε n ma bó ma da nòseu,  
n ma do aà yówa.

<sup>11</sup> Má na n ɔzi za neasakpεuε,  
ní de ma Lua ũ za ma da nòseu.

<sup>12</sup> Nsu òyō kumanó zāo,  
asa taasi lé mεkpa,

---

\* **22:2** Mat 27.46, Maa 15.34 † **22:8** Mat 27.39, Maa 15.29, Luk 23.35 ‡ **22:9** Mat 27.43

mé gběe ku à dɔmaleo.

13 Wa liaamazi dasidasi lán zugaaewwa,  
wa pooamazi lán Basana zuswanaowa.

14 Wàlɛ lɛdɔɔa lán nɔɔmusu ɔɔlɔna pɔ aalɛ pɔ  
taitaiowa.

15 Ma gbāa gèzɛa lán í kólɛawa,  
ma guɔ bɔɔũ pii,  
ma mɛ yɔ lán zɔsawa.

16 Ma kòlo giigàga lán pɛnkasowa,  
ma léna nàalɛ ma lé musu. §  
Wà ma wulɛ lán gɛwa bùsutiu.

17 Gbécɔ liaamazi dasidasi lán gběowa,  
gběvãipio nɔnɔaamazi,  
aa ma ɔɔ ní ma gbáo fĩfĩ.\*

18 Má fĩ mà a wáɔ nao pii.

Wà wɛbĩibii, wàlɛ ma gwa,

19 wàlɛ ma pɔkasao kpaalɛ,  
wàlɛ tɛlɛpa ma ulatao yá musu. †

20 Dii, nsu nyɔ kumanɔ záo,  
nímɛ ní ma gbāa ũ,

mɔ dɔmalɛ kpakpa,

21 ma bɔ an fɛnda lézi,  
ma wɛni si gběpio swaawa,

22 ma bɔ nɔɔmusupio lézi,

ma si zùsɛlɛpio kóbawa,

23 mí n tɔbɔ ma gbécɔnɛ,

mí n táasile kɔkãaa guu. ‡

§ 22:16 Zaa 19.28 \* 22:17 Zaa 20.27 † 22:19 Mat 27.35, Maa  
15.24, Luk 23.34, Zaa 19.24 ‡ 22:23 Ebe 2.12

24 A Dii vɪakɛnaɔ, à àà táasilɛ,  
 á Yakɔbu buiɔ, à àà tɔbɔ,  
 á Isailiɔ, à misiilɛ̀.

25 Asa i saka taasideguo,  
 i àà wɛ̀nadeke yaboo,  
 i mikpɛdɔ̀ɛo,  
 à swākpa àà wiileai.

26 Má n táasilɛ balu guu,  
 má lé pɔ́ má kɛ̀ma fɪabo n vɪakɛnaɔ wáa.

27 Taasideɔ pɔ̀ble aa ká,  
 Dii kɪ́i wɛ̀ɛɛnaɔ aa àà táasilɛ,  
 aaiɔ ku gɔ̀ɔpii.

28 Dúnia búu gbéɔ Dii dɔ́, aai zɛaàno,  
 bui pɔ́ kúuɔ kúɛ̀ɛ píi,

29 asa kpalableaá Dii yáɛ,  
 i kible bui píiwa.

30 Dúnia gbāadeɔ kúɛ̀ɛ píi,  
 gbé pɔ́ gè gékɪ́iɔ misiilɛ̀ píi.

31 An buiɔ zɔ̀blè,  
 aa Dii yá dau siu ziadeɔne,

32 aai o gbé pɔ́ wi ní i yāaoɔne  
 lá à yānakpamá,  
 asa a kè.

## 23

*Dii mé ma dāna ũ*  
 Davidi ɛ.

<sup>1</sup> Dii mé ma dāna ũ,\*  
 pɔe a késāao.

---

\* 23:1 Zāa 10.11, 1Piɛ 2.25

<sup>2</sup> I ma wúle sè̀bɔ̀bki, ì gemanɔ́ í kílíkíli sae.†

<sup>3</sup> I ma nòse nínimεε, ì dɔ́amεε zé maaɔ guu a tó yáí.

<sup>4</sup> Baa tó má be gusisi pãsiu, má v̄ai v̄iakεo, asa n̄ kumanɔ́, n s̄na n̄ n goo ì ma gba s̄.

<sup>5</sup> Ni blεkale ma aε ma ibεεo wáa, ni n̄sidɔɔ ma miwa, ni íka ma toona pai yelele.

<sup>6</sup> Nama n̄ gbε̄kεo aɔ kumanɔ́ gɔɔpiie, m̄io ku Dii ua e ma w̄eni léu.

## 24

### *Dii ḡεa a kp̄éu*

Davidi le.

<sup>1</sup> Tɔ̀le n̄ p̄o p̄o kuwàɔ́a Dii p̄óε,\* dúnia n̄ gbé́ p̄o kú a guuɔ́ píi.

<sup>2</sup> A tɔ̀le z̄inap̄èle ísiau, a k̄ale n̄ swaɔ́.

<sup>3</sup> Déme zeví à dede Dii s̄isiwai? Déme a f̄õ ḡε aà uai?

<sup>4</sup> Gbé́ p̄o tàae v̄io mé aà nòse pua,† mé ìli ze n̄ táaɔɔ, mé ìli legb̄ẽ n̄ m̄ofilioo.

<sup>5</sup> Dii a báaada adegú, Lua aà Suabana a to yá b̄oàànɔ́ na.

<sup>6</sup> M̄aa a de n̄ aà k̄íi w̄èlɛnaɔ́,

† 23:2 Zia 7.17 \* 24:1 1Kln 10.26 † 24:4 Mat 5.8

Yakɔbu buiɔ Lua aeyanapiɔ.

7 A bíibɔleɔ wẽwẽ,  
à gbà ziɔ wẽwẽ,  
í tó Kía gawide‡ gẽ.

8 Déme Kía gawidepi ũi?  
Dii negɔn gbãae,  
Dii zìkan gbãae.

9 A bíibɔleɔ wẽwẽ,  
à gbà ziɔ wẽwẽ,  
í tó Kía gawide gẽ.

10 Déme Kía gawidepi ũi?  
Dii Zígɔde mé Kía gawidepi ũ.

## 25

### *Lua wá dʒana*

Davidi le.

1 Dii, ma azia kpàmae,

2 ma Lua, mále n náaikε.

Nsu to wí ma kũo,  
ńsu to ma íbeɛɔ tidɔmalao.

3 Wí a gbé pɔ an wé dɔnziɔ kũo,  
sema gbé pɔ bɔ n kpe pãɔ.

4 Dii, n n zé ɔbmeε,  
ní n yá dadameε.

5 Gemanɔ n síanau, ní dadameε,  
asa Lua ma Suabanan n ũ,  
ma wé ìɔ dɔnzie gɔɔpii.

6 N sùuu ní n gbẽkeɔ aɔ dɔngu,  
asa ní ví za káauε, Dii.

7 Nsu tàae pɔ má kèɔ yádao

‡ 24:7 1Kln 2.8

ge duuna pó má kè ma èwaasogoo.  
 Ma yá àò dɔngu gbēke guu,  
 ké ní maa yáí, Dii.

<sup>8</sup> Dii maa, ì yāke a zéwa,  
 bee yáí ì a yādada duunkenaone.

<sup>9</sup> I zīabusanao da a zéwa,  
 ì yāmaa dadané.

<sup>10</sup> Dii ìò gbēke ní náaio ví  
 ní gbé pó zè ní a bàakuarínò yáo.

<sup>11</sup> Baa ké ma duuna zōo Dii,  
 sùuukemanò n tó yáí.

<sup>12</sup> Déme Dii vía víi?  
 Dii ì ade da zé pó de aà sewa.

<sup>13</sup> Ade aò ku nama guu,  
 aà buiò mé aa gō ní bùsu ví.

<sup>14</sup> Dii gbēke ví ní a víakenaò,  
 ì to aao a bàakuarínò yá dō.

<sup>15</sup> Ma wé ìò pε Diiwa gōopii,  
 asa òme ì ma gbá bò bau.

<sup>16</sup> Ma wegwa, wēnadōmeε,  
 asa má kú mado ní taasio.

<sup>17</sup> Ma yā'ōmaò kò ma nòse guu,  
 ma bò ma wétēapi guu.

<sup>18</sup> Ma taasi ní ma pōsiao gwa,  
 ní ma duuna woloa píi.

<sup>19</sup> Gwa lá ma ibεεò ligua,  
 aa zamagu pāsípāsí.

<sup>20</sup> Ma wēni dōa, ní ma misi,  
 rísu to wí ma kūo, asa ma nanziε.

<sup>21</sup> To síana ní kua maaò àò ma dōa,



asa ma wé ìb dɔnzìe.

<sup>22</sup> Lua, Isailio bɔ ní taasikεαου píi.

## 26

### *Gbēmaa wabikεa Diiwa*

Davidi lε.

<sup>1</sup> Yánakpaa Dii,

asa ma yākè a zéwa,

ma n náaikè seasai.

<sup>2</sup> Ma lε ñ ma gwa Dii,

ní ma nòsε ní ma làasooɔ gwa.

<sup>3</sup> N gbēke ìb dɔaamεε,

mi zìke n sianawa.

<sup>4</sup> Mili zòlε ní εεdeɔɔ,

mili beβε ní mɔafilideɔɔ.

<sup>5</sup> Má za duunkεnaɔ káaaau,

mili zòlε ní gbēvāio.

<sup>6</sup> Ma a ɔ pìpi tàaesai seela ũ,\*

mále lia n gbagbakíizi, Dii,

<sup>7</sup> ké mà e n sáaukpa lesia guu,

mí n yābɔnsaεɔ kpàwake.

<sup>8</sup> Dii, má ye n kpé pɔ níɔ kuuzi,

gu pɔ n gawi ì pilau.

<sup>9</sup> Nsu ñ ma naaa ní duunkεnaɔɔ,

ńsu ñ ma baa daaa ní gbēdenaɔɔ.

<sup>10</sup> Vái làasoo mé ìb dɔaané,

an ɔ ìb pai ní gbagusaεɔ.

<sup>11</sup> Mapi sɔ mi yāke a zéwa,

wēnadɔmεε ní ma suaba.

\* **26:6** Iko 21.6-7, Mat 27.24

12 Ma zεkii è gumaau,  
má Dii sáaukpa balu guu.

## 27

### *Dii mé ma gupua ũ*

Davidi łe.

<sup>1</sup> Dii mé ma gupua ũ, ma Suabana ũ,  
dé má v̄iakε̄i?

Dii mé ma ulεkii ũ,  
dé v̄ia mé a ma kú̄i?

<sup>2</sup> Tó gb̄v̄aīo s̄imazi ma taitaia yá̄i,  
ge tó ma ibε̄o ní ma w̄ε̄o à̄naa,  
aa ḡmb̄ōle aa lé̄le.

<sup>3</sup> Baa tó z̄iḡō koez̄mazi,  
ma s̄o a v̄io.

Baa tó gb̄̄ō f̄ε̄la ní z̄io,  
ma s̄o āo dilε̄aε̄.

<sup>4</sup> Yá m̄endo má̄le a wabike Diiwa,  
yá̄pi má̄le w̄ε̄le maamaa.

Má ye mà̄o ku Dii ua e ma ḡō lé̄wae,  
ké mà̄o aà āeya aà kp̄éu we,  
mí w̄é̄pe aà kefenkewa.

<sup>5</sup> A ma ulε̄ a kp̄éu taasikε̄ḡō,  
a ma gwa a zw̄à̄akp̄eu,  
i ma ze gb̄e musu aafia.

<sup>6</sup> Ma mi a fu ma ibε̄ε̄ p̄ō liaamaziola,  
mí sa'o Dii ua ní gulakε̄ao,  
mí łesi mà̄ aà táasile.

<sup>7</sup> Tó ma łez̄unzi Dii, wea.

Ma w̄ε̄nagwa ní ma yá̄ma.

<sup>8</sup> Ma n̄̄se lé̄ łeadaa mà̄ n āeya,  
Dii, má̄le n āeya.

<sup>9</sup> Nsu mikpɛɔ mapi n zɔ̀blenaεo,  
 ńsu ɔ ma kpε ń pɔf̃oo.

Ma Dɔnlɛden n ũ, ńsu ma vŭaaο,  
 Lua ma Suabana, ńsu ma to weo.

<sup>10</sup> Tó ma de ń ma dao pākpaṃazi,  
 Dii a ɔliamazi.

<sup>11</sup> Dii, ma da n zéwa,  
 ɔaamεε zé súsu guu ma kpākpanaɔ yáí.

<sup>12</sup> Nsu to ma ibεεo ń pɔeã keao,  
 asa seelade εgenaɔ lé yãɔa,  
 mé gbé p̃asiɔ lé pɔɔo ń níu.

<sup>13</sup> Má yáε bee náai ṽí ké má e:  
 Dii a maakεmεε dúniaε bee guu.

<sup>14</sup> Wεɔɔ Diizi.  
 Ze gbãa, ní s̃ɔdile.  
 Wεɔɔ Diizi.

## 28

### *Wabikεa ń s̃aukpaao*

Davidi lε.

<sup>1</sup> Dii ma gbesi, mále lezunzi,  
 ńsu ñ n swá kákamεεo.  
 Tó ń níle,

má g̃ɔ lán gbé p̃ó aa si beɔaɔwaε.

<sup>2</sup> Mále w̃ena wii lema, swásemazi,  
 mále ma ɔ se n kúk̃i oi.

<sup>3</sup> Nsu ma gále ń gbé b̃εεo ge ṽaikenaɔ s̃anuο.  
 Aaĩ yãna o ń gbédeeε,

ãma an zaa gbéɔu kè zài.

<sup>4</sup> Kené ń yãkea ń ń ṽaikεaowa,  
 fiaboné ń dàawa,

a gbɛ i wí n' musu.\*

<sup>5</sup> Aali Dii yǎkɛa n' à zíkɛao yǎdao,  
a n' fuangba, a n' zɛɔɔ.

<sup>6</sup> Ma Dii sáaukpà,  
asa à swāsè ma wěna wiileai.

<sup>7</sup> Dii mé ma gbāa n' ma sɛngbaoo ũ,  
má à náai ví ma sɔu.  
I dɔmale, ma nòsɛ ì yáab,  
mi à sáaukpa n' lɛsiao.

<sup>8</sup> Dii mé a gběɔ gbāa ũ,  
a dɛ ulekli ũ kía pɔ a kpàɛ,  
ì à suaba.

<sup>9</sup> N n gběɔ suaba, ní báaadaŋgu.  
N n' dádǎ, n' n' kŭa gɔɔpii.

## 29

### *Dii yǎ'oa zà'itana guu*

Davidi lɛ.

<sup>1</sup> Malaikaɔ, à Dii tɔɔɔ,  
à gawi n' gbāao dɔ Diiɛ.

<sup>2</sup> A Dii tɔɔɔ,  
à kúɛ Diiɛ n' lousisi'ulaɔ daa.

<sup>3</sup> Dii lɔɔ kú lousisia kpe,  
Dii gawide ì to lou pūna,  
Dii ku lousisia musu.

<sup>4</sup> Dii lɔɔ gbāa dɔ,  
Dii lɔɔ gawi ví.

<sup>5</sup> Dii lɔɔ ì sɛdɛ líɔ paa,  
Dii ì Libā bŭsu sɛdɛ líɔ paa.

<sup>6</sup> I to Libā gbèsis'ɔ víví lán zunɛwa,

---

\* 28:4 2Tim 4.14

ĩ to Εεμɔ gbε vĩvĩ lán gáaenawa.

<sup>7</sup> Dii ɔɔ ĩ ɔɔ n loupilεαɔ.

<sup>8</sup> Dii ɔɔ ĩ gbáa dee,  
Dii ĩ Kadεsi guwaiwai dee.

<sup>9</sup> Dii ɔɔ ĩ líɔ zĩa,  
ĩ líkpe puakũ,  
gbé pɔ kú aà uaɔ i oè, Gawideε.

<sup>10</sup> Dii ku í pɔ daa dúniaa musu,  
Dii ɔ zɔlea Kía ũ gɔɔpii.

<sup>11</sup> Dii ĩ a gbéɔ gba gbáa,  
Dii ĩ báaadaŋgu aaɔ aafia.

## 30

### *Dii sáaukpaa*

<sup>1</sup> Lε pɔ Davidi dà Lua kpé sakεpɔ ũ.

<sup>2</sup> Má n káfí Dii, asa n ma se lesí,  
ni to ma ibεεɔ tidɔmalao.

<sup>3</sup> Dii ma Lua, ma wiilèma,  
ɔ n ma gbāgbā.

<sup>4</sup> Dii, n ma si miawa,  
ni to ma si bεdauo.

<sup>5</sup> Dii náaikεnaɔ, à aà táasile,  
à aà tɔɔɔ, asa a kua adoaε.

<sup>6</sup> Asa aa pɔfεa lí la n lao leo,  
aà εfāai mé ɔ ku e gbé wēni léu.

Ɔɔba ɔ ku gwá,  
ɔ gu ĩ dɔ n pɔnao.

<sup>7</sup> Ké má kú nama guu, ma mē:  
Má kpagua bauo.

<sup>8</sup> Dii, ké n εfāaikèμεε,

n ma ze gíũgiũ lán gbesiwa.  
Ké n mikpedòmee,  
ma gɔ bíli guu.

<sup>9</sup> Mmɛ ma lɛzúnzi Dii,  
ma kulekè ma diiɛ ma mè:

<sup>10</sup> Bó ài ma gaa ge ma sia bɛdau víi?  
Ma papa a n tɔbɔe?  
A n náai kpàwakɛe?

<sup>11</sup> Ma yãma Dii, wɛnadòmee.  
Dii, òyɔ de ma Dɔnlɛde ũ.

<sup>12</sup> N ma ɔɔba lilɛ ɔwãa ũ,  
n ma zwãnkasaɔ wòloa,  
n pɔna dàmee pɔkasa ũ.

<sup>13</sup> Máo níleɔ, máɔ n táasilɛɛ,  
Dii ma Lua, máɔ n sáaukpa láasaie.

## 31

### *Ziakpaa Diiwa*

<sup>1</sup> Davidi lɛ.

<sup>2</sup> Dii, níme ma nanzi,  
ńsuli tó wí ma kũo.  
Lá ni yãke a zéwa, ma misi.

<sup>3</sup> Swãdɔmazi, ní ma bɔ kpakpa.  
Gòmee ma misigbe ũ,  
zegikíi pɔ a ma suaba ũ.

<sup>4</sup> Ma gbesi ní ma ulɛkɔion n ũ,  
dɔaameɛ, ní gemanɔ n tó yáí.

<sup>5</sup> Nsu to mà zu ba pɔ wa kpàmeeuo,  
asa ma Misinan n ũ.

<sup>6</sup> Ma a wɛni nàne n ɔzɪ,\*  
ma bɔ, Dii Lua Sɛnde.

---

\* **31:6** Luk 23.46

7 Má za t́aa gbàgbanaoṅu,  
Dii má aà náai ví.

8 Má yáalo má pónake ní n gběkeo,  
asa n ma gwa ma taasikea guu,  
ní d̄manṅ ma yooyea guu.

9 Ni ma na ma ibeene ní ɔ́io,  
n ma gba d̄epooki.

10 Ma w̄enagwa Dii, asa má yooyeaε,  
p̄sia tò ma wé ḡè s̄uii,  
ma p̄o yà, ma n̄se òkpà.

11 P̄sia lé ma w̄eni m̄oṅ,  
aaukea lé ma w̄e lao,  
làasoo tò má ȳèè ví lo,  
ma wáò k̄è múumuunnṅ.

12 Ma gb̄edeo ì sakamagu ma ibeoo yáí,  
ma yá ì ma gb̄éó víakū maamaae,  
gb̄é p̄ó lé kpaaūmanṅ ḡāeo ì p̄aalemeε.

13 Ma yá i d̄o gb̄ēegu lo  
ma ḡó lán ḡewa,  
ma ḡōné lán oogboowa.

14 Miṅ ma gb̄é dasio lé ma pe,  
vía p̄ó liaamazi.  
Aaí k̄āaa aa lekpaaimazi,  
aaí ledoūke ma w̄enib̄oa yáí.

15 Mapi s̄o, míme má n náai ví, Dii,  
mi me ma Luan n ū.

16 Ma w̄eni ìṅ ku n ɔ́í ḡoṅpiiε,  
ma si ma ibeε p̄ó lé ma weṅwa.

17 Mapi n z̄òblenawa wegwa,

ma suaba n gbēke yáí.

<sup>18</sup> Dii, n̄su to wí ma kūo,  
asa ma lezùnzì.

To wí vāikenaᵔ kú,  
to an lé àᵔ kpaaüa téenau,

<sup>19</sup> to an léna eetonᵔ naale.  
Aaí d̄óe n̄ gbēmaaᵔ,

aaí sakańgu n̄ íandāao.

<sup>20</sup> Aizee p̄ó n̄ k̄aa n̄ v̄iakenaᵔne z̄ᵔᵔ,  
ni èf̄aaik̄e gbé p̄ó nanzioᵔne gbépii wáa.

<sup>21</sup> Tó gbéᵔ lekpańzi,  
ni ɔkuńla,  
tó wàle lekpaakeńᵔ,  
ni n̄ ule n̄ guu.

<sup>22</sup> Ma Dii sáaukpà,  
asa a yemazi z̄ᵔᵔ  
wéle p̄ó wà koez̄ᵔi guu.

<sup>23</sup> Gili gèmagu we,  
ᵔ ma mè: N̄ ma v̄üaae.  
Ké ma suabale z̄unzi,  
n̄ ma wēna wiilea mà.

<sup>24</sup> Dii yāmanaᵔ, àᵔ yeaàzi.

Dii ì a náaik̄enaᵔ d̄śa,  
ì fiabo z̄iakāfinaᵔne a lé gb̄eu.

<sup>25</sup> A gbé p̄ó á wé d̄o Diizio,  
àᵔ gb̄aa à á s̄d̄ile.

## 32

### *Duuna'oa Luae*

Davidi le.

<sup>1</sup> Báaaden gbé p̄ó Dii aà tàae wòlowà



à aà duuna kèwà ũ.

<sup>2</sup> Báaaden gbé pò Dii lí aà tàae yáda bo  
mé mɔafili kú aà ǹ̀se guuo ũ.\*

<sup>3</sup> Ké má níe ní ma duunao, ma ibàba,  
ma wii bo do za koo e oosi.

<sup>4</sup> N ɔtɔɔleaa fáane ní gwáasinao,  
ma yèeè làa lá guantēna íatē ma gbēwa.

<sup>5</sup> O ma wene ma duunai,  
mi a yāvāi ulene bo.

Ma m̀̀e má a tàaeo one Dii,  
õ n ma duuna kèa.

<sup>6</sup> N náaikena wabikema a gɔɔwa,  
tó yá'ia lé mó, a aà le bo.

<sup>7</sup> Ma ulékɔin n ũ,  
ni ma bo wétēa guu,  
ni liamazi n ma suaba.

<sup>8</sup> Dii òmɛɛ à m̀̀e: Má yādanɛ,  
mí n da zé pò de n sɛwa,  
má lɛdama, mío wétenzi.

<sup>9</sup> Nsu ǹ̀yɔ ku làasoosai  
lán s̀̀ ge s̀̀baonawao.  
Tó ni àasina káné ge kpío,  
aali n d̀̀o sɛo.

<sup>10</sup> Yá'õma í li gbēvāiɔla,  
Dii gbēkɛ í li aà náaikenaɔla.

<sup>11</sup> Gbēmaao, à pɔnake ní Diio,  
ǹ̀sepuadeo, à gulake, í yáabo.

---

\* 32:2 Lom 4.7-8

## 33

### *Lua táasilɛa*

- <sup>1</sup> A gulakɛ Diiɛ gbɛ̃maao,  
à kũ nòɛpuadeɔ aà táasilɛɛ.
- <sup>2</sup> A Dii tɔbɔ ní domao,  
à lesiè ní mɔɔnao.
- <sup>3</sup> A lè dafu siè,  
à pɔ lé ní dɔao ní pɔna wiio.
- <sup>4</sup> Asa yá pɔ Dii ò sɪana vɪ,  
a náai vɪ a yákea píi guu.
- <sup>5</sup> A ye yāmaai ní yázɛdeo,  
Dii gbɛke dúnia pà.
- <sup>6</sup> Dii yá'oa mé musu kè,  
aà lé'iana mé musupɔɔ pèpɛ.
- <sup>7</sup> A ikàɛ gudoũ, à gò ísia ũ,  
à íb kàaa, à gò ísi ũ.
- <sup>8</sup> Dúnia gbépii, à vɪakɛ Diiɛ,  
gbé bɛɛɔ píi, à misiilèè.
- <sup>9</sup> Asa à yá'ò ɔ dúnia kè,  
à yādìɛ ɔ à gò káɛa.
- <sup>10</sup> Dii ì lé pɔ buio kpàaɪ gboo,  
ì kpa bùsudeɔne ní yá pɔ aalɛ yáo.
- <sup>11</sup> Yá pɔ Dii zèò Ìb zɛa gíũgiũ,  
yá pɔ aà pɔ gbà Ìb ku gɔɔpii.
- <sup>12</sup> Báaaden bui pɔ Dii de ní Lua ũ  
à ní sé a pɔ ũ ũ.
- <sup>13</sup> Za musu Dii ì gugwa zɪɛ,  
ì gbɛnazinaɔ e píi.
- <sup>14</sup> Za aà kúki ì wɛpã

gbé pɔ kú dúnia guuɔla píi.

<sup>15</sup> Aàpi mé sɔ dɔ baadee,  
i wesi ní yákeɔɔle píi.

<sup>16</sup> Kíá lí zible a zigɔ dasike yáio,

zìkanae lí bɔ a gɔsake yáio.

<sup>17</sup> Sɔ náaikɛa à ní bɔ ee ví,

baa ní a gbãakɛo a fɔ gbé suabao.

<sup>18</sup> Dii wé pɛa a viakɛnaɔwa,  
gbé pɔ an wé dɔ aà gbêkɛziɔ.

<sup>19</sup> A ní bɔ ga lézi,

a ní gwa aafia nɔana gɔɔ.

<sup>20</sup> Wá wé Ìɔ dɔ Diizi,

ɔme wá Dɔnlɛde ũ, wá sɛngbao ũ.

<sup>21</sup> Asa Dii ɔ wá pɔ i kɛwà na,

wá aà tɔ pɔ a kua adoa náai ví.

<sup>22</sup> Dii, n gbêkɛ àɔ kúwanɔ

lá wá wé dɔnziwa.

## 34

### *Dii maakɛa*

<sup>1</sup> Le pɔ Davidi dà gɔɔ pɔ à azia dɛle íande ũ Abimeleki  
ae, ɔ Abimeleki aà yà, à tà.\*

<sup>2</sup> Máo Dii sáaukpa gɔɔpiiɛ,  
míɔ aà táasile lá gu lé dɔ.

<sup>3</sup> Máo íanadã Dii yá musu,  
taasideɔ i ma, aai pɔnakɛ.

<sup>4</sup> A zɔɔkɛ dɔ Diiɛmanɔ,  
wí aà tɔbɔ sãnu.

<sup>5</sup> Ma Dii kíi wèɛɛɛ ɔ a wèa,

---

\* **34:1** 1Sam 21.13-15

à ma bɔ ma sɔ̄deede guu.

<sup>6</sup> Gbé pɔ aà wé dɔaàzi a yáalɔ,  
aà gɛɛ a gɔ̄ kpa aà wéi bauo.

<sup>7</sup> Ma taasidekɛ guu ma lezù Diizi,  
ɔ̄ à ma yãmà à ma bɔ ma yooyea píi guu.

<sup>8</sup> Dii Malaika ɔ̄ ku a vɛakenaɔ saɛ,  
i nɔ̄ bɔ.

<sup>9</sup> A iɛ àɔ dɔ̄ lá Dii maa,<sup>†</sup>  
báaaden gbé pɔ nàaàzi ũ.

<sup>10</sup> Dii gbéɔ̄, à vɛakɛè,  
pɔɛ lí késã aà vɛakenaɔwao.

<sup>11</sup> Nɔ̄ana i nɔ̄omusu de, pɔblea i késãwà,  
ãma pɔmaae lí késã Dii kíi wèɛɛlenaɔwao.

<sup>12</sup> Gbéɔ̄, à mɔ̄ ma yãma,  
mí vɛakɛa Diiɛ dadaé.

<sup>13</sup> Gbé pɔ ye a wēni àɔ maa,  
mé a ye a kua àɔ na,

<sup>14</sup> aà a lé fɔ̄ nɔ̄ yãvãi oao,  
asu to ɛɛ bɔ a léuo.

<sup>15</sup> Aà mikē vãíwa, i maake,  
aà aafia zé wɛɛɛ, ɔ̄ tei.

<sup>16</sup> Dii ɔ̄ wéte gbēmaaɔzi,  
i swákpa nɔ̄ wiileai.

<sup>17</sup> Dii i mikpɛɔ̄ vãikenaɔne,<sup>‡</sup>  
ké an yá su dɔ̄ gbēegu ɔ̄ yáí.

<sup>18</sup> Tó wà lezù Diizi, i ma,  
i nɔ̄ bɔ nɔ̄ yooyea píi guu.

<sup>19</sup> Dii kái nɔ̄ gbé pɔ an pɔ yàɔ,

<sup>†</sup> 34:9 1Piɛ 2.3    <sup>‡</sup> 34:17 1Piɛ 3.10-12



mi yãe kenéó, ã aa ba kpàmee.

<sup>8</sup>To músi ní le, i kené zãma ũ.

To ba pó aa kpàmee ní kú,

aaí léle e pó aa yòpi guu.

<sup>9</sup>Ma pɔ i gbasa ke Diiwa na,

mí pɔnakε ké à ma suabà yáí.

<sup>10</sup>Má o ní nòsemendoo,

Dii, déme kànwai?

Ni taasideɔ si gbãamɔnedɔwa,

ni wɛnadeɔ bɔ ní wetãnaɔ ɔzĩ.

<sup>11</sup>Seelade egeɔaɔ ì felemanɔ,

aaí yá pó má a yá d̄so lalaa.

<sup>12</sup>Aaí maa fiabomεε ní vãio,

ã ma ḡo gbẽando ũ.

<sup>13</sup>Tó aale gyãke yãa s̄o,

mi zwãnkasa daε,

mi azĩa késã ní lɛyeao,

mi wabikené láasai,

<sup>14</sup>lá aa de ma gbẽna ge ma gbé ũwa.

Mio be mipelεa ní oosisio,

lá ma da mále wɛnakeèwa.

<sup>15</sup>Ama ké ma gẽmbɔle,

aa kãamazi ní pɔnao,

aa ma zãmakè aa ànaa,

aa íadàa láasai.

<sup>16</sup>Aa ma àlafii kè pāsípāsí,

aa lésakãmazi.

<sup>17</sup>Dii, níyɔɔ ma gwa màa e bɔe ni?

Nòomusupio lé ma taitai,

ma símá mào ku.

<sup>18</sup> Má n tɔbɔ balu guu,  
má n táasile dasi guu.

<sup>19</sup> Nsu to ma ibeεo tidɔmalao,  
ńsu to gbé pɔ zamagu pã\* ma gwa ní wεdooo.

<sup>20</sup> Yãna lí bɔ ní léuo,  
aaĩ yãɔ yãkelesaideɔwa.

<sup>21</sup> Aaĩ lé εlea aa me:  
Ɛhẽ, ẽhẽ, wá wé mé è.

<sup>22</sup> Dii, n wεsile, ńsu ñyɔ níleao,  
ma Dii, ńsu ñyɔ zãmanɔ.

<sup>23</sup> Ma Lua, fele zemanɔ,  
ma Dii, tó yá bɔmanɔ na.

<sup>24</sup> Ni yãke a zéwa Dii, yãnakpaa,  
ma Lua, ńsu to aa tidɔmalao.

<sup>25</sup> Nsu to aa o ní sɔu wa ma neo,  
ńsu to aa o wa ma mɔ bɛεo.

<sup>26</sup> Lá aale pɔnake ma yã'ea musu,  
to wí ní kú, mí ní kpe e.

Lá aale zɔɔke blea,  
widamá, ní ní kpeɔ.

<sup>27</sup> To gbé pɔ ma bɔa maa ì kené naɔ pɔnake, aai  
wiidɔi.

To gbé pɔ ma bɔa aafia ì káńguo o gɔɔpii, Dii mé zɔɔ.

<sup>28</sup> Mapi sɔ má n náaiyã'ò,  
mí n táasile gɔɔpii.

---

\* **35:19** Zaa 15.25

## 36

*Gbēnazina vāi, Lua maa*

<sup>1</sup> Dii zòblena Davidi ε.

<sup>2</sup> Gbēvāi duuna yá dɔ ma sōwa,

aà wé líɔ Lua wí vīo,\*

<sup>3</sup> asa ɔ e gbēmaan a ũ,

ili a duuna dɔ à gbasa zauo.

<sup>4</sup> Εε ní mɔafilio ku aà léu,

à ɔnɔ ní maakεao tò.

<sup>5</sup> I yāvāi wàaiपा a wúlekīi,

ili gí yāpāsīio,

ì azīa pēle zé faasai guu.

<sup>6</sup> Dii, n gbēke zɔɔ kà saanaɔwa,

ní náai vī maamaa à zò Luawa.

<sup>7</sup> N maakεa zɔɔ lán gbèsīsīɔwa,

n yágɔgɔa lé vīo lán ísia εwa.

Dii, ni gbēnazinaɔ ní nòbɔɔ bɔ píi.

<sup>8</sup> Lua, n gbēke bεεε vī fá,

gbēnazinaɔ ì sɔɔ ní kúlukulunau.

<sup>9</sup> Aaí n ua ble níside ble aa ká,  
ni n swa'i pɔnade kpámá aa mi.

<sup>10</sup> Asa níme ní wēni mi ũ,

kua ní gupuaú mé wá wé kē.

<sup>11</sup> Nyɔ gbēkεkε gbé pɔ aa n dɔɔne ñyɔ gé,  
gi ñyɔ nòsepuaɔ suaba.

<sup>12</sup> Nsu to zīakāfinaɔ ɔzɔao,

ínsu to vāikεnaɔ ɔkemεε yāyaa.

<sup>13</sup> Gwa, mɔafilidepiɔ lèle,

aa gò kálea sɔɔɔ, aa fɔ fεleo.

\* 36:2 Lom 3:18



## 37

*Gbēmaaᵛ ní gbēvāiᵛ zia*

Davidi ε.

<sup>1</sup> Nsu to gbēvāiᵛ yá n kũ gbāao,  
ńsu vāikεnaᵛ gwea nidεo,

<sup>2</sup> asa aa giigaga gᵛᵛ lán sēwaε,  
an maa a lāa lán sēla ísiwa.

<sup>3</sup> Dii náaike, níᵛ yāmaake.

Zε n bùsuu, níᵛ inamiu.

<sup>4</sup> To n pᵛ ke Diiwa na,  
i n gba pᵛ pᵛ n nᵛse yei.

<sup>5</sup> Zε ní Diio,

ń à náaike, i yáε beεᵛ kenε:

<sup>6</sup> A tó yá bᵛnnᵛ na lán gudᵛawa,  
a to ń bᵛ maa lán fāanεwa.

<sup>7</sup> Lekpaaũ Dii aε, ní śaaàzi,

ńsu to saasεna yá n kũ gbāa  
gᵛᵛ pᵛ à yá lé bᵛleieo.

<sup>8</sup> Pᵛkũma tó, mikε pᵛpaawa.

Nsu to yá lí n kũ gbāao,

ĩ mó ní vāikεaoε.

<sup>9</sup> Asa gbēvāiᵛ midε,

gbé pᵛ an wé dᵛ Diiziᵛ mé aa gᵛᵛ bùsu vī.

<sup>10</sup> A gᵛᵛ yᵛᵛ ké gbēvāiᵛ aᵛᵛ ku bᵛo,

baa tó n ní wεεε, níyᵛ ní eo.

<sup>11</sup> Ziabusanaᵛ mé aᵛᵛ bùsu vī,\*

aaiᵛ pᵛnakeᵛ ní aafia zᵛᵛo.

---

\* **37:11** Mat 5.5

12 Gbēvāi ì vāikpaai ní gbēmaao,  
ì lésakāàzi.

13 Ama Dii ìo àà yáalo,  
asa a dō àà gɔɔ a pa.

14 Gbēvāio ì fēnda wo,  
aai ní kakpa sáa,  
ké aa e taasideo ní wēnadeo kwedò,  
aai gbé pò an yákea maaò dede.

15 An zia fēnda a ní zō ní sōu,  
wa ní sáo é'ené.

16 Yɔɔna pò gbēmaa ví  
de gbēvāi dasio àizeea.

17 Asa gbēvāio gbāa a midε,  
āma Dii ìo gbēmaao kūa.

18 Dii tàesaideo yá dō,  
an kpaale ìo de ní pò ũ gɔɔpiiε.

19 Wí a ní kú yápásigɔɔo,  
baa tó nɔana kà, aao kāaε.

20 Ama gaga a gē gbēvāio gu,  
Dii ibeεo láa lá sèbɔo ì láawa,  
aa gēle lán súelewa.

21 Gbēvāi ì pò sēamá,  
ìli a fiaboo,  
gbēmaa sō ì gbada soũsoũ.

22 Gbé pò Dii báaadànguɔ mé aa gō bùsu ví,  
gbé pò à lekènéo sō aa midε.

23 Dii mé ì zemikū gbéε,

aà pɔ ɪɔ na aà kuawa.

<sup>24</sup> Baa tó àlɛ lɛlɛ, a lélɛ sɔlɔlɔ,  
ké Dii aà kŭa yáí.

<sup>25</sup> Ewaason ma ũ yáa, ɔ ma zikù,  
mi e Lua gbẽmaa vùaa bauo,  
mi e aà néɔ lé baakɛo.

<sup>26</sup> Iɔ gbada gɔɔpii ɪɔ pɔ sɛané,  
aà néɔ aao dɛ báaadeɔ ũɛ.

<sup>27</sup> Mikɛ yāváiwa, níɔ yāmaakɛ,  
ní e ñyɔ ku gɔɔpii.

<sup>28</sup> Asa Dii ye maakɛai,  
a a náaikɛnaɔ vùaaɔ.

Aao ku aafiaɛ gɔɔpii,  
gbẽváiɔ sɔ aa midɛ.

<sup>29</sup> Gbẽmaaɔ mé aa gɔ̀ bùsu vɪ,  
aaiɔ ku we gɔɔpii.

<sup>30</sup> Ɔnɔyã ɪ bɔ gbẽmaa léu,  
aà lé ɪ yázɛde o.

<sup>31</sup> Aà Lua ikoyã dɔ aà sɔ̀wa,  
aà gbá lí tii pɔewao.

<sup>32</sup> Gbẽvái ɪ gbẽmaa kpákpa  
ké à e aà dɛ.

<sup>33</sup> Dii a gbẽmaapi to aà ɔ̀ziɔ,  
a we yákpalɛ aà bleo.

<sup>34</sup> Sɔ̀a Diizi, níɔ aà yá kŭa,  
i n káfi, ní gɔ̀ bùsu vɪ,  
ní gbẽváiɔ midɛa e.

35 Ma gbɛv̄ai gbãadee è yãa,  
àɛ ɔta lán lí pɔ gu kèè nawa.

36 Ké tá ma kpa we, a ku we ɔɔ,  
ma aà wèɛɛ, mi aà eo.

37 Tãesaide yá gwa,  
wéte gbẽmaa yáí,  
asa nɔseniɛde buiɔ gɔ bui ũ.

38 Ama duunkɛnaɔ bãɛ sãnusãnu,  
gbɛv̄aiɔ bui a midɛ.

39 Dii mé a gbẽmaaɔ suaba,  
aɔ dené ulekí ũ taasikɛgɔɔ.

40 Dii a dɔńɛ, i ní ɔɔ,  
a ní sí gbɛv̄aiɔwa, i ní suaba  
ké aa nàaazi yáí.

## 38

### *Taaside wabikɛa*

1 Davidi ɛ.

2 Dii, n̄su ma toto ní pɔf̄ɛoo,  
n̄su ma lele ní pɔkūmaoo.

3 N ka ma kū maa,  
n ɔt̄ɔɔɛa.

4 Ma mɛ dáamav̄io n kp̄ɛɛ yáí,  
ma wá aafiao ma duuna yáí.

5 Ma tàaɔ dàmala,  
aa t̄ɔa lán aso gbiawa.

6 Ma ɔɔ lí f̄na ũ,  
aa yaikè ma sɔũkɛ yáí.

7 Má kooa ma gɔ d̄ɔɔɔɔ,

mio be oosisiae gɔɔpii.

<sup>8</sup> Ma wó lé wí síana,  
ma me dáamavíó.

<sup>9</sup> Má yèèè víó, ma me kè múemué,  
mále wiile ma sò pusubɔa yáí.

<sup>10</sup> Dii, ní pó pó má yei dǎ pii,  
ni ma wea fèèè ma sáasã.

<sup>11</sup> Ma sǎ lé ví gbò gbò, ma gbãa yàa,  
ma wé lé teke lo.

<sup>12</sup> Ma gbènaɔ ní ma gbéɔ ì ěmèèè,  
ma daɔ ì zemèè zàzã ma bo yáí.

<sup>13</sup> Gbé pó ye ma kaikɔ ì ma pá,  
ma wenaɔ ì vãikpaaĩmanɔ,  
aaɔ mɔafiliyã gwa ní kǎo gɔɔpii.

<sup>14</sup> Ma gǎ lán swãdowa,  
mili yãmao,  
ma gǎ lán lénanaaleadewa,  
mili lewẽaao.

<sup>15</sup> Má de lán gbé pó lí yãmaowa,  
mili yázãsimáo.

<sup>16</sup> Dii, míme ma wé dɔnzi,  
ńyǎ ma yãma, Dii ma Lua.

<sup>17</sup> Ma mè ńsu to aa tidɔmalao,  
ńsu to aa íanadã ma tiia guwa yáíó.

<sup>18</sup> Ma ka lélea,  
mio ku yã'ĩmaue gɔɔpii.

<sup>19</sup> Má a yãvãio siune sa,

asa ma duuna yáí ma pɔ yaa.

<sup>20</sup> Ma ibεεɔ gbãa mé aa aafia,  
gbéé pɔ zamagu pãɔ dasi.

<sup>21</sup> Aaí maa fiabomεε ní vãio,  
maa má téí, ɔ aa íbelesèmanɔ.

<sup>22</sup> Dii, nsu ma vūaaɔ,  
ma Lua, nsu nyɔ kumanɔ zãɔ.

<sup>23</sup> Mɔ dɔmaleε kpakpa,  
ma Dii, ma Suabana.

## 39

### *Taaside wiileɔ Luawa*

<sup>1</sup> Davidi ε.

<sup>2</sup> Ma mē máɔ azia kũa dɔε,  
má tó ma lé ma da duunauo.  
Tó gbēvãio kumanɔ, má a lé fí.

<sup>3</sup> Ma lé kpaaũa, má kú kilikili,  
mi yãe oo, baa yãmaa,  
ɔ ma yã'ɔma èa kãfi.

<sup>4</sup> Ma sɔ pusu bɔ ma guu,  
ké ma làasookè, ma nòse té bɔ,  
ɔ ma yã'ò ma mē:

<sup>5</sup> Dii, to mà a kua lé dɔ,  
ní ma gɔɔ dasileo.  
To mà dɔ lá ma wēni í gēzεa àa.

<sup>6</sup> N ma wēni lé yɔ n ɔtãɔ,  
ma kua de wé ní níola n kío.

Gbépii í gēzεa lán íanawaε,  
<sup>7</sup> gbēnazina bea ɔ de lán uenawaε.  
I ke bãabãa í àizεε kãaa,

ãma a dõ dé a gõèo.

<sup>8</sup> Lá màae, bó má wé aõ doi bi?  
Mme ma wé dõnzi, Dii.

<sup>9</sup> Ma tàaeõ kãa,  
ńsu to mĩsaideõ ma àlafikεo.

<sup>10</sup> Ma lé kpaauã, mi a lé wẽaaõ,  
asa mĩme n yápi kè.

<sup>11</sup> Nsu ma gbẽ bo,  
n õgbala lé ma kãsãnke.

<sup>12</sup> Ni gbé toto,  
ni aà wetã aà duuna yái,  
ni aà àizeε sóso lán bléwa.  
Gbépii ì gẽzεa lán íanawae.

<sup>13</sup> Ma wabikεa si Dii,  
swákpa ma wiileai.  
Nsu swákaka ma óõbaeo,  
asa n nibõn ma ù,  
má de bõmõ ù lán ma deziõwae.

<sup>14</sup> Wεwoa ké mà e màõ weea,  
e màõ kesai.

## 40

### *Dii sãaukpa*

<sup>1</sup> Davidi ε.

<sup>2</sup> Ma wεdò Diizi maamaa,  
õ à ma wεgwà à ma wiileã mà.

<sup>3</sup> A ma bõ gbáo kõfide guu,  
à ma si deεwa.  
A ma gbá pèle gbesi musu,  
à ma ze we giũgiũ.

<sup>4</sup> A lè dafu dà ma léu,

wá Lua táasiléa pó ũ.  
 Gbé e dasi, vía i ní kú,  
 aai Dii náaike.  
 5 Báaaden gbé pó Dii náai ví  
 mé ìli ze ní waladeo ní táagbagbanao ũ.

6 Dii ma Lua, n yábonsaekéao dasi,  
 wa fĩ yá pó níle yáwanoo dodo.  
 Tó má dàu lé siuné,  
 a lé vío, má fĩ o píio.

7 N ye sa'obo ge gbaio,  
 ñ ní tò ma swá mà.  
 Ni sa pó wĩ a pó káteu à tékũ  
 ge duun awakpabo gbéao.  
 8 O ma mè: Má ké!  
 Lá a ku lá guu ma yá musuwa.  
 9 Má ye n pœã kéaié, ma Lua,  
 n ikoyã ku ma sã guu.\*

10 Má yázedé baokpa balu guu,  
 má a lé kpaaũo lá ní dõwà Dii.  
 11 Lá ni yãnakpámá, má níleo,  
 má n náai ní n gbësuabao yã'o.  
 Má gí n gbëké ní n síandekéo oi balu guuo.  
 12 Dii, nísu gí ma wênagwaio,  
 to n gbëké ní n síandekéo ma dĩa.

13 Asa vãi pó liaamazi lé vío,  
 ma tàaeo dàmala, má fĩ gu'eo,  
 a dasi de ma mikãa, sã kèmagu.

---

\* 40:9 Ebe 10.5-7



14 Dii, suε, ma misi,  
Dii, ke kpakpa, mɔ dɔmale.

15 To wí ma wεnaɔ kú,  
aa ní mi pεε.

To gbé pɔ ye mà yá'εɔ kpekpa,  
an gεε gɔ kpá ní wéí.

16 Gbé pɔ aaí omεε, tàale, tàaleɔ,  
to wí gɔ ní ú ũ.

17 Gbé pɔ aale n kú wεεεɔ,  
to an pɔ kema na aa yáalo.

Gbé pɔ an wé dɔi n̄ ní suabaɔ,  
aaɔ o láasai Dii zɔɔ.

18 Taaside wēnaden ma ũ,  
làasookε ma yáwa, Dii.  
Mme ní ma Dɔnlɛde ũ,  
ma M̄sina ũ.  
Ma Lua, r̄isu gēgēo.

## 41

### *Gyae wabikea*

1 Davidi ε.

2 Báaaden gbé pɔ í yèεεsaide yáda ũ,  
Dii ì aà bɔ taasikεgɔɔ.

3 Dii a aà d̄áa, a aà gba wēni,  
a báaadaaàgu aà bùsuu,  
a aà kpa aà íbεεɔwa aa ní pɔeã daεo.

4 Dii a zεaànɔ aà gyákea guu,  
a to aà gyāpi ble.

5 Ma m̄: Dii, ma duunakènε,  
ma wēnagwa, ní ma gbágbã.

<sup>6</sup> Ma ibεεο lé ga kpaaiṁano aa mè:  
A ga boε ni? Boε aà tó a midεi?

<sup>7</sup> Tó aa mò ma gwai,  
yāyaaa aaï boεmεε,  
aaï bao vāi wεεε ma yá musu,  
ō aaï fεε γε fāaa bàasi.

<sup>8</sup> Ma zangudeo ì vāikpaaṁano,

aaï àsi bεε d̄ba aaï mε:

<sup>9</sup> Gagyā mé aà lè,  
a fεε a wúλεk̄ii beeu lo.

<sup>10</sup> Baa ma kpàasia pó má aà náai ví  
wi poble s̄anu b̄ò ma kpe.\*

<sup>11</sup> Mpi s̄o Dii, ma wēnagwa,  
ma gbágbā, mí fiaboné.

<sup>12</sup> Tó ma ibεεο i kúkua d̄bao,  
máo d̄s sa ké ma yá kàngu.

<sup>13</sup> N ma k̄ua ma n̄osemaa yái,  
n aε ìo d̄ba ḡōpii.

<sup>14</sup> Báaade Dii, Isailio Lua  
za as̄iniz̄i e ḡōpii!  
Ami! Ami!

## LA PLAIDE

*Souo 42-72*

## 42

*Z̄iz̄o s̄oba*

<sup>1</sup> Kole buio lé.

<sup>2</sup> Lá tue ì swa saε nide,  
màa n ni ku ma s̄ou, Lua.

\* **41:10** Mat 26.23, Maa 14.18, Luk 22.21, Zāa 13.18

<sup>3</sup> Lua ni lé ma de, Lua béépi.

Bɔe má e ge wesiaàlei?

<sup>4</sup> Wé'i mé gò ma pòblea ù fāane ní gwāasinao.

Wìo omee gɔɔpii:

N Lua ku máe la?

<sup>5</sup> Yáe beeo dòmagu,

õ máe ma nòse yáa bɔe.

Mio gé yáa bíla guu e Lua ua,

gbéò ì dɔdɔkɔwa ma kpe ní gulao,

dikpekɛnao ì nɔnɔaa ní táasileao.

<sup>6</sup> Bóyái ma sɔ òòkpàì?

Bóyái ma nòse yàì?

Sema màò wɛdɔ Luazi,

asa má ea màò aà táasile,

ma Suabana, ma Lua.

<sup>7</sup> Ma sɔ òòkpà ò n yá dòmagu

za Mizaa gbepɔleu Yuudẽ mii,

za Eemɔ gbèsísíò sòu.

<sup>8</sup> Ni to isukaa kɔfi àò dɔ,

ísìò lé lezukɔi,

ní tò í lé damala,

a sɔ lé tamanɔ.

<sup>9</sup> Dii ì gbèkɛkɛmɛe fāane,

aà le ìò dɔ ma léu gwāasina

wabikea Lua pó ma wēni ũwa.

<sup>10</sup> Mi o Lua ma gbesie:

Bóyái ma yá sàngui?

Bóyái ní tò mio be oosisia

wétɛa pó ma ibee lé mɔmɛe yáii?

<sup>11</sup> Ma ìadamadeò ì ma sósò,

ma wá ɔ wí,  
 aaɔ omɛɛ ɔɔpii:  
 N Lua ku máe la?

<sup>12</sup> Bóyái ma sɔ ɔɔkpàì?  
 Bóyái ma nòse yài?  
 Sema màò wɛdɔ Luazi,  
 asa má ɛa màò aà táasile,  
 ma Suabana, ma Lua.

## 43

<sup>1</sup> Ma yānakpaa Lua,  
 zɛmanɔ bui gbēkesaide yá musu,  
 ma bɔ gbēvāi koleapɔ ɔzì.  
<sup>2</sup> Lua, míme ní ma ulékíi ũ,  
 bóyái n gimazii?  
 Bóyái ní tò miɔ be oosisia  
 wétɛa pɔ ma ibɛɛ lé mɔmɛɛ yáii?  
<sup>3</sup> N n gupua ní n síanao zía,  
 i dɔaamɛɛ e n gbèsisí musu,  
 i gɛmanɔ e n kúkíi we.  
<sup>4</sup> Mí gé n gbagbakíi Lua,  
 ma pɔ i kɛma na, Lua ma pɔna,  
 mí n tɔbɔ ní mɔɔnao, Lua ma Lua.

<sup>5</sup> Bóyái ma sɔ ɔɔkpàì?  
 Bóyái ma nòse yài?  
 Máò wɛdɔ Luazi,  
 asa má ɛa màò aà táasile,  
 ma Suabana, ma Lua.

## 44

*Isaili wɛnakea*

<sup>1</sup> Kole buiɔ le.

<sup>2</sup> Lua, yá pó ní kè wá deziḅ gḁḁ,  
aa òwēε wá swá mà.

<sup>3</sup> N ḁpè buipáleḁwa n íadámá,  
n wá deziḅ kàε ní gbεu aa ḁtàu.

<sup>4</sup> An fēnda mé ní ká bùsupiwao,  
an gāsa gbāa ḁ aa zibleḁo.

N zía gāsa gbāa mé kè,  
n kuaínḁ gupùné, ké ní yeñzi yái.

<sup>5</sup> Mmε ní ma kía ũ ma Lua,  
ni to Yakḁbu buiḅ zible.

<sup>6</sup> N n báaaḁ wi ḁpe wá ibεεḁwa,  
ní n tóḁ wi ḁzḁ wá wēλεpiḁwa.

<sup>7</sup> I ke ma sá máε a náaikεo,  
i ke ma fēnda mé í ma bḁo.

<sup>8</sup> Asa míme ni wá sí wá ibεεḁwa,  
ni wida wá zangudeḁwa.

<sup>9</sup> Lua, wiḁ n táasile gḁḁpii,  
wiḁ n tḁḁ láasai.

<sup>10</sup> N beeo n ḁpèwá ní tò wí wá kú,  
nili bḁ ní wá zīgḁḁ bo.

<sup>11</sup> N tò wa pḁḁḁzákè wá ibεεḁne,  
ní tò wá zangudepiḁ wá pḁḁ náaa.

<sup>12</sup> N ní gbá zé aa wá deδε lán sāḁwa,  
n wá fāaa buipáleḁ guu.

<sup>13</sup> N n gbéḁ yía àa'aa,  
ni ài'e ní yíaa yá musuo.

<sup>14</sup> N tò wá saεdeḁ wá sḁsḁ,  
gbé pḁ liaawáziḁ wá láanikè.

<sup>15</sup> N tò wa gḁ yāa ũ buipáleḁne,  
gbéḁ ḁ midεwēε.

<sup>16</sup> Miḁ kú ní wíḁ gḁḁpiiε,

ma gεε gò kpa ma wéi,  
 17 ma láanikenao ní ma sòsónao yáí  
 ní ma ibεε pò aa ye tɔsiaṽ yáó.

18 Bee wá lé píi,  
 baa ké n yá i sáwáguo,  
 mé wi ní bàakuawano yá gbooo.

19 Wá nòε i liaamao,  
 wi kē n zéwao.

20 N wá wiwi n wá ká gu gbēgbondeu,  
 n gusia zṽ kùaaawá.

21 Tó wá Lua tó sáwágu,  
 ge tó wa wεdò dii zìlozi yāae,

22 Lua a gí eie?

Asa òme wá nòε yá dṽ píi.

23 N yáí wá kú ga lézì gṽpii,  
 wí wá dile lán sá pò wa ní kòlokpaṽwa.\*

24 Vu, Dii! Akεa níε i'oi?  
 Fεε! Nsu wá vūaa gṽpiio.

25 Akεa n mikpelīwēei?

Wá wēnakεa ní wá wetāao sǎngu yà?

26 Wa gṽ ye bùsutiu,  
 wa gṽ wúlea tṽle.

27 Fεε dṽwáε!

Mṽ ò wá misi n gbēke yáí.

## 45

### *Kia nṽεle*

1 Gbē yenzide le pò Kole buiṽ dà.

---

\* 44:23 Lom 8.36

2 Yāna lé pipi ma sɔ̃ guu,  
 ɔ̃ mále leɛ bee da ní kíó.  
 Ma lé na lán ladɔ̃n maa lákɛ̀bɔ̃wa.

3 N kefenke de gbé̃piia,  
 n legbé̃'i ìbɔ̃ na,  
 báaa pɔ́ Lua dāngu láaa vío.

4 Zígɔ́ pásí, ñ ní fɛ̃nda se ñ loo  
 n kíakegawi seela ũ.

5 Di sɔ́ kpɛ ge zible n gawi guu  
 síana ní yázẽdeó yáí.

Yá pɔ́ ì dimá ke ní n ɔ̃plaa gbāao.

6 Kí, n kaɔ lé sɔ́ne,  
 a gɛ̃ n ibẽeɔ sɔ́ kú,  
 buiɔ kwɛ n gbázi.

7 Lua, nýɔ̃ɔ zɔ́lẽa báawa gɔ̃ɔ̃piie,  
 niɔ̃ n kíake lípana kŭa yázẽde ũ.

8 N ye yázẽdei, ní za vāigu.

A yáí tò Lua, n Lua, n kpa kpalau,  
 à pɔ̃na písima de n gbé̃ɔ̃la.\*

9 Lí'ɔ́ gínana písí ní pɔ́kasaɔ̃wa,  
 mɔ̃na'ɔ̃ a n pɔ́ ke na  
 n kpé pɔ́ wa kèke ní wesa swaao guu.

10 Kí nenɔ̃eɔ ku n nɔ̃ yenzideɔ̃ guu,  
 n nɔ̃ dafu kú n ɔ̃plaaí,  
 a Ofii bùsu vua zāblebɔ̃ɔ̃ daa.

11 Nenɔ̃ena, swákpa ñ ma!

N mae be ní n gbé̃ɔ̃ yá su dɔ̃aanɛo.

12 N kefenke lé kí me lua,  
 misiilèè, asa n diin aà ũ.

\* 45:8 Ebe 1.8-9

13 Tiideɔ mɔ gbadane,  
ɔdeɔ n ae wele.

14 Kí nenɔɛpi zɔle kpea ní gawio,  
wà vua ba kè àà pɔkasaɔwa.

15 Wàle mɔaàno kípíe  
ní àà pɔkasa wèsádeɔ daa.  
Né wéndiapi mɔtenziɔ teààzi,  
aale mɔaàno àà kíi.

16 Wàle gèíno kibe,  
wàle pɔnake ní gulakeao.

17 N negɔɛɔ gɔ n maɛɔ gèe ũ,  
nyɔ ní dileɔdile kíaɔ ũ dúnia guu píi.

18 Má tó n tó àɔ dɔ gbéɔgu láasai,  
bui píi iɔ n sáaukpa gɔpii.

## 46

### *Lua kúwanɔ*

1 Kole buiɔ le.

2 Lua mé wá ulekíi ní wá gbāao ũ,  
iɔ dɔwále gɔpii wá yooyeau.

3 A yáí tò sɔ lí kéwáguo,  
baa tó dúnia yà,

mé gbèsísiɔ kwè ísiau,

4 baa tó ípi sùka a fùlabò,  
mé gbèsísiɔ dèe ní kɔfio.

5 Swa ku a í i mó ní pɔnao Lua wéleu,  
Musude kúkíi pɔ a kua adoapi.

6 Lua ku wélepiu, a gɔ bezia ũo,  
Lua a dɔaàle gudɔleia.



- 7 Bui pii lé wiile,  
 kpalaɔ lé bāde.  
 Lua pùna ɔ dúnia yò.  
 8 Dii Zígɔde kúwanɔ,  
 Yakɔbu buiɔ Lua mé wá uleki ũ.
- 9 A mɔ Dii yākeaɔ gwa,  
 lá à yāyia dúniawa.  
 10 Ɔme ì zì midε e dúnia léu,  
 ì sáo é'ε ì sɔnaɔ suumpa,  
 ì tesɔ sèngbaɔwa.  
 11 A ze teεε, íɔ dɔ́ māmεmaa Lua.  
 Bui pii a ma káfi,  
 wa ma tɔbɔ dúnia guu pii.  
 12 Dii Zígɔde kúwanɔ,  
 Yakɔbu buiɔ Lua mé wá uleki ũ.

## 47

### *Lua mé dúnia gbépii kía ũ*

- 1 Kole buiɔ le.  
 2 Bui pii, à ɔtaale,  
 à kúkuake Luaε ní gulao.  
 3 Asa Dii Musude ká wàɔ àà vía ví,  
 dúnia gbépii Kía zɔɔn àà ũ.  
 4 A tò wa zìblè buiɔwa,  
 a tò wa ɔzò gbépiɔwa.  
 5 A kpaalesèwεε,  
 wápiɔ àà yenzide Yakɔbu buiɔ íandáɔ ũ.
- 6 Lua fêle, wàle gulake,  
 Dii zεa, wàle kàaεpe.  
 7 A lesi Luaε, à lesiè,

à lesi wá Kíáε, à lesiè.

<sup>8</sup> Asa dúnia píi Kían aà ũ.

A lesiè ní dɔao.

<sup>9</sup> Lua lé kible bui píiwa,  
a zɔ́lea a báa pɔ́ a kua adoawa.

<sup>10</sup> Bui píi kpalablenɔ́ lé káaa  
ní gbé pɔ́ de Ablahaũ Lua gbéɔ́ ũ,  
asa dúnia kíaɔ́á Lua pɔ́ε.  
A deńla píi.

## 48

### *Sionaá Lua wé́leε*

<sup>1</sup> Kole buiɔ́ le.

<sup>2</sup> Dii zɔ́,

à kà wà aà táasile maamaa

wá Lua wé́le guu,

aà gbèsisi pɔ́ a kua adoa musu.

<sup>3</sup> Siona gbε kálea maa,

a de dúnia gbépiie pɔ́na ũ.

Kía zɔ́ wé́lepi\* ku Siona gugbántoo oi.

<sup>4</sup> Lua ku a gudɔ́akíiɔ́ guu,

a tò wa a dɔ́ aafia'ekii ũ.

<sup>5</sup> Ké kíaɔ́ ledoũkè,

ké aa mò léleiwa sãnu,

<sup>6</sup> ké aa è màa, ɔ́ à òimá,

iwãa kà ní pɔ́a ɔ́ aa tilè.

<sup>7</sup> Aa gò ní lualuo

lán nɔ́ε nɔ́wãwãkenawa.

<sup>8</sup> N ní wiwi

lá gukpe íana í laatanaɔ́ gó'ilenaɔ́ wíwiwa.

---

\* **48:3** Mat 5.35

9 Yá pɔ wá mà ɔ wa wɛsɛ  
 Dii Zígɔde wá Lua wéle guu.  
 Lua wélepi kàle à ku gɔɔpiiɛ.

10 Lua, wá kú n kpéu,  
 wále láasookɛ n gbɛkɛwa.

11 Lua, lá n tɔ fàaa e dúnia léu,  
 màa n táasilea fàaa lɔ.  
 Ni yágɔgɔ n gbéɔne a zéwa.

12 Siɔna gbèsiɔideɔ lé pɔnake,  
 Yuda bùsu wéledeɔ pɔ kèna  
 yákpale pɔ n kèɔ yáí.

13 A dɔdɔkɔwa à lia Siɔnai,  
 í a bíi musu gudɔakli dasiɔ nao.

14 A a bíi tãasika n a zegiklɔ,  
 ké à e dau à siu ziadeɔne.

15 Asa Lua dee de wá Lua ũ gɔɔpii,  
 i dɔaawɛɛ e wà ge geɔ gélkɛ.

## 49

### *Aizɛɛ ndaikɛad mɛsaiyɛ*

1 Kole buiɔ le.

2 Bui pii, à yáɛ bee ma,  
 dúnia gbépii, à swákpa,

3 kíaa n táaaɔ,  
 ɔdeɔ n taasideɔ pii.

4 ɔnɔyã kú ma léu,  
 dɔa ku ma sɔu.

5 Má swãdɔ yáasi yáí,  
 mí polo mɔɔnlea guu.

6 Má viake yāpāsīgōō,  
baa tó ma wèlèō liaamazi.

7 Aa ní àizεε náai ví,  
aaí ní oḁa íanadā.

8 Gbēe a fō gí ní a dee wēnioo,  
a e pḁe kpa Luawa à aà wēni boḁo.

9 Asa gbé wēni boa zí'ū,  
àizεε a fō bo bauo.

10 A fō to aàō ku gḁḁpiio,  
a fō giè aà wesi bēdaleo.

11 Asa wa dō baa ōnḁnao í ga,  
mīsaideō ní sḁūō í midε māa píi,  
aaí ní àizεε tó gbēpāleḁne.

12 Baa ké wà nízia tó kpà bùsuḁne yāa,  
an mia aḁ de ní be ūε gḁḁpii,  
an kúkii ū e ní buiwa.

13 Gbēnazina ní a bεεεkeo  
íliō ku gḁḁpiio,  
a ta lán nḁbḁwaε.

14 Misaideō láaan we,  
māaε lḁ ní gbé pḁ té ní iaiō.

15 Aa si bēdau lán sāḁwa,  
ga mé aḁ de ní dādāna ū,  
mé gbēmaaḁ kiblemá zia.  
An meḁ yaikε miau,  
aaḁ kpé ví lḁo.

16 Ama Lua a ma wēni si bēdawa,  
i gbāakpamazi.

17 Tó gbé lé gō ḁde ū,  
mé aà be tó lé nakú,  
nísu to à keεe yāe ūo,

18 asa a a kee e se taò a gagɔɔ,  
aà àizee e péleaàzio.

19 Baa tó à azia dè èfáaide ũ a wēnigɔɔ,  
mé wà aà sáaukpà aà namablea yáí,

20 a ta a deziò kíi,  
a wesi gupuale bau bo.

21 Gbēnazina ní a beeekeo,  
tó aà wé i kēo,  
a ta lán nòbɔɔwae.

## 50

### *Lousisia siana*

Asafa le.

1 Dii Lua Gbāapiide lé yā'o,  
àle lezu dúnia gbézi  
za íatēbilekii e a gēkpεukii.

2 Lua gawi bíle Siona,  
wéle pó a kefenke boléi.

3 Wá Luapi lé mó, aɔ ku kílíkilio.  
Té pó i kúmá kú aà ae,  
zàa pāsí liaaaàzi.

4 Ale lezu musudeɔ ní zíledezi,  
ké à e yákpaleke ní a gbéɔ.

5 A mè: A ma yāmanaɔ kāaamee,  
gbé pó ma bàa kúrino sa'oa yáio.

6 Lua mé yákpalekena ũ,  
musudeɔ ì aà yākea a zéwa kpàwake.

7 A ma ma gbéɔ, má yāví mà oé,  
Isailio, má bɔbɔánɔ,  
mámema Lua á Lua.

8 Mále zɔadɔwá á sa'oa yáio,

asa i sa pó wí a pó káteu à tékū oa kōsōkōsō.

<sup>9</sup> Má zuswana pó kú á kpásau ni vfo,  
ge ble pó kú á kaau,

<sup>10</sup> asa sēanɔbɔɔá ma pɔɔne  
ní pɔtuo wai pó kú sīsī pīi musuɔ.

<sup>11</sup> Má gbè musu bāɔ dō pīi,  
mé sēsao pɔkelenaɔ ku ma pó ũe.

<sup>12</sup> Tó nɔa lé ma de, má oéó,  
asa máme má dúnia ví ní a pɔɔ pīi.

<sup>13</sup> Mi zuswana nɔɔ so yà?

Mi blesana au mi yà?

<sup>14</sup> A sa'oa ma sáaukpaa ũ,  
à lé pó á kè ma Musudewa fiabo.

<sup>15</sup> A lezumazi taasikegɔɔ,  
mí á bɔu, í ma kpela.

<sup>16</sup> Ǿ Lua ò vāikenaɔne:  
Akeá ále ma yādileɔɔ dɔdɔi,  
mé ma bàakuañɔ yá dɔ á léui?

<sup>17</sup> A ye ma yādaneio,  
a ma yáɔ kpà kpe.

<sup>18</sup> Tó a kpái è, i aà ke á gbé ũe,  
mé á bàa Ìɔ kú ní gbāsikenaɔ.

<sup>19</sup> A legbe'i vāi,  
mé i lenakasané.

<sup>20</sup> I zōle ní á gbēdo tóo,  
mé i á da né bēbo.

<sup>21</sup> A yá beeɔ kè ò má níle.  
Ale e má deáwae,  
ãma má zɔadɔwá, mí bɔbɔáɔ.

<sup>22</sup> A gbé pó ma yá sàáguɔ

à yápi ma.  
 Tó màn sōo, má á taitai,  
 gbēe a e á siao.  
 23 Gbé pó sa'òà ma sáaukpaa ũ  
 ade ma kpelàe,  
 àe ma gba zé mà olɔe  
 lá mi gbéɔ suabaε.

## 51

### *Sùuugbεaa Luawa*

1-2 Le pó Davidi dà gɔɔ pó ānabi Natā gè aà kíi aà  
 gbāsíkεa ní Basebao gbεa.\*

3 Lua, wēnadōmεε n gbēke guu,  
 ma tàaeɔ midε n maa zōɔ yái.

4 Ma gbāsi woloa mà gō wásawasa,  
 ma duuna kēa míomio.

5 Má a tàaeɔ dō sa,  
 ma duuna lí sāmago.

6 Mmε ma duunakène,  
 ma yá pó ní yeio kè.

Tó n fεlea ní yáo, n yá aɔ naε,  
 tó n yādámala, n yá aɔ zeví.†

7 Za ma da nòseu má vāi,  
 má duuna ví za ma igɔɔε.

8 Nòsemaa mé í kangu,  
 ɔnɔ damεε ma sō guu.

9 Ma zu'o ní saoo mà zē wásawasa,  
 ma nòse pípi mà gō púnvlávlā.

10 To mà pɔnake ní yaalo,

\* 51:1-2 2Sam 12.1-15 † 51:6 Lom 3.4

to ma wá p3́ ǹ b̀usa wee.

11 Nsu ma duuna yádao,  
ma yávwáio b3́ dilε píi.

12 Lua, ǹsεpua dameεε,

εa to ma s3́ à3́ dilεa.

13 Nsu ma v̄uáao,  
ńsu ǹ n Nisina siao.

14 Ea to ma p3́ ke na

ké n ma suabà yáí.

To p3́eã maa d3́aamεε,

15 mí n yá dada v̄áikεna3́nε,

duunkεnapio i εa zεnn3́.

16 Lua, ma b3́ gbẽδεa yáú,

mí lesi n yákea a zéwa musu,

Lua ma Suabana.

17 Dii, ma gba lé,

mí n táasile.

18 Sa'oa lí kεnε nao,

t3́ bee no, d3́ má ò.

Sa p3́ w̄i a p3́ káteu à tékū lí kánguo.

19 Sa p3́ mále oma mé ǹsεnie ũ,

nili saka ǹsεnie s̀uuudeguo.

20 Lua, ε̄f̄aaike Si3́naε n p3́eã maa guu.

Yelusaleũ bíi gba gbāa.

21 A gbεa sa'oa a zéwa a kangu

ń sa p3́ w̄i a p3́ káteu à tékū,

wi sa'o n swana3́ n gbagbakíiwa.



## 52

*Ɔde ƙandaa*

1-2 Le pɔ Davidi dà gɔɔ pɔ à gè Aimelɛki be, ɔ Edɔũ gbé  
Doegu ge ò Sauluɛ.\*

3 Negõna, Lua gbẽke ku gɔɔpiiɛ,  
àkea n̄le ƙanadã n̄ yãvãioi?

4 Nib̄ lekɔleka gbézi gɔɔpii,  
n lé na lán gẽ mibobɔwa,  
ni gbé gbázina zɔ̀.

5 N ye v̄ii de maala,  
ɛɛtoa ì kene na de síanaa.

6 N ye gbẽkaalea yáí,  
mɔafili mé dɔ n léu.

7 Lua a n kɔ'e e gɔɔpiiɛ,  
a n kũ bɔnnɔ n kpéu,  
a n wo, i n kẽ gbé bẽɛwa.

8 Tó gbẽmaaɔ è, v̄ia a n kú,  
aai n lánike aa me:

9 Gbé pɔ i Lua si a m̄sina ũo gwa!  
A a àizeɛ zɔ̀ náaikè,  
à gò gbãade ũ gbẽkaalea yá musu.

10 Mapi s̄ má de lán kù lásiade pɔ kú Lua uawa,  
má ze n̄ Lua gbẽkeo gɔɔpiiɛ.

11 Máo n sáaukpa gɔɔpii yá pɔ n̄ kè yáí,  
má n tɔbɔ n yãmanaɔ wáa ké n̄ maa yáí.

---

\* 52:1-2 1Sam 22.9-10

## 53

*Misaide yā'oa*  
(Soṽ 14)

<sup>1</sup> Davidi lε.

<sup>2</sup> Misaideṽ ì o ní sṽ guu Lua kuo,  
aa ò̀kpà, an yā̀kεa vāi,  
yāmaakεna kú ní guuo.

<sup>3</sup> Za musu Lua ì wéte gbēnazinaṽzi,  
ì gwa tó gbēe ṽno kà a kíi wεεlea.

<sup>4</sup> Aa sāsā pii aa gò d̀ṽsai míṽmiṽ,  
yāmaakεna kú ní guuo, baa do.\*

<sup>5</sup> Vāikεnaṽ wé lí gu'eo lé?

Aaì ma gbéṽ míṽmṽ lán úwa,  
aali lεzu Luazio.

<sup>6</sup> Via ní kú maamaa,  
via p̀ó ku we sṽo.

Lua tò gbé p̀ó lèlεwáṽ gò kálea gεo ũ,  
a widámá ké Lua gĩ̀zi yái.

<sup>7</sup> Lua, bṽ Siṽna mṽ ñ Isailiṽ suaba!

Tó Lua sù ní a gbéṽ ní pá ziu,  
Yakṽbu buiṽ p̀ṽnake,  
Isailiṽ yáalo.

## 54

*Gbé p̀ó wàlε ìadawà wabikεa*

<sup>1-2</sup> Lε p̀ó Davidi dà gṽṽ p̀ó Zifideṽ gε ò Sauluε aa mè  
Davidi ulεa ní bùsuu.\*

<sup>3</sup> Lua, ma suaba n tó yái,

\* 53:4 Lom 3.10-12      \* 54:1-2 1Sam 23.19, 26.1

yásimanɔ́ n n gbãao.

<sup>4</sup> Lua, ma wabikεama ma,  
swákpa ma yã'oai.

<sup>5</sup> Asa buipãleɔ fɛlemanɔε,  
gbé pášipɔ lé ma wε,  
aali Lua yãdao.

<sup>6</sup> Lua mé ma donlede ũ,  
Dii mé ma wɛnikũna ũ.

<sup>7</sup> Gbé pɔ́ lé ma wεɔ vãi sɔaamá,  
n n báde n náai yáí.

<sup>8</sup> Má sa'oma n ma pɔεãε,  
má n tɔbɔ Dii, asa n maa.

<sup>9</sup> A ma bɔ ma yooyea píi guu,  
a tò ma tidò ma ibεεɔla.

## 55

### *Wabikεa Luawa kua tadama guu*

<sup>1</sup> Davidi le. Wí sí n kúuε.

<sup>2</sup> Lua, ma wabikεama ma,  
ńsu láka ma yãao.

<sup>3</sup> Swáε ma yáí, ní wea,  
ma làasoo líaa ma gɔ́ bíli guu,

<sup>4</sup> ma ibεεɔ yã'oa n gběvãio webiiaao yáí.

Asa aale taasi daaε,  
aa ma kúa n kpɛ̃εo.

<sup>5</sup> Sɔ́ kèmagu,  
ga tòlobi zùmagu.

<sup>6</sup> Vía ma kũ n lualuaao,  
iwãa pásí kà ma pɔa.

<sup>7</sup> Tó má gàsía ví lán felenawa,

má vua gé kámaboie.

<sup>8</sup> Má bàale gé zázãe,  
mí ge zõle guwaiwaiu.

<sup>9</sup> Má wã ge ulekîi weele,  
ké zàa'ian gbãa su ma leo yái.

<sup>10</sup> N ní fu Dii, ñ ní yá yãalené,  
asa má è zoa ní sòleo kú wá wéleue.

<sup>11</sup> Aaî kpáleke bîi musu fáane ní gwãasinao,  
yãvái ní yá gbãao di wélepiue.

<sup>12</sup> Gbêdêdea yá mé wélepi pà,  
gbãamãané ní mɔafilio lí kéle a gãaεo.

<sup>13</sup> Tó ibεε mé lé ma we yãa, a são,  
tó ma wèle mé fêlemanɔ, má uléεε.

<sup>14</sup> E'e mpi! N gbé pó wá sáa,  
ma gbêdo pó de ma gbēna ũεa?

<sup>15</sup> Wi faaibo ní kōo yãa nana,  
wiɔ tekōi dasi guu Lua uaa?

<sup>16</sup> Ga a zãmake ma ibεεɔne,  
aai si bedau ní gbãagɔɔ,  
asa vái zõlekîi è ní guue.

<sup>17</sup> Mapi sã mi lezu Luazi,  
ɔ Dii ï ma suaba.

<sup>18</sup> Kɔɔ, fáane ní oosio  
miɔ a yá'õmaɔ bɔleè ní aauo,  
ɔ ï ma yãma.

<sup>19</sup> Baa ké ma ibεεɔ dasi, aali ma leo,  
Lua ï ma bɔ sòleu aafia.

<sup>20</sup> Luapi ïɔ zõlea báawa gɔɔpiiε,  
a ma yãma, i widamá.

Aali nòselileo, aaliɔ àà vía vío.

21 Gbépi ɔ wãa ní a gbéɔ,  
à b̀ò lèdoũ p̀ó aa k̀è ní k̀õ kpe.

22 I na o ní wáa lán zówa,  
ãma sòle làasoo mé kú aà s̄u.  
I lenakasané páipai,  
ãma yaalɔma ba da b̀òuε.

23 Ɔz̄ Diiε n yã'õmaɔi, iɔ n kũa,\*  
ìli tó gbẽmaa fù bauo.

24 Gbẽdɛna náaisaidepiɔ ní gɔɔ guo leo.  
Lua, níȳɔ to aa si bɛda gbáou.

Mapi s̄o máɔ n náai ví.

## 56

### *Ziakpaa Luawa*

1 Lε p̀ó Davidi dà gɔɔ p̀ó Filit̄ε aà k̀ù Gata.\*

2 Ma w̄ɛnagwa Lua, wàlε pɛa,  
w̄ìɔ zíkamanɔ wàɔ ìadaa gɔɔpiie.

3 Ma kpàkpanapiɔ ìɔ pɛa gɔɔpiie,  
an wala yáí aalε zíkaimanɔ.

4 Tó vía lé ma kú, má n náai ví.

5 Má Lua táasile yá p̀ó a ò yáí,  
má Lua náai ví, má víakεo.  
Bó gbẽnazina a f̄õ kemεei?

6 Aaìɔ ma yá kpaanlabo gɔɔpiie,  
aaì v̄ai lekpaaimazi.

7 Aaì sòle da, aaì ulεmεε,  
aaì ma kpákpa, aaìɔ ye ma dε.

\* 55:23 1Piε 5.7 \* 56:1 1Sam 21.13-15

<sup>8</sup> Lua, nsu to an gbēe bɔɔ,  
gbépiɔ ne ní pɔkūmao.

<sup>9</sup> Ma bàalè liaaliaaaɔ yāda,  
ma wé'ika n tūna guu.  
A ku n taala guuo lé?

<sup>10</sup> Tó ma lezù Luazi,  
ma ibeɛɔ kpɛkpa,  
míɔ dɔ́ ké à yāsīmanɔ.

<sup>11</sup> Má Lua táasile yá pɔ́ a ò yáí,  
ao, má Dii táasile yápi oa yáí.

<sup>12</sup> Má Lua náai ví, má víakeo.  
Bó gbēnazina a fɔ́ kemɛi?

<sup>13</sup> Lua, má lé pɔ́ má kèmaɔ fiabo,  
má sáaukpa sa'oma.

<sup>14</sup> Asa n ma si gawa,  
n ma gbá ví lí mion pásia,  
ké màɔ benno gupua pɔ́ ì wēni kpámáu.

## 57

### *Wiile Lua Musudewa*

<sup>1</sup> Le pɔ́ Davidi dà gɔɔ pɔ́ à bàalè Saulue à ùle gbè'eu.\*

<sup>2</sup> Wēnadɔ́mɛɛ, Lua, wēnadɔ́mɛɛ,  
asa níme mi nanzi.  
Ma sɔɔ n kúlukulunau  
mi bɔ́ ga lézi.

<sup>3</sup> Mále wiile Lua Musudewa,  
Lua ì ma yá píi bɔ́lekeɛɛɛ.

<sup>4</sup> A to donle bɔ́ za musu à ma suaba,  
a zɔadɔ́ gbé pɔ́ aale pɛaɔwa.

\* **57:1** 1Sam 22.1, 24.3

A a gbēke ní a náaiyão kemεε.

<sup>5</sup> Má kú nòomusuo sòou,  
ma gō wúlea wàio guu.  
Gbépio léna na lán fēndawa,  
an swaa de lán sōnao ge kaowa.  
<sup>6</sup> Lua, ñ nziã tɔbo e a zōma,  
to n gawi li dúniaa pii.

<sup>7</sup> Aa baikpãmεε ma tãa'ozeu  
õ ma gō yeelεa,  
aa eyò ma ae õ aa zù epiu.

<sup>8</sup> Ma sō dilea Lua, ma sō dilea,  
má lesi mà n táasile.

<sup>9</sup> Ma nisina, su!  
Ma mɔɔna ñ ma domao, vu!  
Mí gbáakpa gudɔazi.  
<sup>10</sup> Dii, má n sáaukpa buio guu,  
má n táasile gbéone.

<sup>11</sup> Asa n gbēke zōo zōma,  
mé n náai zò luabεpuanawa.

<sup>12</sup> Lua, ñ nziã tɔbo e a zōma,  
to n gawi li dúniaa pii.†

## 58

### *Gbēvãio kaa Luawa*

<sup>1</sup> Davidi le.  
<sup>2</sup> Gbãadeo, i yã'o a zéwaa?  
I yákpaleke ní gbéó a zéwaa?  
<sup>3</sup> I yá kolea wãaipa á sō guu,

† 57:12 Souto 108.2-6

i gbãamɔ gbɛ́ɔne á b̀usuu.

<sup>4</sup> Gbɛ̀vãio sásãa za ní igɔɔe,  
εεdeɔ ò̀kpaa za ní da ǹseue.

<sup>5</sup> An legbe'i de lán mlè sewewa,  
aa de lán kyá pɔ a swá kàkawa,

<sup>6</sup> asa ìli a k̀ò'ona kule'ɔ mao,  
ìli a weliaanede g̀oi eo.

<sup>7</sup> Lua, ǹ ní swaa é'ené ní léu,  
Dii, ǹomusupio k̀nkãnaɔ wolo,

<sup>8</sup> aai g̀ɛzea lán í bàaleawa.

Tó aa sagòe, ǹ ní kaɔ é'ε.

<sup>9</sup> Aa giigaga zéu lán k̀olo lé'iwa,  
aaɔ de lán né pɔ wa ì gè, ì ìatè eowa.

<sup>10</sup> E lè yàa miɔn té àò gé oo wãì,  
gbɛ̀vãio g̀ɛzea ní ìanaoε.

<sup>11</sup> Tó gbẽmao è Lua t̀sìné gbɛ̀vãipioɔwa,  
mé aa ní gbá p̀ipi ní ní auo,  
an pɔ a ke na.

<sup>12</sup> Gbɛ́ɔ i mε: Gbẽmao ài ví fá!  
Lua ku, ì yákpaleke d̀unia.

## 59

### *Ma si ma ibεεwa*

<sup>1</sup> Le pɔ Davidi dà gɔɔ pɔ Saulu gbɛ́ɔ z̀i aa aà dádã aà  
be aa aà de.\*

<sup>2</sup> Ma Lua, ma si ma ibεεwa,  
ma bɔ gbé pɔ f̀lemanɔɔ guu.

<sup>3</sup> Ma si vãikenaɔwa,

---

\* **59:1** 1Sam 19.11



ma bo gbēdenaɔ ɔzi.

<sup>4</sup> Gwa, aale ma kpakpae,

gbé pāsɔ lé sòlekemanɔ.

Dii, mi tàae ge duunakenéó,

<sup>5</sup> mi zāné yāewao,

ɔ̄ aa kú ní naaamanɔ sɔuo.

Ma wegwa! Fēle mo dɔmale!

<sup>6</sup> Mpi Dii Lua Zigɔde, Isailɔ Lua,

fēle ìada bui pīiwa.

Nsu bɔnkpede vāipiɔ wēnagwao.

<sup>7</sup> Aaĩ ea su oosi bo, aaĩ wéle keele,

aaĩ hēekaa lán gbɛɔwa.

<sup>8</sup> Gwa, an lé'i lé t̄,

fēna kpá ní léu.

Aaĩ me níle ní yāmao.

<sup>9</sup> Mpi s̄ Dii, ni ní yáabo,

ni bui pīi láanike.

<sup>10</sup> Lua ma gbāa, ma wé dɔnzi,

m̄me ní ma aafia'ek̄i ũ.

<sup>11</sup> Lua a d̄aamēe a gbēke guu,

a to mà tidɔ ma wèlepɔla.

<sup>12</sup> Dii wá sèngbao, nis̄u n̄ ní dedeo,

ké an yá su s̄a ma gbéɔguo yái.

To aa olo'olobo,

ní ní kwé ní n gbāao.

<sup>13</sup> Yá p̄ó ì bo ní léuá duunaē.

To an t̄de ní pui,

asa aaĩ lēgbē p̄ae aaĩ gbé ká.

<sup>14</sup> N ní midē ní p̄kūmao,

n̄ ní b̄ade, aasu wàɔ ku bo.

Gbé pɔ́ kú e tɔɔle léwawɔ i dɔ́  
 Lua mé lé kible Yakɔbu buiwɔwa.

15 Aaɪ ea su oosi, aaɪ wéle keele,  
 aaɪ hɛ́keea lán gbɛ́wɔwa.

16 Aaɪ liaaliaa wàɔ pɔblea weele,  
 tó aaɪ kão, aaɪ gbokεε.

17 Mapi sɔ́ má lesi n gbãa yá musu,  
 má gulake kɔɔ n gbɛ́ke yá musu,  
 asa níme ní ma aafia'ekɪi ũ,  
 níme ní ma ulekɪi ũ taasikegɔɔzi.

18 Lua ma gbãa, má n táasile,  
 asa níme ní ma aafia'ekɪi ũ,  
 ni gbɛ́kekeεεε.

## 60

### *Wá zible ní Lua gbãao*

1-2 Le pɔ́ Davidi dà gɔɔ pɔ́ à zikà ní Sili pɔ́ kú  
 Mesɔpɔtami bùsuu ní Zoba bùsuu, ɔ́ Yoabu sù  
 à Edɔũ dède Guzule Wisideu gbɛ́ɔn òasɔsɔo leε  
 kuepla (12.000).\*

3 Lua, n pɔ́ pàwázi,  
 n ɔ́pèwá n wá vūaa,  
 ea ɔ́kawázi sa.

4 N tò wá bùsu lùà e à pàa,  
 ea n à gbε tata, asa à gò looaε.

5 N tò n gbɛ́ɔ yá zɪ'ũ è,  
 n í gbãa kàkawεε ɔ́ wa pãpãzea.

6 N dàlapoo dà n viakenaɔne  
 ké aa e bɔ́ gbɛ́ɔ ka lézi.

\* **60:1-2** 2Sam 8.13

7 Wewá, wá suaba n n gâsa gbãao,  
ké wápiṽ n gbé yenzideṽ wá e bṽ.

8 Lua yá'ò za a kúkíi à mè:  
Má Sikeũ kpaale n tidãnlao,  
mí Suko guzule kpámá.

9 Galada bùsuá ma pṽe,  
Manase buiṽ bùsuá ma pṽe,  
Eflaiũ buiṽ bùsuá ma mò fùae,  
Yuda bùsuá ma lípanae.

10 Mṽabuṽ bùsuá ma zion zu'obṽe,  
mi a kyale kále Eḍũṽ bùsuwa,  
mi kúkua dṽ Filitṽ bùsuwa.

11 Déme a gẽmanṽ wéle bíideui?  
Déme a dṽaamee e Eḍũṽ bùsuui?

12 Lua, mé i ke n gbé pṽ n wá vūaa  
nili bṽ n wá zīgṽṽ bo bàasio.

13 Ḷdawá wá ibeṽ yá musu,  
asa gbẽnazina gbẽsuabaaá pãe.

14 Wá zible n Lua gbãao,  
õme a õzṽ wá ibeṽwa.†

## 61

### *Kia wabikea Luawa*

1 Davidi le.

2 Lua, swáse ma wiileai,  
laaidṽ ma wabikeawa.

3 Kua za tṽle léwa ma lezũnzi.  
Ma sṽ lé wo õ ma n sisi.

Gẽmanṽ gbesi pṽ a lesí demala kíi.

4 Asa nime n ma aafia'ekíi ũ,  
ma kalanga gbãa ũ ma ibeṽ ae.

† 60:14 Soũ 108.7-14

<sup>5</sup> Má ye màɔ ku n ua gɔɔpiiɛ,  
míɔ sɔba n kúlukulunau.

<sup>6</sup> Lua, asa n ma legbɛane mà,  
ɔ n gba pɔ ni da n viakenaɔne dàmɛɛ.

<sup>7</sup> Kíá wɛni dɔè ní mɔgalao,  
to aà ka a gɔɔwa.

<sup>8</sup> Aà kpalable n dɔa guu gɔɔpii,  
n aà dɔa n gbɛke ní n náaio yáí,

<sup>9</sup> míɔ n táasile lá gu lé dɔ,  
míɔ lé pɔ má kèma fiabo gɔɔpii.

## 62

### *Lua mé ulékti ũ*

<sup>1</sup> Davidi lé.

<sup>2</sup> Lua ado mé tò ma sɔ dilea,  
ɔme ì ma suaba.

<sup>3</sup> Ɔme ma gbesi ũ, ma Suabana ũ.  
Mi gbãa'ewà, má fu bauo.

<sup>4</sup> Gɛn ũma áɔ ãna'ãna gbéwai?

À aà ne lán gí yelea ge kaa ziwa yà?

<sup>5</sup> Àa goa a tíá lé ɔ ále kpaáí,  
ɛetoa mé ì kéé na.

I samaa'o gbéé ní léoe,  
ɔ ì ní ká á sɔ guu.

<sup>6</sup> Lua ado mé tò ma sɔ dilea,  
asa aàpi ma wé doi.

<sup>7</sup> Ɔme ma gbesi ũ, ma Suabana ũ.  
Mi gbãa'ewà, má fu bauo,

<sup>8</sup> Ma aafia ní ma beeeo ì bɔ aà kííe,  
ɔme ma gbesi gbãa ũ,

ɔ̃mɛ ma ulɛkɪi ũ.

<sup>9</sup> Gbɛ́ɔ, àɔ àà náai ví gɔɔpii,  
à á sɔ̃ wɛ̀è, ɔ̃mɛ wá ulɛkɪi ũ.

<sup>10</sup> Gbɛ̃nazɪnaɔ dɛ lán lé'íanawaɛ,  
an kee náai vío.

Tó wà ní yó kiloowa,  
ampii aɔ dɛ faunnnɛ.

<sup>11</sup> Ásu gbɛ̃ble'ɔa náaikɛo,  
ásu íanadã ní kpáí pɔoo.

Tó á àizɛɛ lé kó,  
ásu to à á sɔ̃ bleo.

<sup>12</sup> Yá m̀endo Lua ò,  
yá m̀en plaɛ beɔ má mà:

Lua mé gbãa ví,

<sup>13</sup> mé mpi Dii, níme ní gbɛ̃kɛ ví,  
ɔ̃ ni fiaboð baadeɛ a yãkɛawa.\*

## 63

### *Lua nideɛ*

<sup>1</sup> Lɛ pɔ̃ Davidi dà gɔɔ pɔ̃ a ku Yuda gbáau.\*

<sup>2</sup> Lua, ma Luan n ũ,

máɛ n aɛya,

ma nisina yenzi,

máɛ n nide

lán guwaiwai pɔ̃ lé í nideɛwa.

<sup>3</sup> Ma n e n kúkii,

ma n gbãa ní n gawio gwà.

<sup>4</sup> N gbɛ̃kɛ maamɛɛ dɛ wɛ̃nia,

a yáí n táasileɛ aɔ dɔ̃ ma léu.

\* **62:13** Mat 16.27, Lom 2.6, Zia 2.23

\* **63:1** 1Sam 23.14

<sup>5</sup> Má ɔ n sáaukpa e ma wēni léu,  
má ɔse musu mà n sísi.

<sup>6</sup> Má ká lá wí nò bó gbē wà káwa,  
n táasilea aɔ dɔ ma léu ní gulakεao.

<sup>7</sup> N yá ì dɔmagu ma wúlekɪi,  
mi làasookεma gwāasina.

<sup>8</sup> Mále lesi sɔba ní kúlukulunau,  
asa níme ní ma dɔnlɛde ũ.

<sup>9</sup> Ma nisina yenzi,  
ní ma kúa n ɔplaau.

<sup>10</sup> Gbé pɔ aale ma wεɔ midε,  
aa si tɔɔle nɔnau.

<sup>11</sup> Lua a to wà ní dede ní fēndaoε,  
aai gɔ gbēgbonaɔ ble ũ.

<sup>12</sup> Kí sɔ a pɔ a ke ní Luawa nao.  
Gbé pɔ mè amɔɔma Lua á sɔ̀  
aɔ vɪvɪ ní pɔnaoε,  
εεdeɔ sɔ an lé a gɔ kpaauε.

## 64

### *Ma si gbēváiɔwa*

<sup>1</sup> Davidi ε.

<sup>2</sup> Lua, ma aaukea wii ma,  
ma bɔ ma ibεε pɔ má ní vɪa vɪɔ ɔzi.

<sup>3</sup> Ma si gbēváiɔ lekpaaiamaziwa,  
ma bɔ vāikεnaɔ zɔau.

<sup>4</sup> Aai ní lé keke lán fēndawa,  
aai yāpāsɔ o lán kazuawa.

<sup>5</sup> Aai ye láu aa taaesaide gbá,  
aai à pá kándo, vɪa lí ní kũo.

<sup>6</sup> Aai tékpakɔu ní vāikεa guu,

aaɪ bai pɔ aale kpánɛɔ yã'o.

Aaɪ mɛ: Gbɛe a wá eo.

<sup>7</sup> An vâi lekpaafiã kɔsɛ aa mɛ,  
lé pɔ wá kpàaɪ bɔ̀lei.

Gbɛnazina nɔ̀sɛ guu yãɔ asii zɔɔ.

<sup>8</sup> Ama Lua a ní gbá ní kao,

a ní ke'ia kándo.

<sup>9</sup> A tó yá pɔ aa ò wí ní musu,  
gbé pɔ ní é píi iɔ mike déũdeũ.

<sup>10</sup> Via a gbépii kú,  
aai Lua yãkeɔ galike,  
aaiɔ zɪ pɔ a kèɔ tàasi kũa.

<sup>11</sup> Gbɛmaaɔ pɔ a ke Diiwa na,  
aa naaàzi,  
nɔ̀sɛpuadeɔ aà táasile nípii.

## 65

### *Bui pti wé dɔ Luazi*

<sup>1</sup> Davidi lɛ.

<sup>2</sup> Lua, à kũ wà n táasile Sibnaɛ,  
wi lé pɔ wa kèmaɔ fiabo.

<sup>3</sup> Lá ni gbé wabikea ma,  
bui píi a wi danlaɛ.

<sup>4</sup> Wá yãvãio làasoo wá kú gbãa,  
ɔ̃ n wá tàaɔ kɛwá.

<sup>5</sup> Báaaden gbé pɔ ní sɛ  
n gɛãànɔ n ua ũ.

N kpé pɔmaaɔ wá ká,  
n kpé pɔ a kua adoapi.

<sup>6</sup> Ní wewá a zéwa ní yãbɔnsaekɛao,  
Lua wá Suabana.

Za dúnia léwa ní ísia baaleo  
gbéwé wé dɔnzi.

7 N gbãa daa ula ũ,  
n gbèsísíwò kè ní n ikoo.

8 Ni ísia ní a ísɔwò kɔ́fíwò kpáɛ,  
ni buipáɛwò zɔa midɛ.

9 N dabudabukɛa dī gbéwé pó kú tɔɔɛ léwɔa,  
wí guladɔma za íatɛ́bílɛkíi ní a gɛ́kpɛukíi.

10 Ni laaidɔ dúniawa,  
ni táaɛkɛ tɔɔɛɛ.  
Ni aà gba í, n swaɔ pai ní ío,  
ni to blɛwɛna kɛ, asa màa n zɛ̀.

11 Ni idagua e bugbaanaɔ pa,  
ni guɔ foofɔ́ ní louo,  
ni báaada pó pó b̀̀ɛu.

12 Ni èfáaida buaziu wɛ́ ní wɛ̀o,  
blɛ níside ì kwɛ n iau.

13 Sɛ́sao dádáɛkíi wò s̀̀bɔɔ kè,  
s̀̀sɔwò pɔna ula dà.

14 Pɔtuɔwò lí dádáɛkíi wòla,  
blɛwɛna daa gua s̀̀sɔwòɛu.  
Wàɛ wiilɛ ní pɔnao, wàɛ lesi.

## 66

### *Lua sáaukpaa*

1 Dúnia gbépii, à guladɔ Diiwa,

2 à lesi aà tó gawi yá musu,  
à aà táasile à aà tɔɔwò.

3 A o Luaɛ: N yáɛwò ì dimá,  
n gbãa zɔwò ì to n ibɛɛwò vlãna.



4 Dúnia gbépii ì kúlεε,  
aañ n táasile aa n tɔbo.

5 A mo Lua yākeaɔ gwa,  
yá pɔ a kè gbēnazinaɔne i diwá.

6 A ísia Ì guggii ũ\*  
aa bùa swawa kèεε.†  
Wà pɔnakε aá yá musu.

7 Iɔ kible ní a gbāao gɔɔpii,  
aá wé Ì ku bui píiwa.  
Swágbāadeɔ su dóεaànɔo.

8 Buipāleɔ, à wá Lua sáaukpa,  
aá táasilea àɔ dɔ á léu.

9 Iɔ wá wēni dɔ́awēε,  
ìli tó wa kpaguao.

10 Lua, asa n wá yó,  
n wá baasa lán ánu suwa.

11 N gεwanɔ gukpaolonau,  
n wá wó wí ní aso gbiao.

12 N tò wà ɔzòzò wá mikpei,  
wà té dīwēε, í wá kú wá nɔε,  
ō n mɔwanɔ gu namadeε beeu.

13 Má mós n ua ní sa pɔ wí a pɔ káteu à tékū obɔo,  
má lé pɔ má kemaɔ fiabo,

14 yá pɔ bò ma léu ma taasikεgɔo.

15 Má sa'oma ní pɔ mekpaaɔ,  
má sāsakaɔɔ kpasane,  
mí n gbagba ní zuswanaɔ ní blesanaɔ.

\* 66:6 Bɔa 14.21 † 66:6 Yoz 3.14-17

16 A gbé pɔ á Lua vía víɔ, à mɔ ma,  
mí yá pɔ a kèmɛɛ oé.

17 Ma wiilèwà,  
aà táasilea dɔ ma léu.

18 Tó má yāvái kǔa ma sɔu,  
dɔ Dii gǐ ma yāmai.

19 Ama à ma yāmà,  
ǔ à ma wabikɛa sǐ.

20 Má Lua sáaukpa,  
i gí ma wabikɛa maio,  
i gí gbèkɛkɛimɛɛo.

## 67

### *Báaa gbɛaa Luawa*

1 Lɛ pɔ wǐ sí ní kúuɔɛ.

2 Lua, wá wɛnagwa,  
wá wɛgwa, ní báaadawágu,

3 ké dúnia gbépii n zé dɔ,  
bui píi i dɔ lá ni gbé suaba.

4 Wa n táasile Lua,  
gbépii a n táasile.

5 Bui píi a pɔnake, i gulake,  
asa ni yákpalekɛ ní gbéɔ a zéwa,  
ni dɔaa buiɔne píi.

6 Wa n táasile Lua,  
gbépii a n táasile.

7 Tɔɔle a blekɛ,  
Lua wá Lua a báaadawágu.

8 Lua a báaadawágu,  
gbépii i víakèè e dúnia léwa.

## 68

*Lua zɔɔke*

<sup>1</sup> Davidi le.

<sup>2</sup> Lua lé fɛle, aà ibeeo lé fāaa,  
aà zangudeo lé bàaleè.

<sup>3</sup> Lá súele ì gē ní íanao,  
kené màa, Lua,  
lá zó nísì ì yó té sae,  
vāikenao midε n ae màa.

<sup>4</sup> Gbēmaao sō aa pɔnake,  
aa yáalo Lua ae,  
aa vívì ní pɔna zɔɔo.

<sup>5</sup> A lesi Luaε à lémwà.  
A di luabepuana kpe, à aà tobo.  
Aà tón Dii, à kúkuake aà ae.

<sup>6</sup> Kua aà gu pó a kua adoa guu,  
Luaá toneo maeε,  
gyaao zennodeε.

<sup>7</sup> Lua ì bekpa zìloone,  
ì zìzɔo bole à ní da namau.  
Swágbāadeo sō aao ku gugiiue.

<sup>8</sup> Lua, ké n dɔaa n gbéone,  
ké n beeleńno guwaiwau,  
<sup>9</sup> toole lùalua, lou kwè n ae,  
n Lua pó n yá'ò Sinai gbe musu,\*  
Lua, Isailio Lua.

<sup>10</sup> Lua, n èfāai pīsiné kōsōkōsō,  
ō n ní bùsu kpeena gbà gbāa.

<sup>11</sup> N gbéɔ zìle a guu Lua,  
n wēnadeo gbà pó n maakea yáí.

---

\* 68:9 Bɔa 19.18

12 Dii yā'ò,

ō bíla gò aà baokpanaō ũ.

13 Kíāō ní ní zīgōō lé tíle kpakpa,  
gōe pò gò bòouō lé ní pòō kpaale.

14 Baa ké a i sā kaaō sòōu,  
ánusu kú ma felena gāsíaa,  
a káō lé teke lán vuawa.

15 Ké Gbāapiide kíāō fàaa,  
aa lí tōōlea lán Zalamō gbè neeziwa.

16 Basana gbèsísi de a kiniola,  
Basana gbèsísi misonaō dasi.

17 A gbè misonaō, bóyāi ále wēbii  
gbē pò Lua sè a kiblekíi ũwai?  
Dii mé aō ku we gōōpii.

18 Dii sógōō lé vīo, à kà miliō do.  
Dii bòò za Sinai,  
à mò pīla a gu pò a kua adoau.

19 N dēde musu ní zìzōō,†  
n gba sī gbéōwa falu ũ,  
baa swágbāadeō,  
ō n zōle we, Dii Lua.

20 Wà Dii sáaukpa, Lua wá Suabana,  
īō wá aso kūawēē lá gu lé dōe.

21 Wá Luaá Lua pò ì gbé suabaē,  
Dii Lua mé ì wá bō ga lézì.

22 Lua a a ibeēō mi wíwiné,  
gbēnazín mikā dōe pò aa té ní duunawaō.

23 Dii mè: Má á bōle Basana būsuu,  
má á bōle ísia títiu,

---

† 68:19 Efe 4.8

24 ké à á gbáó pípi ní á ibeεo auo,  
á gběo lénao i ní baa ewà.

25 Lua, wa n gběo è aa dòdòkōwa,  
ma Lua ma Kía, aale mó n kúkíi.

26 Lèsinao dōaaa, pōlenaο te zǎ,  
wéndia sésēmpanaο ku guo.

27 A Lua tōbō balu guu,  
à Dii kpela Isailio kōkāaa.

28 Né gōzāna Bēyāmεε buio mé dōaaa,  
bee gbεa Yuda kíaο ní ní gběo  
ní Zabuloni bui kíaο ní Nefatali bui kíaο.

29 A Lua diléé àο gbāa.  
Lua, bō ní n gbāa pó ní òbōwěεo.

30 Kíaο mōne ní ní gbaο  
n kpé pó kú Yelusaleū yái.

31 Zōa dō ilenōbō Egipiwa,  
zōadō buio swanaο ní ní gběōwa.

Anusu gopana tōmá,  
gbé pó zikaa i kené naο fāaa.

32 Egipio gběo zima,  
Etiopio wā aa odonzi, Lua.

33 Dúnia kpalablenaο, à lesi Luaε,  
à Dii táasile.

34 A di lounaa kpe musumusu za zizi,  
à ma, àε pūna gbáugbāu.

35 A Lua gbāa galike,  
wa àà zōoke dō Isailiowa,  
àà gbāa ku luabεpuanau.

36 Lua, kua n kúkíi ní zōo,

Isailio Lua i gbãa ní ikoo kpa a gbéowa.  
Wà Lua sáaukpa!

## 69

### *Wabikεa Luawa kua iadama guu*

<sup>1</sup> Davidi le.

<sup>2</sup> Lua, ma suaba,  
asa í ma kũ ma nœεε.

<sup>3</sup> Dεε lé ma mó, ma ka zà,  
tepekii kuo.

Ma kpale isiu,  
ísõ lé damala.

<sup>4</sup> Ma wiilè ma kpasa,  
ma kòlo nàaa,  
ma wεdò ma Luazi  
e ma wé gè lé wo.

<sup>5</sup> Gbé pò aa zamagu pão\* dasi de ma mikãa,  
ma ibεε pò aa ye ma de pœewiwinésaiò lé vío.  
Pó pò mi a kpáí'oo ò aa mē mà a nε'i mà kpá.

<sup>6</sup> Lua, ní ma misaiyão dõ,  
ma tàaeo uleanεo.

<sup>7</sup> Dii Lua Zigõde, gbé pò an wé donziò  
ínsu to wí ní kũ ma yáio.

Isailio Lua, gbé pò aai n kii wελεo  
ínsu to an tó òòkpa ma yáio.

<sup>8</sup> Asa n yáí mi s̄s̄sa f̄si,  
ò ma gεε gò kpa ma wéi.

<sup>9</sup> Ma gõ z̄llo ù ma gbéò guu,  
ma gõ gbẽando ù ma da bεdeò guu.

<sup>10</sup> N kpé yá ma kũ gbãa,

\* 69:5 Zãa 15.25

àle ma ibaba,<sup>†</sup>  
 n s̄s̄s̄nao n s̄s̄s̄a ḡòmεε.<sup>‡</sup>

11 Mi leye p̄sia guu,  
 ̄ w̄lo ma s̄s̄s̄.

12 Mi zwānkasao fifia,  
 ̄ w̄lo ma ke p̄oƆƆ.

13 Gb̄é p̄o z̄le ḡaaεo ì ma pe,  
 ígb̄aminao ì ledamanao.

14 Dii, mále wabikema,  
 nsu to à b̄o n p̄o kpeo,  
 wea Lua, n gb̄eke z̄o yáí,  
 ní ma suaba síana.

15 Ma b̄o b̄eleu,  
 nsu to mà kp̄áleuo.

Ma b̄o isiu,  
 ma si ma zangudeowa.

16 Nsu to ís̄o damalao,  
 nsu to mà kp̄ále ísiuo,  
 nsu to wà t̄éna kamalao.

17 Wea Dii, asa n gb̄eke maa,  
 ma wegwa n s̄uuu z̄o guu.

18 Nsu mikpeli n z̄òblenaεo,  
 wea kpakpa, asa ma ḡo yeelεε.

19 S̄mazi, ma misi,  
 ma suaba ma ibεεo yáí.

20 N ma s̄s̄s̄a ní widaaao ní ma kpeboao d̄o,  
 níle gb̄é p̄o aa yákūamanao e.

21 S̄s̄s̄a ma s̄o z̄ò, ma ḡo ȳèεesai,  
 gb̄é p̄o a ma wegwa ̄ má w̄εle, mi eo,

<sup>†</sup> 69:10 Zaa 2.17    <sup>‡</sup> 69:10 Lom 15.3

gbé pò a ma nòse nínimeε ð ma wedði, a kuo.

<sup>22</sup> Aa εse vāi kàmee bleu,  
ké imi ma kũ gbāa, aa vēε kũma kpāa. §

<sup>23</sup> To an dikpekea gōné bai ũ, wà ní kú,  
to an kua aafia yā'iné.

<sup>24</sup> To an wé siakũ, ké aasu gu'eo,  
to an wó gō koolonno gōpi. \*

<sup>25</sup> N n kpēεmuu bōbōmá,  
n n pōkũma pāsí pisimá.

<sup>26</sup> An bōo gō bōo zia ũ,  
an gbēε su ào ku ké à zōle ní kpéu bo, †

<sup>27</sup> asa aai fada gbé pò ní gbèwaε,  
aai gbé pò ní zō wāwā galikε.

<sup>28</sup> N ní yá píi tàaeo dańla,  
an baa su ào ku n gbēsuabaa guuo.

<sup>29</sup> N ní tó waa wēni taala guu, ‡  
an tó su ào ku lá doũ guu ní gbēmaao tóoo.

<sup>30</sup> Lua, má kú taasi ní yā'ōmao guu,  
ma se lesí mà bōu aafia.

<sup>31</sup> Má Lua tōbō lesia guu,  
má aà sáaukpa mà aà káfi.

<sup>32</sup> Bee a ka Diigu de sa'oa ní zuoa,  
a keè na de zugaaena kóbadea.

<sup>33</sup> Taasideo e, aai pōnakε,  
á luakíiwεelenao á sō i níni.

<sup>34</sup> Asa Dii ì wēnadeo yāma,  
ìli saka a gbé pò de zìzo ũo guo.

§ 69:22 Mat 27.48, Maa 15.36, Luk 23.36, Zaa 19.28-29 \* 69:24  
Lom 11.9-10 † 69:26 Zin 1.20 ‡ 69:29 Bōa 32.32, Zia 3.5, 13.8,  
17.8



<sup>35</sup> A à táasile musu ní tṽṽleo,  
ísia ní pṽ pṽ kú a guuṽ píi.

<sup>36</sup> Asa Lua a Siṽna suaba,  
a ea Yuda wéleo kále,  
à gbéé i zṽleu ní pṽ ũ.

<sup>37</sup> À zṽblenṽ néṽ mé aa gṽ vī,  
gbéé pṽ ye à tṽ naipiṽ iṽ ku a guu.

## 70

### *Wiileṽ Suabanai* (Soṽ 40.14-18)

<sup>1</sup> Davidi le.

<sup>2</sup> Lua, ma misi,  
Dii, ke kpakpa mṽ dṽmale.

<sup>3</sup> To wí gbéé pṽ lé ma wṽṽ kú,  
aa ní mi pṽle.

To gbéé pṽ ye mà taasikeṽ kṽkpa,  
an gee gṽ kpá ní wéi.

<sup>4</sup> Gbéé pṽ aaṽ omee, tàale tàaleṽ,  
to aa ea ní wío.

<sup>5</sup> Gbéé pṽ aale n kíi weleo,  
to an pṽ kema na aa yáalṽ.

Gbéé pṽ an wé dṽi ñ ní suabaṽ,  
aa o láasai Lua zṽṽ.

<sup>6</sup> Taaside wṽnaden ma ũ,  
Lua, ke kpakpa.  
Mme ní ma Dṽnlṽde ũ,  
níme ní ma Mísina ũ,  
Dii, nísu gṽgṽo.

## 71

### *Mae zṽṽ wabikeṽ Luawa*

<sup>1</sup> Dii, ma nanziṽ,

ńsu to wí ma kũ bauo.

<sup>2</sup> Ma misi, ma bɔ n maakea yáí,  
swákpamazi, ma suaba.

<sup>3</sup> Ma gbɛsi pɔ máli gé ulɛi a guun n ũ.  
N dílɛ ñ ma suaba,  
asa ma gbɛsi ní ma zegikíion n ũ.

<sup>4</sup> Ma Lua, ma bɔ váikɛnaɔ ɔzɪ,  
ma si gbé bɛɛ pásíɔwa.

<sup>5</sup> Mmɛ ma wé dɔnzi, Dii Lua,  
ńmɛ má n náai ví za ma èwaasogɔɔ.

<sup>6</sup> Ma sɔ kpáɛanzi za neasakpɛuɛ,  
ńmɛ n ma bɔ ma da nɔsɛu.  
N táasi miɔ lɛ gɔɔpii.

<sup>7</sup> Ma kua dɛ yábɔnsaɛ ũ gbé dasideɛ,  
asa ńmɛ ní ma ulékíi gbãa ũ.

<sup>8</sup> N táasilea Ìb dɔ ma léu,  
miɔ n maabo kɔɔ ní oosio.

<sup>9</sup> Nsu pákpamazi ma zikũa yáío,  
ńsu ma vũaa ma gbãa láaa yáío.

<sup>10</sup> Asa ma ibɛɛɔ lé ma yã'o,  
ma wèlɛɔ lé lɛkpaaf ma wɛnibɔai.

<sup>11</sup> Aa mɛ: Lua gíaaɛiɛ,  
wà aà ya kú,  
gbɛɛ ku à aà suabao.

<sup>12</sup> Lua, ńsu ñyɔ kumanɔ zão,  
ma Lua, kɛ kpakpa mɔ dɔmaleɛ.

<sup>13</sup> To wí gbé pɔ lé yãdɔaɔ kú,  
aa midɛ,  
to sɔsɔa da gbé pɔ lé ɪadaaɔla,  
an tɔ ɔ̀ɔkpa.

<sup>14</sup> Mapi sɔ, ma wé Ìb dɔnzi láasaie,

mio n táasile màɔ gé.

<sup>15</sup> N maakεa aɔ dɔ ma léu gɔɔpiie  
ní n gbɛsuabaa pɔ má a lé dɔo.

<sup>16</sup> Má mɔ mà Dii Lua gɔsakεyãɔ galikε,  
n mɛndo maakεa má dɔ gbɛɔgu.

<sup>17</sup> N yãdadamεε za ma èwaasogɔɔ,  
Lua, e tia mále n yãɔnsaεɔ o'o.

<sup>18</sup> Baa ké ma zikù, ma mikã pua,  
ńsu ma to weo, Lua,  
ké mà e n gbãa galikε tiadeɔne,  
mí n gɔsakεyã dau siu gbɛ́ pɔ aale feleɔne.

<sup>19</sup> Lua, n maakεa zɔma,  
n yãzɔkè, déme muaannɔi?

<sup>20</sup> N tò taasi pãsí ma le dasidasi,  
ãma ńyɔ εa n ma gba wɛni,  
ńyɔ εa n ma bɔ tɔle nɔnau.

<sup>21</sup> Nɔyɔ ma bεεε káfmεε,  
ńyɔ εa ma nɛse nínimεε lɔ.

<sup>22</sup> Ma Lua, má n sáaukpa ní mɔɔnao n náai yái.  
Isailiɔ Lua pɔ n kua adɔa, má n táasile ní kúuo.

<sup>23</sup> Gula aɔ dɔ ma léu.  
Ma gbɛ́ pɔ n ma m̃si,  
má n táasile.

<sup>24</sup> Máɔ n maakεa o gɔɔpiie,  
asa wí gbɛ́ pɔ lé ma vãi wεleɔ kù,  
an gεε gò kpá ní wéi.

## 72

### *Wabikεa Luawa*

Salomɔɔ le.

<sup>1</sup> Lua, n n iko kpa kíawa,

ñ n maake kpa kíabuipiwa,  
 2 ké aà dɔaa n gbéɔne a zéwa,  
 i yágɔgɔ táaaɔne a zéwa,  
 3 gbèsiɔ i mɔ gbéɔne ní aafiao,  
 siɔnao i to aao ku nama guu.  
 4 Kíá a to yá bɔ ní táaaɔ na,  
 a taaside néɔ suaba,  
 i gbāamɔnedeo wíwi.

5 Aɔ ku lá íatē ìb ku gɔɔpiiwa,  
 lán mɔvua kua wē ní wēowa.  
 6 Aɔ de lán zuo louwa,  
 lán m̀se p̀ó i pisi t̀olewawa.  
 7 Gbēmaaɔ ɔta aà gɔɔ,  
 nama a ke zài e mɔ ge mided.

8 A kible za ísiale la ní a léleo,  
 za Uflata e dúnia léwa.\*  
 9 Bui p̀ó kú guwaiwaiuɔ mɔ kúléè,  
 aà ibeɔ wúle ní gbɛeu aà ae.  
 10 Taasisi ní ísia baa kíao falubɔè,  
 Seba ní Saba kíao mɔ gbadaè.  
 11 Kíao mɔ kúléè mípii,  
 bui pii a misiiléè.

12 Asa a wēnade p̀ó an wii dɔɔ bɔe,  
 a taaside p̀ó dɔnlɛde víoɔ misi.  
 13 A yēesaideɔ wēnagwa,  
 a taasideɔ bɔ ga lézi.  
 14 A ní bɔ gbāamɔnedeo ní gbé pásiɔ ɔzi,  
 asa an kua beee víè.

---

\* 72:8 Zkl 9.10

15 Lua kía dɔ́ ní aafiao!  
 Wio àà gba Seba bùsu vua,  
 wio wabikὲ Luawa gɔɔpii,  
 wio samaa'òè láasai.

16 Bua pɔ́ɔ ke àà bùsuu maamaa,  
 a lác aɔ da sísio musu siii,  
 aa ne'i aa pia lán Libã lákpεwa,  
 aa gbã lán kàsapuwa sɛsaou.

17 Àà tó aɔ ku gɔɔpii lán íatɛwε,  
 bui píi a báaa e àà sabai, aai àà tɔnasi.

18 Wà Dii Lua, Isailio Lua sáaukpa!  
 Ŋme ì yãbɔnsaεɔ ke ado.

19 Wàɔ Lua gawidepi tɔbɔ gɔɔpii,  
 àà gawi i li dúniaa píi.  
 Ami! Ami!

20 Yese né Davidi wabikεa lén we.  
**LA AAJDE**

*Sotɔ 73-89*

## 73

*Vaikenaɔ káfta'ea yá*

Asafa le.

1 Lua ì èfãaikε Isailio ne sianaε,  
 ì maake nɔ̀sεpuadeɔne.

2 Mapi sɔ ma káikù ní léleao,  
 ma gbá ye zãi guwa yãε.

3 Ké ma vãikenaɔ kua maa è,  
 ma íandãnapio gwea nidè.

4 Yãe lí kpàlikpanéo,  
 aa aafia mé aa mekpaa.

5 An wá lí wã lán dãɔwao,  
 aali gyãke lán deɔwao.

6 Aaí íandãa da ní nɔɛ yàbaa ũ,  
aaí pãsí nanzi pɔkasa ũ.

7 An oa ìo nísi bɔ,  
an kàamai de ní pia.

8 Aa gbélaani ví,  
aaí boo gbèɛ oné,  
aaí naenaemá ní zɔɔke yáí.

9 Aaí mɛ: Lua pila wà dɛɛka,  
mé an yá ì li dúniaa.

10 Ayámɛto wí kené kèkɛ,  
wí yá pɔ aa ò píi sí síana ũ.

11 Aaí mɛ: Lua a dɔ má ní?  
Musude dɔa kà màae?

12 Váikɛnapiɔ gwa, aa yãe kàa vío,  
an gwea ìo káfi gɔɔpiie.

13 Asi ma nòɛ pua pã yà?  
Ma a ɔbòɛ tàaeu wásawasa pãea?

14 Niɔ ma gbɛ gɔɔpiie,  
niɔ ma swágaga lá gu lé ɔ.

15 Tó ma ze ní yá bee taa oaoɛ,  
bee aɔ de bɔa n gbéɔ kpɛ ũɛ.

16 Ké ma làasookè yápiwa mà dɔ,  
à kèmmɛ zí'ũɛ,

17 e ma ge gɛò Lua kúkíi,  
ɔ ma wé gbàsa kè an láaa yá musu.

18 Ni ní da gu zãandeu,  
ni ɔzɔnízi aa gɔ ní liaao.

19 Aaí gɔ kaalɛpɔ ũ kándò,  
vía pɔɔ ì ní le, aa midɛ.

20 Lá nana ì gɛzɛa, tó gbé vù,

tó n fele Dii, ríyɔ to aa gẽ ní íanao màae.

21 Ké ma nɔse òòkpà,  
mé ma pɔ yà,

22 ma sɔ̀kù, má yãe dɔ̀o,  
ma gɔ̀ n kɛ́i lán nòbɔ̀wa.

23 N beeo má kunnɔ gɔ̀ɔ̀piiɛ,  
n ma kũ ma ɔ̀plaawa.

24 Ni dɔ̀aamɛɛ ní n lɛdaaaɔ,  
bee gbɛa ríyɔ ma ka àizánawa.

25 Ma wé dɔ̀ gbɛezi musuo, n bàasio,  
kuannɔ guu pɔe ni lé ma de tɔ̀leɔ.

26 Baa tó ma me ní ma sɔ̀o yèèè lé láa,  
Lua mé ì to ma sɔ̀ gbãakũ,  
ɔ̀me ma baa ũ gɔ̀ɔ̀pii.

27 Asa gbé pɔ̀ kèmaɔ midɛɛ,  
ríyɔ n gbé pɔ̀ bɔ̀ n kpɛɔ bãde.

28 Lua, sɔ̀aanzi mé kèmɛɛ na,  
Dii Lua, ma n ke ma ulɛkɛ́i ũɛ.  
Má n yãkeɔ dau mà siuné.

## 74

### *Wiileɔ Luai aà kpé wia yá musu*

Asafa le.

1 Lua, bɔ̀yãi n giwázi e gɔ̀ɔ̀píiii?

Akɛa ríle pɔ̀bɔ̀ n níu n kpàsa sãɔ̀ yá musui?

2 Gbé pɔ̀ n ní sí za zio yá dɔ̀ngu,

bui pɔ̀ ní bɔ̀ aa gɔ̀ ní pɔ̀ ũɔ̀  
ní Siɔ̀na gbèsísi pɔ̀ ní kè n kúkɛ́i ũo.

3 N ibɛɛɔ n kúkɛ́i dàaɪ míɔ̀míɔ̀.  
Deɛɛ ní laaio, à òòkpà píi.

4 N wèlɛɔ kàaa gu pɔ ni dauwáɛ,  
aa n̄zia seelaɔ pèɛ we.

5 Wá è, an mɔona dɔ musu,  
aale ke lá wɔ̀ dáo gbēwa.

6 Lí yɔɔa kefena pɔ wa kpà a giwa,  
aa gbè wa gbòo n̄ mɔoo n̄ fɛnk̄inio.

7 Aa tesò n kúkiwa, à kwè,  
aa tò kpé pɔ n tɔ kuwàpi gbālè.

8 Aa ò n̄ n̄sɛu: Wà ɔt̄má míɔmiɔ.  
Aa tesò wá bùsu lousisikpɛɔwa.

9 N kpé lousisibɔɔ gèzɛa,  
ānabie ku ɔo.

Wáɔ ku màa e bɔɛn yá?

Wá gbēe d̄so.

10 Lua, n̄yɔ̀ to n ibɛɛɔ aɔ n yáalɔ e bɔɛ ni?

N wèlɛɔ aɔ sakangu láasai yá?

11 Bóyái n ɔ kpaaūai?

ɔgo n kùɛ, ní n̄ dɛdɛ.

12 Lua mé ma kía ũ za as̄inizi,  
ɔme ì gbé suaba dúniau.

13 Mmɛ n ísia z̄ɛ n̄ gbāao,\*  
n kwāsa mi wí í guu.

14 N Egipiɔ m̄ide we,  
n n̄ gɛɔ kpà wáɔwa pɔblea ũ.

15 N swaɔ b̄ò, n zɛwè n̄ibɔnaɔɛ,  
n swa pɔ a í baa v̄io z̄ɛ.

16 Fāanɛ n̄ gwāas̄inao dɛ n pɔ ũɛ,  
n mɔvua n̄ íat̄ɛo kúki d̄ilené.

17 Mmɛ n kɔɔ dàda bùsu píiu,  
n saɛ n̄ buziɛo gɔɔ d̄ilɛ.

---

\* 74:13 Bɔa 14.21



18 Yá pọ́ n ibeεεo dọ́ yá dọ́ngu Dii,  
m̄saidepiọ́ sakà n tóue.

19 Nsu òn n felena kpá wàiwawo,  
n wēnadeo yá su sāngu.

20 Laaido n bàakuawanowa,  
asa wá b̄usu gbè'εo p̄sikù p̄iie.

21 Wá gbé pọ́ wàε gbāamowēεo,  
ńsu to wà kpekpa ń wíoo.

To wēnadeo ń taasideo n táasile.

22 Lua, fele gí ń nziao.

N yá pọ́ m̄saideo lé dọ́ zesai màé!

23 Nsu zọ́a pọ́ n ibeεεo lé kánzi kpa swáao,  
n wèlepiọ́ kōfi dọ́ gọ́piie.

## 75

### *Lua mé yákpalekena ũ*

1 Asafa le.

2 Wa n sáaukè Lua,  
wa n sáaukè.

Tó wà n yāb̄onsaεo galikè,  
ń kú kái.

3 Lua m̄e: Ma gọ́d̄ile,  
má yákpaleke a zéwa.

4 Tó dúnia d̄e, a gbéεo lé ke s̄ee,  
mám̄e mi a gbap̄ele kú gíũgiũ.

5 Mi o ȳodeone aasu ń gasa feleo,  
mi o v̄aik̄enaone aasu káakuo.

6 Asu à á gasa feleo,  
ásu kàamai k̄eman̄o.

7 Asa gbāa lí bọ́ gukpe ge be'aεo,  
ili bọ́ guwaiwai guu no,

- 8 Lua mé yákpalekena ũ,  
 ɔme ì gbēdo sɔle, ì gbēdo fele.  
 9 Imibɔ ku Dii ɔzi, í gbāa ka a pai,  
 àle pí aà pɔkūma ũ.  
 I kóle dúnia váikenaɔwa píi,  
 ɔ aai mi wesai ní a gbɔɔ.
- 10 Mapi sɔ máo yápi o gɔɔpiiɛ,  
 mí Yakɔbu Lua táasile.  
 11 Má váikenaɔ gasa kwé,  
 gbēmaaɔ gasa io ku musu.

## 76

### *Lua mé ziblea gbāa ũ*

- 1 Asafa le. Wí sí ní kúuɔɛ.  
 2 Wa Lua dɔ Yuda bùsuue,  
 aà tɔ gbāa Isailiɔne.  
 3 Aà zwaakpe kú Salema,  
 aà kúkii kú Siɔna.  
 4 Kua we à kà wāaɔ è'ɛ  
 ní sèngbaɔɔ ní fēndaɔ ní zikabɔɔ.
- 5 Ni gupu, niɔ teke,  
 n zɔɔ de gbèsisi pó kú gɔɔpiia.  
 6 N gbāa denla kè gɔsa gbāaɔne,  
 aa wúlea ní ní i gbézāo,  
 gɔ gbèbeɛpiɔ gbēɛ i fɔ ɔsèo.  
 7 Yakɔbu Lua, n ní lele,  
 ɔ sɔdeɔ ní ní sɔɔ gè kálea ní izɔɔo.  
 8 Mme ní gbé pó de wà viakèè ũ,  
 tó n pɔbò n níu,  
 déme a fɔ ze n aei?  
 9 Kua musu n yákpalekè,

ɔ vĩa dúnia kù, à gò kilikili.

<sup>10</sup> Lua, n fεε n yāgògò dúniaε,  
n yèεsaideɔ suabà.

<sup>11</sup> Gbēnazina pɔkūma ĩ n tɔbɔ,  
n pɔkūma kɪni Ìb dɔa n piε.

<sup>12</sup> A lεke Dii á Luawa, í a fiabo.

A gbé pɔ á liaawázio,  
à mɔ Lua pɔ de wàɔ aà vĩa ví gba pɔ.

<sup>13</sup> I kpalablenàɔ kādε,  
ĩ to vĩa dúnia kíaɔ kú.

## 77

### *Lua dɔnlε bεεkeε taasi guu*

<sup>1</sup> Asafa lε.

<sup>2</sup> Ma lεzù Luazi,  
ma wiilèwà,  
ma lεzù Luazi aà ma yāma.

<sup>3</sup> Kua taasi guu ma Dii kíi wèεε,  
ma ɔ dɔa Luazi gwá kpasasai,  
ma nòε i nínio.

<sup>4</sup> Ké ma làasoo tà Lua kíi,  
ɔ máε kāsānke,  
ké ma aà wàaipà,  
ma nisina vĩa.

<sup>5</sup> N ma wé kūa, mi e i'òo,  
ma gɔ bíli guu, mi dɔ lá má oo.

<sup>6</sup> Ma làasookè yāawa  
ní wè zizi pɔ gèɔ yáo.

<sup>7</sup> Lε pɔ má dà yāa dòmagu gwá,  
ma làasookèwà mà wεεε dɔ.

<sup>8</sup> Ma mè: Dii wá vūaa gɔɔpii yà?

Wá yá a kaaàgu lboa?

<sup>9</sup> Àà gbēke mīde mío mío yà?

Àà yá aò gbooa gòpii yà?

<sup>10</sup> Wá wēnagwaa yá sã Luagu yà?

Àà pò pàwázi, a wá wegwa lboa?

<sup>11</sup> Ǿ ma mē: Yá pó má kūan ke:

Musude ɔzεεdòwēεε.

<sup>12</sup> Má làasooke Dii yābōnsaεowa,

mí àà yá pò a kè yāaò dò gbéogū.

<sup>13</sup> Má n dabudabukeaò wàaipa pii,

mí n yāzōokeaò oné.

<sup>14</sup> Lua, n zé gbāsi vīo.

Dii kpele mé zō lán Luawai?

<sup>15</sup> Mmε ní Lua dabudabukena ũ,

n n gbāa òlò buiōne.

<sup>16</sup> N n gbéogū mīsi ní n gāsa gbāao,

wá Yakòbu ní Yosefuò buiò.

<sup>17</sup> Isia wesīnle Lua,

isia wesīnle ǿ à kōdè,

à lùalua za a εu.

<sup>18</sup> Lou kwè, a pūnaa kōfi dò luabe,

n kà tedeò kpa loupilea ũ.

<sup>19</sup> N pūnaa kōfi dò zàa ñana guu,

loupilea dúnia pù píi.

Tòole gbāle à lùalua.

<sup>20</sup> N zé dà ísiau,

n gēkīi bò í zōo guu,

wi n kēsεgbe eo.

<sup>21</sup> N dōaa n gbéogūne lán sã waiwa

Mòizi ní Aalonao sabai.

## 78

*Ledaawá Isailio yá musu*

Asafa le.

<sup>1</sup> Ma gbéò, à ma ledama ma,  
à swákpa ma yáí.

<sup>2</sup> Má yá'óé ní yáasio,  
má yá pò ulea za zi bọ́lekéé,\*

<sup>3</sup> yá pò wá mà mé wá dõ,  
yá pò wá maew a galikèwẽe.

<sup>4</sup> Wá yápi ule wá néonew,  
wá Dii táasilea da wá tounawew  
ní aà gbãao ní yãbonsae pò a kèw.

<sup>5</sup> A yãdile Yakobu buionew,  
à a ikoyã dà Isailionew.

A ò wá deziowew aa tó ní néw dõ,

<sup>6</sup> i gõ ní bui pò kpéowew felekkaa ũ,  
aai fele dada ní néowew sõ,

<sup>7</sup> ké aa e Lua náaike,  
ké Lua yãkewew su sãngu,  
aaiw aà yãdileaw kũ,

<sup>8</sup> ké aasu wàw de lán ní deziowaw,  
asa aa swágbãakè aa gĩ Lua yáí,  
an sõ ku Luawaw, aa náai víew.

<sup>9</sup> Eflaiũ buiá kázunawew,  
õ aa kpekpa zĩ guu.

<sup>10</sup> Aai zew ní Luabaakuarinowew,  
aa gĩ téi aà ikoyai.

<sup>11</sup> Aà yãkewew sãngu  
ní aà yãbonsae pò a òlonéw.

<sup>12</sup> A dabudabuw kè an deziw wáa

---

\* 78:2 Mat 13.35

Zoã wéleu, Egipi bùsuu.†

13 A ísia zòε à bùaíno,

à í bíibò.‡

14 A dòaané telu guu fáane,  
gwãasína sō n té gupuaο.§

15 A gbεsi paa guwaiwaiu,  
à í kpámá zōo lán ísia íwa.

16 A tò í bònέ gbεu,

ípi bàalè lán swadawa.\*

17 Ǿ aa gĩ te duunawa,

aa gĩ Musude yāmai guwaiwaiu.

18 Aa gí kè aa Lua lewe,

aa n pœã ble gbèawà.†

19 Aa Lua bèεbò aa mè:

A fō Ǿpi'i dilewēε sēu lae?

20 Gwa, à gbε lè, í bò dàgua me!

A fō ble ge nòo kpáwá sōa?

21 Ké Dii yápi mà, àa pǾ pà,

ō té kù YakǾbu buiowa,

à pǾkūmabòbǾ Isailiowa.

22 Asa aai Lua yá sio,

aa àa gbé suabaa gbãa náai vīo.

23 A yādà bàlumaε,

à zεwè musu,

24 ǿ mana kwènέ ble ũ,‡

à musu pówena gbō yònέ.

25 Aa malaikaǾ ble blè,

à kūsūakènέ, à díńla.

---

† 78:12 BǾa 7.8-12.32 ‡ 78:13 BǾa 14.21-22 § 78:14 BǾa  
13.21-22 \* 78:16 BǾa 17.1-7, Nao 20.2-13 † 78:18 BǾa 16.3,  
Nao 11.4-5 ‡ 78:24 BǾa 16.14-15, Nao 11.7-9, Zāa 6.31

26 A tò ían gbãa b̀ò gukpe,  
 ní aà gbãao à b̀ò geomidokii oi lo,

27 ̄ à ǹò kwèné lán luutēwa,  
 b̄ão línlá lán ísiale ũfãawa. §

28 A tò aa kwè ní b̀òou,  
 aa g̀è káleã liaa ní kpéoi.

29 Lua p̀ó p̀ó aa a ni ví kpámá,  
 ̄ aa s̀ò aa kã páupãu.

30 E a ni àò gé b̀oínla,  
 g̀o p̀ó blepi da ní léu,

31 Lua f̀èlè f̀ènǹo,  
 à Isaili g̀õgbãã d̀èdè,  
 à ní èwaaso kwè.\*

32 Gia ní beeo aa g̀i te duunawae,  
 ní aà yãb̀onsaekẽã aai aà náaikẽo.

33 ̄ à ní ẁèni kènè lán lé'ianawa,  
 a tò ò̀nekeã ní midè.

34 Tó à ní pisab̀ò, aãl aà aeya,  
 aãl ea wà aà k̀í wèelè ní wãao.

35 Aa d̀ò sa Lua mé ní gbesi ũ,  
 Lua Musude mé ní Misina ũ.

36 Ama aãl lémwà,  
 aãl ètoè,

37 an s̀õ kuwàò,  
 aa aà bàakuaríǹo yá gb̀ò.

38 Aàpi s̀õ à ní ẁènagwà,  
 à ní duuna k̀è má, i ní midèo.

Iò azia zùukè m̀òom̀òe,  
 i a p̀okũmab̀ob̀omá píio.

39 A ní gb̀ènazĩnkè d̀ò má,

---

§ 78:27 B̄ãa 16.13, Nao 11.31-32 \* 78:31 Nao 11.33

asa aai gēzεa susai lán íanawae.

40 Aa swágbaakè guwawaiu gēn ūma'ūma!  
Aa aà pɔ yàè sēu we à kè zài.

41 Aa Lua λεωε,  
aa Lua λεωε,  
aa Isailio Lua pó a kua adoa fè.

42 Aà iko gbāa sǎngu,  
lá à ní sí ní ibεεwa,

43 lá à dabudabuɔ kè Egipi,  
mé à yābɔnsaεɔ kè Zoā būsuu.

44 A ní swa'io lile au ũ,†  
ō aai fō aa a imi bo.

45 A ūsinaɔ kǎngu, aa ní soso,‡  
ní blɔɔ bo, aa yāyiamá.§

46 A tò kwaɔ ní pówenaɔ blè,  
à kwasutē kà ní buapóɔ.\*

47 A tò loughε ní vǎebuɔ kè kélékεle,  
a zaa'iana ní kaa líɔ è'ε.

48 A ní pɔtuɔɔ músikè ní loughεpio,  
lua sù ní kpásaɔwa.†

49 A a pɔkūma zōɔ bòbɔmá,  
à íisèrino ní pɔfēo ní kpēneo,  
à músi malaikaɔ gbàemá.

50 A a pɔkūma gbà zé,  
i zεzō gaε bo, à gagyákǎngu.

51 A Egipi negōε séiaɔ dèdε pii,‡  
Haũ bui gōsake népio gàga.

52 A bò ní a gbéɔ lán sáɔwa,

† 78:44 Bɔa 7.17-21 ‡ 78:45 Bɔa 8.20-24 § 78:45 Bɔa 8.1-6

\* 78:46 Bɔa 10.12-15 † 78:48 Bɔa 9.22-25 ‡ 78:51 Bɔa 12.29



à d̀aaané guwaiwau lán sã waiowa. §

53 A beńno, aa ku d̀d̀ba v́asai,  
an ibeεo s̄o, ísia k̀aaamá.\*

54 A k̀ańno a b̀usu z̄leu, †  
guśiside p̄o a s̄i n̄ a gb̄aaopiu.

55 A buip̄aleo ỳané,  
ō à n̄ b̀usu kpaalèné n̄ p̄o ũ,  
à uakp̄akpa Isaili buip̄ione. ‡

56 Ǿ aa Lua lewe aa ḡi aà ȳamai,  
aa Musude ȳadileo k̀ūao. §

57 Aa kpekp̄a aa b̀o aà kpe lán n̄ maeowa,  
aa náai v̄io lán s̄a gia baiwa.

58 Aa aà p̄o f̄elèè n̄ n̄ sa'ok̄io,  
aa aà zaf̄èè n̄ n̄ t̄aa.

59 Ké Lua è m̄aa, ō aà p̄o p̄a,  
à ɔ̀z̄è Isailiozi p̄as̄ip̄as̄i.

60 A a zw̄aakpe tò Silo\* we,  
aà be p̄o a kp̄a gb̄enazinao guupi.

61 A tò an w̄eleo m̀o a kpagolo s̄è, †  
ōme aà gb̄aa n̄ aà gawio k̀úki ũ.

62 A tò w̄a a gb̄éɔ d̄ede n̄ f̄endao,  
aà p̄o p̄a bui p̄o a s̄epizi.

63 An èwaaso tek̀ù z̄i guu,  
an w̄éndiao i z̄ak̄ele d̄s̄ bo.

64 W̄a n̄ sa'onao d̄ede n̄ f̄endao,  
an gyaao i f̄s̄ ɔ̀l̀o.

65 Ǿ Dii v̀u n̄ io sa,

§ 78:52 B̄oa 13.17-22 \* 78:53 B̄oa 14.26-28 † 78:54 Yoz 3.14

‡ 78:55 Yoz 11.16-23 § 78:56 D̄oa 2.11-15 \* 78:60 Yoz 18.1,  
Zel 7.12 † 78:61 1Sam 4.4-22

lán gɔ̃sa pɔ̀ vù ní wɛ̃'iowa.

66 A ní wɛ̃lɛɔ gbɛ̀, aa kpɛkpà,  
a tò aa gò ní wíó gɔ̀pii.

67 ɔ̀ à gĩ Eflaiũ buiɔ̀zi,  
i Yosefu buipi se lo.

68 Yuda bui ɔ̀ a sè sa  
ní Siɔna gbɛ̀sĩsí pɔ̀ á yeio.

69 A a kúkii dɔ̀ musumusu we,  
aɔ ku gɔ̀pii lán dúnia kálɛawa.

70 ɔ̀ à a zɔ̀blena Davidi sè,‡  
à aà bɔ̀ sã kaau.

71 A aà bɔ̀ sãdãu, à dɔ̀aa Isailiɔne,§  
Lua gbɛ̀ Yakɔbu buipiɔ kíaɛ.

72 Davidi ní kpá a kpɛ ní nɔ̀semɛndoo,  
à dɔ̀aané ní a ɔ̀ báaadeo.

## 79

### *Yelusaleũ dɛɛɛa wii*

Asafa lɛ.

1 Lua, buipãlɛɔ sí ní búsuu,  
aa n kpé pɔ̀ a kua adoa ɔ̀ɔkpà,  
aa Yelusaleũ dɛɛɛ.\*

2 Aa n zɔ̀blenaɔ dɛɛɛ aa ní gɛ kpà bãɔwa,  
aa n yãmanaɔ gɛ tò wàɔne blɛ ũ.

3 An au bàalè lán íwa Yelusaleũ bíi kpɛ,  
gbɛɛ ku à ní vío.

4 Wa gɔ̀ pɔ̀ yáalɔɔ ũ wá saɛdeɔne,  
láanipɔ̀ ũ gbɛ̀ pɔ̀ liaawázɔne.

5 Dii, n pɔ̀ aɔ paawázi e bɔɛ ni?

‡ 78:70 1Sam 16.11-12 § 78:71 2Sam 7.8 \* 79:1 2Kia 25.8-10,  
Zel 52.12-14

N kpɛnɛ tɛ aɔ kũ gɔɔpii yà?

<sup>6</sup> Pɔkũma bɔbɔ bui pɔ aa n dɔɔwa,  
gbɛ́ pɔ aali ní sísioɔ bùsuɔwa.

<sup>7</sup> Asa aa Yakɔbu buiɔ blè,  
aa ní bùsu òòkpàɛ.

<sup>8</sup> Nsu wá maɛɔ duuna wi wá musuo.  
Wɛnadɔwɛɛ kpakpa,  
asa wa busa dúuduue.

<sup>9</sup> Dɔwáɛ, Lua wá Suabana.

Wá misi, ké ñ tɔbɔ,  
wá duuna kéwá n tó yáí.

<sup>10</sup> Bóyáí nýɔ to buipáɛɔ wá lá:

Wá Lua ku máɛ la?  
To buipáɛɔ dɔ́ wá aɛ,  
ké ni n zòblenaɔ dɛdɛa tɔsimá.

<sup>11</sup> To zìzɔɔ ɔɔɔ gɛ n swáú,

gbɛ́ pɔ kú ga lézìpiɔ bɔ  
ní n gàsa gbãao.

<sup>12</sup> Láani pɔ wá saɛdeɔ zìma,  
fiaboné gɛn soplá, Dii.

<sup>13</sup> Wápiɔ n gbɛ́ɔ, n kpàsa sãɔ,

wíɔ n sáaukpa gɔɔpii,  
wíɔ n tó galikɛ e wá buiwa.

## 80

### *Isailiɔ sua ní pɔ ziu wabikɛa*

<sup>1</sup> Asafa ɛɛ.

<sup>2</sup> Swákpa Isailiɔ Dɔaana,  
n gbɛ́ pɔ ni Yosɛfu buiɔ dá lán sãɔwa.

Bɔ gupuau, n gbé pɔ ní zɔ́lea malaika gàsiadeɔ  
zānguo,\*

<sup>3</sup> ní dɔaa Eflaiũ buiɔne  
ní Bēyāmee buiɔ ní Manase buiɔ.  
Fele ní n gbāao, mɔ ñ wá suaba!

<sup>4</sup> Lua, to wà ea su wá pá ziu.  
Wá wegwa wà aafia'e.

<sup>5</sup> Dii Lua Zígɔde,  
níle pɔbɔ n níu e tia,  
nyɔ n gbéɔ wabikεa mamá bɔe ni?

<sup>6</sup> N wé'i kpámá ble ũ,  
n ní wé'i yǎné pɔ pai aa mĩ.

<sup>7</sup> N tò wa gɔ láanipɔ ũ wá saedeɔne,  
wá ibεepiɔ lé wá ke pɔɔpɔɔ.

<sup>8</sup> Lua Zígɔde, to wà su wá pá ziu,  
wá wegwa wà aafia'e.

<sup>9</sup> N vēli wò Egipi,  
n buipáleɔ yà ɔ ní pè ní gbɛu.

<sup>10</sup> N gukèkεè, à zínapèle,  
ɔ à ɔtà à a bùsu pà.

<sup>11</sup> A uedà gbèsisíɔla,  
a gɔnaɔ de seɔe lí zɔɔɔla.

<sup>12</sup> A ɔtà à gè e ísiale,  
a ɔneɔ gè e Uflatai.

<sup>13</sup> Bóyái n a kaa gbòo,  
gbé pɔ lé gēzeao Ìɔ ɔmalɛii?

<sup>14</sup> Dào sàwa ì lé kái,  
sèanɔbɔɔ ì mɔ a lá blei.

\* **80:2** Bɔa 25.22

15 N yá na! Lua Zígɔde, wá wɛgwa!  
 Kua za musu wɛzu n̄ gwa!  
 Laaidɔ v̄ɛlipiwa,  
 16 bui pɔ́ n̄ p̄ɛ nz̄ia,  
 né pɔ́ n̄ s̄i n̄ pɔ́ ũpi.  
 17 Wà n v̄ɛlipi z̄ò wà tes̄òwà.  
 Wɛp̄asi biimá aa midɛ.  
 18 ɔda gb̄é pɔ́ kú n̄ ɔplaiwa,  
 gb̄ɛnaz̄in né pɔ́ n̄ s̄i n̄ pɔ́ ũ.  
 19 Wá k̄ɛma lɔɔ.  
 Wá lé n̄ láo, wí n̄ sísi.  
 20 Dii Lua Zígɔde,  
 to wà su wá pá ziu,  
 wá wɛgwa wà aafia'e.

## 81

### *Isailiɔ dikpɛ le*

1 Asafa lɛ.  
 2 A guladɔ Lua wá gb̄aawa.  
 A kúkuakɛ Yakɔbu buiɔ Luaɛ.  
 3 A bɔ́ n̄ lɛɔ, í bala lé  
 n̄ m̄ɔna'ɔ nao n̄ domao.  
 4 A kuupɛ m̄ɔbɔzi,\*  
 í pé a vua z̄á wá dikpɛgɔɔ,  
 5 asa a dɛ ikoyã ũ Isailiɔnɛɛ.  
 Yá pɔ́ Yakɔbu buiɔ Lua dilɛn we.  
 6 A yápi dà Yosɛfu buiɔnɛ  
 gɔɔ pɔ́ à àna Egipiɔwa.

Aa lɔɔ pɔ́ aai ma yãao mà à m̄è:

7 Ma aso gò á ḡau,

---

\* 81:4 Nao 10.10

ma á ɔ̀ b̀ è ẽu.

<sup>8</sup> A willèa taasikεgɔ̀, ɔ̀ ma á b̀, má wèwá asii guu ní louvíao.

Ma á lé ma á gwá Mɛliba í kíi.†

<sup>9</sup> A swákpa ma gbéɔ̀, mí lɛdawá.

A Isailio, à ma yāma lé!

<sup>10</sup> Asu à ɔ̀ dii pále vío,

ásu kúle dii z̄lloεo.‡

<sup>11</sup> Máme má Dii á Lua ũ, ma á bóle Egipiε.

A á lé εε, mí tó à ká.

<sup>12</sup> ɔ̀ Isailio i ma yāmao,

ma gbépio i misiilemεεo.

<sup>13</sup> ɔ̀ ma ní tó ní ní swágbāao, § aa té nízia pɔ̀eāi.

<sup>14</sup> Tó Isailio s̄samazi,

tó ma gbépio te ma yái,

<sup>15</sup> d̄s ma ní ibεεo bùsané ḡɔ̀ḡɔ̀,

ma ɔ̀z̄ ní wèlep̄iozi.

<sup>16</sup> Ma zangudeo i vlānau ma aε, an íadama aɔ̀ láaa vío.

<sup>17</sup> Mí á gwa ní p̄wεn gawideo,

mí gbè z̄s̄'i kpáwá à ká.

## 82

### *Yákpalekεa ní gbāadeo*

Asafa lé.

<sup>1</sup> Lua z̄l̄εa balu guu,

àle yáḡḡḡ gbāadeoεε à m̄è:

† **81:8** B̄oa 17.7, Nao 20.13    ‡ **81:10** B̄oa 20.2-3    § **81:13** Lom 1.24

<sup>2</sup> Bɔɛ á yákpaleke a zéwai?  
Aɔ ke vāikenaɔne kèke gɔɔpii yà?

<sup>3</sup> A yānakpa yèèsaideɔwa  
ní tone pɔ gwana víɔ.

A ze ní taasideɔ  
ní gbé pɔ wàle ìadamáɔ.

<sup>4</sup> A yèèsaideɔ ní wēnadeɔ misi  
à ní bɔ vāikenaɔ ɔzì.

<sup>5</sup> Gbāadepiɔ yāe dɔɔ,  
aa a kee gbáɛɔ.

Aa ku gusiaue,  
ɔ dúnia zína lé fu.

<sup>6</sup> Ma mè luaɔn á ũ,\*  
Musude néɔn á ũ ápii.

<sup>7</sup> N beeo á ga gbēnazína ũɛ,  
á kpagua lán kía pāleɔwae.

<sup>8</sup> Lua, fɛle yákpaleke ní dúniao,  
asa bui píiá n pɔɛ.

## 83

### *Isailiɔ ní ibeɛɔ kaa Luawa*

<sup>1</sup> Asafa lé.

<sup>2</sup> Lua, nsu ñyɔ níleao,  
ní lé su àɔ kpaaũao,  
nsu ñyɔ ku kílikilio, Lua.

<sup>3</sup> N ní ibeɛɔ gwa, asa aale káa,  
n wèlepɔ lé ní mi fu.

<sup>4</sup> Aale ñnoɔpéle n gbéɔne,  
aale lekpaai ní yenzideɔzi.

<sup>5</sup> Aale me: A mɔ wà ní buibɔ,

---

\* 82:6 Zāa 10.34

an tɔ Isaili su àò dɔ gbɛ̃egu bo.

<sup>6</sup> Aa lɛkpàaɪ, an lé kɔ̃sɛ̀,  
aa lɛdoúkè ní kɔ̃o aa fɛlennɔ.

<sup>7</sup> Ɖɔ̀ũ̀ò ní Isimaela buiɔ  
ní Mɔabuɔ ní Hagua buiɔ

<sup>8</sup> ní Gebalideɔ ní Amɔniɔ  
ní Amalekiɔ ní Filitɛ̀ɔ ní Tiideɔ.

<sup>9</sup> Baa se Asiliɔ nàmá lɔ,  
aale ɔda Lotu buipiɔwa.

<sup>10</sup> Kɛnɛ́ lá ní kè Madiãɔnɛwa,\*  
lá ní kè Sisela ní Yabɛ̀oɛ Kisɔ̀i.†

<sup>11</sup> N ní kè kɛ́lekele Endoo,  
aa gò kálea tɔ̀le lán pɔgbɔ̀wa.

<sup>12</sup> Kɛ ní gbɛ̀zɔ̀ɔnɛ  
lá wa kè Olebu ní Zeebuoɛwa.‡  
Kɛ ní kíãɔnɛ

lá wa kè Zeba ní Zalemunaoɛwa.§

<sup>13</sup> Ampiɔ mé ò yãa aa mè,  
wà Lua dáádãkɛkɛi sé ní pɔ̃ ũ.

<sup>14</sup> Ma Lua, to aa gɔ̃ lakɛɛ ũ  
lán ése úa pɔ̃ íana ì sélewa.

<sup>15</sup> Lá dào ì tɛ̀kũ,  
ge lá tɛ̀ ì gbɛ̀sɛ̀sɛ̀ sãã,

<sup>16</sup> pɛ́lɛ̀nízi ní n zàao màa,  
n ían pãsi i to sɔ̃ kɛ̀ngu.

<sup>17</sup> To an gɛɛ gɔ̃ kpá ní wéi,  
aai n gbãa dɔ̃ Dii.

<sup>18</sup> Wí líɔ ní kú gɔ̀ɔpii ní bílio,  
aa kpɛbɔ aa midɛ,

<sup>19</sup> kè aa e dɔ̃ kè n tón Dii,

\* **83:10** Dɔa 7.1-23 † **83:10** Dɔa 4.6-22 ‡ **83:12** Dɔa 7.25

§ **83:12** Dɔa 8.12



míme ní Musude ũ dúniau pii.

## 84

### *Lua ua beεkeε*

<sup>1</sup> Kole buio le.

<sup>2</sup> N kúkii maa fá, Dii Zigõde!

<sup>3</sup> Mále Dii ua beεke e gu gè lé lia,  
ma nisina ní ma meo lé lua Lua béεi.

<sup>4</sup> Dii Zigõde, ma Kía, ma Lua,  
gòlegolena kpé è ní gbagbakii saε,  
luakibāna sakpedà we à a nεo kàu.

<sup>5</sup> Báaadeon gbéé pó kú n ua  
aaio n táasile gɔɔpiio ũ.

<sup>6</sup> Báaadeon gbéé pó an gbāa bòn kii  
mé n kpé gea yá kú ní sɔ guuo ũ.

<sup>7</sup> Tó aale pā Baka guzulεa,  
aaí to à gɔ lán gu nibonadewa,  
káabuan lou i to εfāai ligua.

<sup>8</sup> An gea guu an gbāa io káfie  
e aa γε kaò n kii Siona.

<sup>9</sup> Dii Lua Zigõde, ma wabikea sí,  
swáε ma yái, Yakobu buio Lua.

<sup>10</sup> Lua, kía wá sèngbao gwa,  
wéte kía pó ní kpai.

<sup>11</sup> Kua n kpé kpele gɔɔ do maa  
de kua gupālei gɔɔ àaa sɔola.

Ma Lua ua bíiboledōanakε sɔ  
de kua ua doū ní vaikenaola.

<sup>12</sup> Dii Lua dené latε\* ní sèngbao ũ.

\* **84:12** Mal 4.2, Zia 21.23

Dii ì báaadańgu ní káfiáó,  
 ìli gí maakei táaesaideeo.  
 13 Dii Zígõde,  
 báaaden gbéé pò lé n náaike ũ.

## 85

### *Isailio aafia wabikea*

1 Kole buio le.

2 N báaadà n bùsuu, Dii,  
 n su ní Yakõbu buio ní pá ziu.

3 N n gbéé tãaeo wòlomá,  
 n ní duuna kèemá píi.

4 N pò wèemá,  
 n n pòkũma pásí kpà kpe.

5 Suwanõ wá pá ziu,  
 Lua wá Suabana,  
 kpẽne pò ní kèwanõ suumpa.

6 N pò aõ paawázi gõõpii yà?  
 Nyõõ n pòfẽgõõ gága wẽ ní wẽo yà?

7 Nyõ ea ò n gbéé lé ní láo  
 ké an pò e kema nao lé?

8 Dii, ò n gbẽke òwõẽe,  
 wá suaba ní n gbãao.

9 Ma swá dõ Dii Lua yá'oi,  
 asa ì aafia legbẽ a yãmanaõneẽ,  
 tó aai ea sù ní mĩsaiyãõwao.

10 Aà víakenaõ suabaa zãõ,  
 ké aà gawi e àõ kú wá bùsuu yáí.\*

11 Gbẽke ní náaiõ kpàaũ,

\* 85:10 Zãa 1.14

yázede ní aafiao dàkõle.

<sup>12</sup> Náai ì o poo musu,

yázede ì ononon zílei.

<sup>13</sup> Dii a maakewẽe,

wá tõe i bleke.

<sup>14</sup> Yázede ì be aà ae,

ì zekেকে.

## 86

### *Kowekea Luae*

Davidi le.

<sup>1</sup> Dii, swákpa ma yái, ní wea,  
asa taaside wēnaden ma ũ.

<sup>2</sup> Ma wēni dōa, asa má n yáo kūae.

N n zòblena suaba,

míme ní ma Lua ũ, mále n náaike.

<sup>3</sup> Sùuukemanon, Dii,

asa miõ lezunzi koo ní oosioe.

<sup>4</sup> N n zòblena po ke na,

asa ma laai tà n kíi, Dii.

<sup>5</sup> N maa mé ní sùuu ví, Dii,

n gbẽke zõ n sīsinaone.

<sup>6</sup> Dii, swákpa ma wabikeai,

laaidon ma wēna wiiwa.

<sup>7</sup> Má lezunzi ma taasikegõzi,

asa ni wea.

<sup>8</sup> Táae muaannon, Dii,

gbẽe lí fõ n kea kèo.

<sup>9</sup> Bui pó ní kèon mó kúlene,\*

aa n tobõ nípii.

<sup>10</sup> Asa ní zõ mé ni dabudabun ke,

míme ní Lua ũ ndo.

---

\* 86:9 Zia 15.4

11 N n zé ɔɔmɛɛ Dii,  
 mío be n síana guu.  
 Ma sɔ damɛɛ doũ, mío n vía ví.  
 12 Má n sáaukpa ní nòsemɛndoo,  
 Dii ma Lua, máɔ n ɔɔɔpiie.  
 13 Asa gbɛke pɔ ní kɛmɛɛ zɔɔ,  
 n ma wɛni sí beda è títiwa.

14 Lua, kàamaideɔ lé feɛmanɔ,  
 gbɛ́ pásɔ lé ma wɛ, aali n yádao.  
 15 Mpi Dii, Lua sósobiden n ũ,  
 ní sùuu ví mé n pɔ lí pa kpaao,  
 ní gbɛke ní náaio ví zɔɔ.  
 16 Ma wɛgwa, wɛnadɔmɛɛ.  
 N n zòblena gba gbãa,  
 mapi n nɔɛ zíkɛna né suaba.  
 17 Maakeamɛɛ seela kɛ,  
 ma wɛlɛɔ i e, wí i ní kú,  
 asa Dii, n dɔmale,  
 n ma nòɛ nínimɛɛ.

## 87

### *Sionaá Lua wɛ́lɛɛ*

Kole buiɔ lɛ.

1 Lua a wɛ́lɛ kàlɛ gbèsísí pɔ a kua adoa musu,

2 Dii ye Siona bíibɔlɛɔi

dɛ Yakɔbu buiɔ wɛ́lɛ kíniɔla píi.

3 Lua gawi yá'ò wɛ́lɛpi musu à mè:

4 Má Egipiɔ ní Babelideɔ da gbɛ́ pɔ aa ma dɔɔ guu.

Filitɔ ku a guu ɔ ní Tiideɔ ní Etiopiɔ.

Wa mɛ wà gbɛ́ beɔɔ í wɛɛ.\*

---

\* 87:4 Gal 4.26

5 Wa o Siɔna yá musu:  
Wà wáanɛ ní wáanɛo ì weɛ,  
Musude mé ì a zedɔ gíũgiũ.

6 Tó Dii lé gbéɔ tó dalau,  
a mɛ: Wà gbé beeɔ ì weɛ.

7 Lèsinaɔ ní ɔwãnaɔ píi aa mɛ:  
Wá maa píi ì bɔ Siɔnaɛ.

## 88

### *Kua ga lézi wiileɛ*

1 Ezala bui Emani\* le.

2 Dii Lua ma Suabana,  
mále wiilema fãanɛ ní gwãasinao.

3 To ma wabikɛa kama,  
swákpa ma wiileai.

4 Asa yá'ɔma kò ma nòseue,  
ma wēni sò è léi.

5 Wà ma da gbé pɔ aale si bedaɔɔ,  
ma gɔ lán yèɛɛsaidewa.

6 Wà ma ya ma kpa gɛɔ guu  
lán gbé pɔ wúleɛ miau sɔlbɔɔwa.

An yá dɔngu lɔ, aa bò n ɔu.

7 N ma zu è zòolo guu  
e tɔle nɔna gbáo gusiau.

8 N pɔkúma tɔa,  
a ísò lé ma lé.

9 N tò ma gbéɔ ma vūaa,  
ní tò aa ye ma gíyáio.

Wà ma kaka, bɔkii kuo.

10 Iadama ma wé siakù,

\* **88:1** 1Kia 5.11

mále ɛzɔnzi za kɔɔ e oosi,  
ma ɔɔ dɔanzi.

11 Gɛɔ ni yābɔnsaekɛnɛá?  
Gyaadeɔ mé aai fɛɛ n sáaukpaa?

12 Wɪ n gbɛkɛ galikɛ miau yã?

Wɪ n náaiyã'ò kaaleu yã?

13 Wa n dabudabuɔ dɔ a gusiau yã?  
N maakɛɔ dɔa ku wésia guu yã?

14 Dii, mi wiilema,  
ma wabikɛa kɔɔ í ka n kíi.

15 Bóyái níɛ gímazii, Dii?

Akɛa n mikpɛlimɛɛi?

16 Má kú ga lézi wɛnannɔ za ma èwaasogɔɔ,  
n wétɛamɔané tɔa, ma gɔ sãii.

17 N pɔpaamazi mà ma mia,  
n vía pɔɔ lé ma midɛ.

18 A daamala lán íwa za kɔɔ e oosi,  
à kúaaa míɔmiɔ.

19 N tò ma gbɛ́ yenzideɔ ma vūaa,  
gusia mé gɔ́ ma gbɛna ũ.

## 89

### *Lua ɛgbɛa Davidie*

1 ɛzala bui Etani\* ɛ.

2 Dii, máo lesi n gbɛkɛ yá musu láasaie,  
máo n náaiyã kpàwake wɛ́ ní wɛo.

3 Má o n gbɛkɛ líɔ kpáɛa vío,  
n náaidekɛ zínapeɛa musu n be.

---

\* 89:1 1Kia 5.11

4 N mè n bàa kú ní gbé pò ní sèò,  
n lègbè n zòblena Davidiè.

5 Nyõ to aà bui àò kible gòòpiiè,  
nýõ aà kpala gba gbãa e aà buiwa.†

6 Musudeò n dabuyãò sáaukpa, Dii,  
malaikaò n náaiyá'ò balu guu.

7 Asa gbèe ku musu à kà Diiwao,  
malaikae muaaaànòò.

8 Baa malaikaò kàaa, Lua mé fuańla,  
gbé pò liaaaàziò mē ì seena ta.

9 Dii Lua Zigõde, déme muaannòì?  
N gbãa ní náaiò vī yápii guu.

10 Ni gbãamò ísiaè,  
tó à fèlè ní vīvīao, ni a zùuke.

11 N Egipiò suumpà aa gõ gèò ù,  
n n wèlepìò fàaa ní n gàsa gbãao.

12 Musu ní zílèoá n pòe,  
n dúnia kàlè ní pò pò kú a guuò.

13 N gugbāntoo ní gèomidòkìio kè,  
Taboo ní Èemò gbèò ì guladòma.

14 N gàsaá gõsa pòe,  
n ò gbãa mé n òplaa dò musu.

15 Yámaa ní yázèdeo mé n gńna èkpale ù,  
gbèkè ní náaiò mé dia n aewa.

16 Báaadeò n gbé pò aa guladòama dõ,  
aaìò bē n aē gupuaúò ù, Dii.

17 Aaìò pònakè ní n tóò gòòpii,  
aaì íanadã ní n maakèao.

18 Asa an gawì ní ní gbãaon n ù,

† 89:5 2Sam 7.12-16, Sou 132.11, Zin 2.30

n zεawanɔ yáí wá mi daa ía.

19 Wá sèngbaoá Dii póε,  
wá kíapiá wá Isailio Lua póε.

20 N yā'ò n yāmanaɔne yāa  
wépfungu'ea guu n mè:  
Ma dɔnlékè negɔnaε,  
ma èwaasopi sè lesí a gbéɔ guu.

21 Ma a zòblena Davidi è,  
ma a nísikàwà ma aà díle.

22 Máɔ aà kúa ma ɔziε,  
ma gàsá gbāa aɔ kuaànɔ.

23 Ibεε a fɔ falusiwàò,  
gběvāi a e ɔnaalɛwàò.

24 Má aà wèlɛɔ wíwi aà aε,  
má aà zangudeɔ kwé.

25 Máɔ náai víè ní gběkeo,  
aà mi io daa ía ní ma tóo.

26 Má ísia naè a ɔziε,  
io iko ví swaɔwa.

27 A lezumazi à mε,  
má dε a Mae ní a Luao ũ,  
a gbεsi ní a Suabanao ũ.

28 Má aà kε ma yoa ũ,  
io dε dúnia kíaɔ mide ũ.‡

29 Máɔ gběkeε víaànɔ gɔɔpiie,  
ma bàa pó kuaànɔ gbooa vío.

30 Má tó aà bui àɔ kible gɔɔpiie,  
aà kpala io ku e dúnia gε láaò.

31 Tó aà buio pākpa ma ikoyāi,  
mé aai tε ma yādileaɔzio,

‡ 89:28 Zia 1.5



- 32 tó aa b̀ò ma ýá kpe,  
 mé aa ma yádanεο kũao,  
 33 má got̄má an t̄aaεο yáie,  
 mí ní ke búubuu an v̄ai ýá musu,  
 34 āma gb̄εke p̄ó má v̄iaàn̄o a midεο,  
 má f̄õ náaisaiȳãkeο.  
 35 Má a bàa p̄ó kuaàn̄o ýá gbooo,  
 má lé p̄ó má gb̄èè lilεο.  
 36 Ma legb̄è ní maz̄ia kuao ḡẽn do,  
 má εεto Davidiεο, ma m̄è,  
 37 aà bui aο ku ḡoοpiiε,  
 aà kpala aο ku ma aε lán̄ íat̄ēwa.  
 38 Lá m̄oνua de seela náaide ũ musu,  
 màa aà kpala aο ku ḡoοpii.
- 39 N beeo n gi k̄ia p̄ó ní kp̄ai,  
 n okp̄aaàzi, n kolok̄èaàn̄o.  
 40 N n bàa kua ní n z̀òblenao ýá gb̀òo,  
 n sakà aà k̄iafuau, ní z̀ù z̄íε.  
 41 N aà w̄éε b̄l̄iο gb̀òo,  
 n aà zegik̄iιο kw̄è ní dàai.  
 42 Ḡẽzεadeο lé ní baa σευ,  
 à ḡò láanip̄o ũ a saedeοne.  
 43 N tò aà w̄èεο ḡā gb̄āε,  
 ní tò aà ibεεο p̄oñak̄è.  
 44 N aà f̄ẽnda lé d̄è,  
 ni zεaàn̄o z̄i guuo.  
 45 N aà gawi k̄o'è,  
 n aà b̄áa b̀òaāla.  
 46 N tò à zik̄ù a gb̄āau,  
 n wid̄àwà.

47 Dii, ñyõo uleawẽe gɔɔpii yà?

N pɔkũma té aɔ kũ e bɔe ni?

48 Lãasooke ma wēni kulunkewa,  
n gbēnazina kè pã yà?

49 Gõsa kpele mé aɔ ku à gí gaii?

Déme a fõ azia si mia ikowai?

50 Dii, gbẽke pó ní vī yãa gè má ni?

Lé pó ní gbè Davidie ní náaio sō be?

51 To n zòblena láanikea yá dɔngu,  
buiɔ ma kea pɔɔpɔɔ ma sō zò.

52 N ibeɔ kía pó ní kpà láanikè,  
e gu pó aà kèse zèu, Dii.

53 Wà Dii sáaukpa gɔɔpii!

Ami! Ami!

## LA SIIODE

*Souto 90-106*

### 90

*Lua ní gbēnazinao*

Lua gbé Mɔizi wabikea.

1 Dii, wá ulekin n ũ wē ní wēo.

2 E ñyõ gé gbèsisio kei,

e ñyõ gé tole ní dúniao kálei,

Luan n ũ za asinizi e gɔɔpii.

3 Ni dile gbēnazinae aà gē tēenau,  
ni to aà ea gō būsuti ũ.

4 Wè òaa sɔo denɛ lán gɔɔ dowa,\*

ì gēne lán gĩa ge gwāasinawa.

5 Ni to i dañla aai gaga,

aa de lán sē pó ì bɔle kɔɔwa,

\* 90:4 2Piɛ 3.8

6 ì bọle kọọ, i gbá,  
 ì i'ọ oosi, i giigaga.†

7 N pọkūma ì wá suumpa,  
 n kòloke a ì gili gēwágu.

8 Wá yāváiọ kále a n ae,  
 wá asiiyāọ bọ gupau n kuu.

9 Wá gọọ ì gēkōu n kpēne yáí,  
 wá wēni ì midē wá wea dóúdoūnau.

10 Wá wē ì ka bàákwí taawa,  
 tó wá gbāa sō, basiiō.

Wēpiọ guu baa a pọ pọ na  
 ì mó ní taasio ní pọsiao e,  
 ì gēzēa kpakpa, ọ wi kpagui.

11 Déme n pọkūma gbāa lé dōi?  
 Déme n kpēne lé dō à víakēi?

12 Dadawēe wàọ wá wēni dō màa,  
 ké wá ọnọ e wá sō guu.

13 Dii, níyō ea wá wēgwa bọe ni?  
 Wēnadō n zòblenaone.

14 Tó gu dọ, to n gbēke mówá,  
 wíọ pọnake ní gulakeao gọọpii.

15 Wá gba pọna ọ pọ ní tōwá gọọ léu,  
 taasi pọ wá kè wè léu.

16 N n yākeao ọọ n zòblenaone,  
 ní tó wá néọ n iko gbāa dō.

17 Dii wá Lua, báaadawágu nana,  
 èfāaida wá zíu wàọ káfíake,  
 ao, èfāaida wá zíu wàọ káfíake.

---

† 90:6 Zaa 1.11

## 91

*Lua mé wá d̄šana ũ*

<sup>1</sup> Gbé p̄o ul̄ea Musude ɔ guu,  
 mé a ku Gb̄apiide uei,  
<sup>2</sup> ĩ me Dii mé a zegik̄ii ũ,  
 a Lua mé a ul̄ek̄ii ũ, á aà náai v̄i.

<sup>3</sup> A n si kaiwa,  
 a n suaba ní gagyão.

<sup>4</sup> A n s̄olo a p̄oleu,  
 n̄ȳɔ ul̄ea aà k̄ulukulunau.  
 Aà náai mé aɔ de n s̄engbao ũ.

<sup>5</sup> Gw̄aas̄in p̄o ní f̄aan̄e k̄a kp̄án'ãaɔ  
 an kee v̄ia a n k̄ũo,

<sup>6</sup> ge gagyã p̄o ĩ b̄e gusiau  
 ge gȳakaw̄e le p̄o ĩ ní le f̄aan̄e gb̄ãa.

<sup>7</sup> Baa tó gb̄eɔn òaa s̄oo lé kw̄é n sae,  
 ge gb̄eɔn òaas̄oɔo lēe kwi lé fu n ɔplaai,  
 p̄oe a n leo.

<sup>8</sup> W̄ezu ñ gwa,  
 n̄ȳɔ e lá w̄i ñada v̄aik̄enaɔwa.

<sup>9</sup> Tó n Musude d̄ile n ul̄ek̄ii ũ,  
 mé n Dii d̄ile n k̄úk̄ii ũ,

<sup>10</sup> v̄aie a s̄onzio,  
 músi a ḡe n uao.

<sup>11</sup> Asa a n yã'o a malaikaɔne  
 aa n d̄sa gu p̄o ní le géu píie.

<sup>12</sup> Aa ɔdama,  
 ké nsu ḡenale gb̄ewao yáí.\*

<sup>13</sup> Nȳɔ táa'o n̄oɔmusuwa ní kȳáo,  
 n̄ȳɔ ɔz̄ɔ n̄oɔkusiwa ní ml̄è p̄ás̄io.†

\* **91:12** Mat 4.6, Luk 4.10-11 † **91:13** Luk 10.19, Lom 16.20

14 Dii mè: Lá à nàmazi, má aà bɔ,  
lá a ma dɔ, má aà sɛ musu.

15 A lɛzumazi, mí wewà.

Tó yá nàɛwà, máɔ kuaàno,  
má aà suaba, mí aà kpɛla.

16 Má báaadaaàgu ní wēni gbàao,  
má aà suaba, i pɔnakɛð.

## 92

### *Lua sáaukpaɛ*

1 Kámabogɔɔ lɛ.

2 A maa wà n sáaukpaɛ, Dii,  
wá lesi wà n tɔbɔ, Musude,

3 wí n gbēke galike kɔɔ,

wí n náaiyá'ò gwá,

4 wí n táasile ní mɔɔnao  
ní domao ní kotilio.

5 N yákeɛɔ ì ma pɔ ke na, Dii,  
mi guladɔ n ɔzíkɛɔwa.

6 Dii, n yákeɛɔ zɔɔ maamaaɛ,  
n láasoɔɔ gbia à kè zài.\*

7 Sɔũ yápi dɔo,

mísaide a fɔ mao.

8 Baa tó gbēvãio ɔtà lán kàewa,  
mé vãikɛnaɔ káfia è nípii,

an zia de kaale láasai ũɛ.

9 Mpi sɔ Dii, níyɔɔ káfia gɔɔpiiɛ.

10 N n ibɛɛɔ gwa, aale mideɛ,  
vãikɛnaɔ lé fáaa píi.

11 N ma gba gbãa lán zùsɛlɛwa,

---

\* 92:6 Lom 11.34

n nɪsɪ ɔde kà ma miwa.

<sup>12</sup> Ma wɛsɪ ma wɛlɛɔ fualɛ,

ma swá ma ibɛɛ vāio wii mà.

<sup>13</sup> Gbɛmaaɔ gbā lán daminaliɔwa,

aa zɔɔkū lán Libā sɛdɛ líɔwa.

<sup>14</sup> Pélea Dii kpé kpɛɛɛ

aa gbā wá Lua ua.

<sup>15</sup> N ní zikūakɛo aaɔ nɛ'ie,†

an lá aɔ nɪsɪ bɔɛ si plɛplɛ.

<sup>16</sup> Aa mɛ Dii maa,

ɔmɛ wá gbɛsi ũ,

vāie ku aà guuo.

## 93

### *Dii mé Kia ũ*

<sup>1</sup> Dii mé lé kible,

a zɔɔkɛ daa ula ũ.

Dii zɔɔkɛ daa, à gbāa dɔ a pi,

à dúnia kàlɛ gíŭgiŭ, a deeo.

<sup>2</sup> N zɔlɛa báawa za gɔɔpi,

ní kú za asɪnizi.

<sup>3</sup> Swaɔ pà Dii,

swaɔ kɔfi dɔ,

swaɔ lé gāale.

<sup>4</sup> Dii ku musu, a zɔɔ,

aà zɔɔ dɛ í zɔɔ kɔfi,

aà gbāa dɛ ísia í vɪvɪaa.

<sup>5</sup> Dii, n yādilɛaɔ gbooa vɪo,

à kù n kpé àɔ ku adoa e gɔɔpiɛ.

---

† 92:15 Zaa 15.2

## 94

*Lua mé yákpalekena ũ*

<sup>1</sup> Dii á Lua pṓ ĩ tṓsimáε.

Lua pṓ ĩ tṓsimá, bṓ gupuau!

<sup>2</sup> Dúnia yákpalekena, fεε!

Fia bo íandánaṓne ní yákeawa.

<sup>3</sup> Gbēvāiṓ aaṓ pṓnake e bṓε ni?

Aaṓ tidṓwála e bṓε ni, Dii?

<sup>4</sup> Vāikenapiṓ ĩ gṓsagṓsa yā'o,

aaĭ yābṓε, aaĭ íanadā nípii.

<sup>5</sup> Dii, aaĭ taa'o n gbéṓwa,

aaĭ gbāamṓ gbé pṓ n ní sépiṓne.

<sup>6</sup> Aaĭ gyaa gbēandoṓ ní bṓmṓṓ dεε,

aaĭ tone pṓ gwana víoṓ suumpa.

<sup>7</sup> Aaĭ me Dii lé ní eo,

Yakṓbu buiṓ Lua laai kúmáo.

<sup>8</sup> A sṓũṓ, à laaika!

A mísaideṓ, á ōnṓkū bṓεε la?

<sup>9</sup> Lua swá pè, ĩli yāmao lé?

A wé kàsa, ĩli gu'eo lé?

<sup>10</sup> I bui píi toto, a ní swágagaoa?

I yādané, a dṓa víoa?

<sup>11</sup> Dii gbēnazina làasoṓṓ dṓ,

a dṓ ké aa yāfūu lán gbé tíwa.\*

<sup>12</sup> Báaaden gbé pṓ ni toto,

ni n ikoyā dadaε ũ, Dii.

<sup>13</sup> Ni aà nṓse daè doũ taasikegṓṓ,

e wà γε εγṓ vāikenae.

---

\* 94:11 1Kln 3.20

14 Dii a pākpa a gbéɔzio,  
a gbé pɔ́ á sè a pɔ́ ũ vūaaɔ.

15 Wa ɛa yákpaleke a zéwa,  
nòɛpuadeɔ í zedɔ.

16 Déme a felemɛɛ gbɛvãibɔwai?  
Déme a zemanɔ vãikenɔ musui?

17 Mé í ke Dii donlekèmeɛ yãa no,  
dɔ́ má kú miau kílíkíli gɔ́ɔ.

18 Ké ma mè zãana lé ma séle,  
n ma kũ n gbêke guu, Dii.

19 Ké ma láasoo kɔ́ ma sɔu,  
n ma sɔ́ n̄nimɛɛ n ma pɔ́ kèna.

20 N lé líɔ ku yágɔ́gɔ́n koleaɔ yáuo,  
an yádileaɔ í moné ní taasio.

21 Aaí lekpaáí gbɛmaazi,  
aaí yáda táaesáidea wà àà de.

22 Dii mé ma zegikíí ũ,  
ma Lua mé gbɛsi pɔ́ mí ulɛu ũ.

23 A ní vãikea sɔaamáɛ,  
í ní buibɔ an tàaeɔ yáí,  
Dii wá Lua a ní buibɔ.

## 95

### *Lua táasileɛ*

1 A mɔ́ wà pɔ́na wii dɔ́ Diiwa,  
wà guladɔ́ gbɛsi pɔ́ í wá bɔ́wa.

2 Wà gé àà aɛ wà àà sáaukpa,  
wà lesi wà àà táasileɛ.

3 Asa Dii mé Lua zɔ́ɔde ũ.  
Kía zɔ́ɔɛ, a de dii píia.

4 Tɔ́ɔle nɔ́na ku àà ɔ́ɔíɛ,



gbè̀sìsì misonaɔ́á àà pɔ́e.

<sup>5</sup> Isiaá àà pɔ́e, òme kè,  
òme tɔ̀le ikàsa ní a ɔ̀.

<sup>6</sup> A mɔ̀ wà wúle wá gbɛɛu  
wà kúle Dii wá Kena ae.

<sup>7</sup> Asa aàpi mé wá Lua ù,  
wá de àà kpàsa gbéɔ̀ ùe,  
àà sã pɔ̀ àle ní dāɔ̀ ù.

Tó a àà lɔ̀ mà gbã,

<sup>8</sup> ásu swágbãake lá á deziɔ̀ kè Meliba  
gɔ̀ pɔ̀ aa ku Masa guwaiwaiuwao.\*

<sup>9</sup> Baa ké aa ma yãkeɔ̀ è,  
aa ma yɔ̀ aa ma gbãa legwà.†

<sup>10</sup> ɔ̀ má ye ní gíyáio e wè bla,  
ma mè gbé sásãɔ̀ne,  
aa ma yãkeɔ̀ dɔ̀.

<sup>11</sup> Má ò ní maziao ní pɔ̀fɛo ma mè,  
aa gẽ ma kámabokíiuo.‡

## 96

### *Dii mé Kta zɔ̀ ù (1Lad 16.23-33)*

<sup>1</sup> A lè dafu sí Diiɛ,  
dúnia gbépii, à lesi Diiɛ.

<sup>2</sup> A lesi Diiɛ, í àà tɔ̀ɔ̀,  
àà àà ziblea baokpa lá gu lé dɔ̀.

<sup>3</sup> A àà gawi yã'o buiɔ̀ne,  
à àà yãbɔ̀nsaɛɔ̀ galike gbépiiɛ.

<sup>4</sup> Dii zɔ̀, à kà wà àà táasile,

\* **95:8** Ebe 3.15 † **95:9** Bɔa 17.1-7, Ebe 3.7-11 ‡ **95:11** Nao  
14.20-23, Ebe 4.3, 5

à kà wà viakɛ̀ de diiɔla pii.

<sup>5</sup> Buipáleɔ diibá pɔ gianaɔne,

Dii mé musu kè.

<sup>6</sup> Zɔ̀kɛ́ n̄ beɛeɔ kuwà,  
gbāa n̄ gawio ku aà k̄iɛ.

<sup>7</sup> A gawi n̄ gbāao d̄ɔ Diiɛ,

bùsu pii gbéɔ, à d̄ɔ Diiɛ.

<sup>8</sup> A Dii tó gawi d̄ɔ̀,

à mɔ aà ua, í aà gba pɔ.

<sup>9</sup> A kúɛ Diiɛ n̄ lousisi'ulaɔ daa,

z̄íɛdeɔ, à tó á me àɔ kuke aà ae,

<sup>10</sup> í o bui piiɛ, Dii mé lé kible.

A dúnia kàɛ gíũgiũ, a deea v̄io.

A yákpaleke n̄ gbépiio a zéwa.

<sup>11</sup> Musudeɔ, à pɔnake,

z̄íɛdeɔ, à v̄í àɔ k̄ɛaa,

isia n̄ pɔ pɔ kúuɔ, à k̄ɔfikɛ.

<sup>12</sup> Sèa n̄ pɔ pɔ kúuɔ, à kúkuake,

lí pɔ kú lákpɛuɔ i gulake pii.

<sup>13</sup> Aa pɔnake Dii ae, asa àɛ mɔ,

àɛ mɔ yákpalekei n̄ dúniaoɛ.

A yákpaleke n̄ dúniao a zéwa,

a yágɔgɔ gbéɔne n̄ s̄ianaɔ.

## 97

### *Dii mɔa*

<sup>1</sup> Dii mé lé kible!

Dúnia gbéɔ, à pɔnake,

isiabaadeɔ, àɔ ku pɔna guu.

<sup>2</sup> Luabɛpuana n̄ a sianaɔ liaaàzi,

yázede n̄ yāmaao mé aà kpala z̄ina ũ.

<sup>3</sup> Tɛ́ ɪɔ dɔaaaè,  
 ɪ kũ aà ɪbɛɛ pɔ liaaaàziɔwa.

<sup>4</sup> Aà loupilɛaɔ ɪ tɔɔɛ pu,  
 tɔ dúnia è, ɪ lualua.

<sup>5</sup> Gbèsísɪɔ ɪ yɔ lán zónisiwa Dii aɛ,  
 dúnia gbépii Diipi aɛ.

<sup>6</sup> Musudeɔ ɪ aà maakɛa kpàwakɛ,  
 bɔsu píi gbéɔ ɪ aà gawi e.

<sup>7</sup> Wí ɪ táagbagbanaɔ kú,  
 gbé pɔ aai íanadã ní táapiɔ.  
 Diipiɔ kúɛ aà aɛ mípiɛ.

<sup>8</sup> Tó Sionadeɔ mà, aa pɔnake,  
 Yuda wéɛdeɔ aɔ ku pɔna guu  
 n yákpalekɛaɔ yái, Dii.

<sup>9</sup> Dii Musuden n ũ dúnia gbépiiɛ,  
 n zɔɔ de diiɔla píi.

<sup>10</sup> Gbé pɔ ye Diizɔɔ, à za vāigu.  
 ɪɔ a yāmanaɔ wēni kũané,  
 ɪ ní bɔ vāikɛnaɔ ɔu.

<sup>11</sup> ɪ gupu gbēmaaɔne ní zéu,  
 ɪ pɔna tɔ nɔɛpuadeɔ guu.

<sup>12</sup> Gbēmaaɔ, à tɔ á pɔ kɛ Diiwa na,  
 à aà tɔɔ, asa a ku adoa.

## 98

### *Dii mɔa táasilɛa*

<sup>1</sup> A lè dafu sí Diiɛ,  
 asa à yābɔnsaɔ kè,  
 à zìblè ní a gàsa pɔ a kua adoa gbāao.

<sup>2</sup> Dii tò wa dɔ̀ a zìblè,  
 à a gbɛsuabaa gbãa ò̀lɔ bui píiɛ.  
<sup>3</sup> Gbɛ̀kɛ ní náai pɔ́ a ví ní wá Isailiɔ dɔ̀aàgu.  
 E dúnia léwa wa è lá wá Lua zìblè.

<sup>4</sup> Dúnia gbépii, à pɔ̀na wii dɔ̀ Diiwa,  
 à ví ní wiio, à gulakɛ à lè sí.  
<sup>5</sup> A lesi Diiɛ ní mɔ̀ɔ̀nleao,  
 ní mɔ̀ɔ̀nleao ní letɛ̀dɔ̀awao  
<sup>6</sup> ní kàaɛpɛao ní kuu'ò̀,  
 à pɔ̀na wii dɔ̀ Dii wá Kíawa.  
<sup>7</sup> Isia ní pɔ́ pɔ́ kúuɔ̀, à kɔ̀fikɛ,  
 ní tɔ̀leɔ ní gbé pɔ́ kuwà̀ɔ̀ píi.  
<sup>8</sup> Swaɔ̀, à gàale Dii aɛ.  
 Gbè̀sìsìɔ̀, à gulakɛ sãnusãnu,  
<sup>9</sup> asa à̀ɛ mó yákpalekɛi tɔ̀leɛ.  
 A yákpalekɛ ní dúniao a zéwa,  
 a yáɡɔ̀gɔ̀ gbé̀ɔ̀nɛ ní sianao.

## 99

### *Lua kuaadoade*

<sup>1</sup> Dii mé lé kible,  
 bui píi lé lualua,  
 a zɔ̀leɛ malaika gã̀sɛ̀adeɔ̀ zãnguɔ̀,\*  
 dúnia lò̀.  
<sup>2</sup> Dii zɔ̀ɔ̀ Sìɔ̀na,  
 a ku musu, a de bui píila.  
<sup>3</sup> Aa àà tɔ́ zɔ̀ɔ̀ pɔ́ Ì to vía ní kú bɔ̀,  
 asa àà kua adoaɛ.  
<sup>4</sup> Wá Kía gbãa ví, a ye yázeɛdei,

\* **99:1** Bɔa 25.22

᾿᾿me yákpalekea a zéwa dà,  
à yāgōgō Yakobu buione a zéwa.  
5 A Dii wá Lua tɔbɔ,  
à kúle aà gbadibɔ sae,  
aà kua adoaε.

6 Mɔizi ní Aalonao mé aà gbàgbanao ũ,  
Samuéli mé aà sisinao do ũ.  
Aa lezuaazi, ō a wèamá.  
7 Kua telu guu à yā'òné,†  
aa aà ikoyā ní aà yādilenεo kūa.

8 Dii wá Lua, ní wèamá,  
Lua sùuuden n ũ.  
N beeo n ní yāvāio wīné ní musu.  
9 A Dii wá Lua tɔbɔ,  
à kúleε aà gbèsisi pɔ a kua adoa musu,  
asa Dii wá Lua kua adoaε.

## 100

### *Dii sáaukpaa*

Sáaukpaa le.

1 Dúnia gbépii, à kúkuake Diie.  
2 A zɔble Diie ní pɔnao,  
à mɔ aà kíi ní gulakeao.  
3 Aɔ dɔ ké Dii mé Lua ũ,  
᾿᾿me wá ké, wá de aà pɔ ũε.  
Wá de aà gbéɔ ũ, aà kpàsa são ũ.  
4 A gē aà ua léu ní sáaukpaa,  
à gē aà ua ní aà táasileao,  
à aà sáau kpa à aà tɔbɔ.  
5 Asa Dii maa, aà gbēke láaa vío,

† 99:7 Bɔa 33.9

İo náai vı gɔɔpiie.

## 101

*Kia legbēa a kiblea yá musu*

Davidi le.

<sup>1</sup> Má lesi gbēke ní yázedeo musu,  
má sou dannɔ, Dii.

<sup>2</sup> Má laaidɔ kua tàaesaiwa,  
bɔe níyɔ mɔai?

Máɔ ku ma ua ní nɔsepuaɔ,

<sup>3</sup> má pɔvái dɔ ma wéio.

Má za yádɔsaikεau, a naao.

<sup>4</sup> Má yádɔsai fɔɔ,

ma bàa aɔ kú ní yāvãioo.

<sup>5</sup> Má gbé pɔ í a gbédee pe suumpaε,

má yɔɔdeɔ ní íandánaɔ fɔɔ.

<sup>6</sup> Ma wé dɔ ma bùsu náaideɔzi aaɔ kumanɔ,  
gbé pɔ İo be tàaesai mé aɔ de ma zíkεna ũ.

<sup>7</sup> Má we gbēsāsāna aɔ ku ma beo,

má tó mɔafilide aɔ ku ma saeo.

<sup>8</sup> Máɔ a bùsu gbēvãio suumpa lá gu lé dɔ,

máɔ vãikεnaɔ midε Dii wéle guue.

## 102

*Yēesaide wabikεa*

<sup>1</sup> Wēnade yēesaide pɔ lé a yã'ɔmaɔ bɔle Diiε  
wabikεa.

<sup>2</sup> Dii, ma wabikεa ma,

to ma wiileama ká.

<sup>3</sup> Nsu bɔ ma kpε ma taasikεgɔɔo,

swákɔpamazi.

Tó ma lezùenzi, wea kpakpa,  
 4 asa ma gɔɔ lé gɛ́ lán súlewaε,\*  
 ma me lé pusu bo lán teyɔwa.

5 Ma sɔ́ lé wo,  
 mále ibaba lán sɛ́wa,  
 bleblea yá lí dɔmagu mà bleo.

6 Ma aaukea mé tò  
 ma gɔ́ wákambaau ũ.

7 Ma gɔ́ lán gbáa gbaonawa,  
 lán bezia koowa.

8 I lí gɛ́ ma wéuo  
 lán bã mɛndona pɔ́ pé kpé musuwa.

9 Ma ibeεo Ìo ma sɔ́sɔ́ gɔɔpiiε,  
 ma láanikenao ì gbé ká ní ma tóo.

10 Túfu mi ble ble ũ,  
 ma wé'í ì ka ma imia guu

11 n pɔkũma ní n kpɛ̃neεo yáí,  
 asa n ma se n ma páleε.

12 Ma wɛ̃ni lé gɛ̃zeεa lán uenawa,  
 ɔ́ mále giigaga lán sɛ́wa.

13 Mpi Dii, ní zɔ́leεa báawa gɔɔpii,  
 níyɔɔ de tɔde ũε e wá buiwa.

14 Nyɔ́ fele wɛ̃nadɔ́ Siɔnaε,  
 asa n sùuukeaaàno gɔɔ kà sa.

15 Aà gbεo kè n zòblenaone maa,  
 aà daaíã Ìo kewéε wɛ̃naε.

16 Bui píi a víakene, Dii,  
 dúnia kíao gawi dɔ̃ne nípii.

17 Asa Dii a εa Siɔna kále bo,  
 i bo móamá we ní gawio.†

\* 102:4 Zaa 4.14 † 102:17 Isa 60.1-2

18 A gbé pò gè yóyó wabikεa sí,  
a ní wiileawa kpa swáao.

19 Wa yápi kē ziadeo yáie,‡  
gbé pò kuopio i Dii táasile.

20 Dii wekpàle zíle za a kúkí,  
kua za musu à wezù tóle,

21 ké à e gbé zóblewii ma,  
i ní bọ ga lézì yáí,

22 wi Dii tóbọ Siona,  
wi àà táasile Yelusaleü.

23 Gọọ bee bọsu píi gbé káaa we,  
bọsu píi gbé mọ misiileiè.

24 Kua ma sápaagọọ à ma busa,  
à ma wēni kulun kú.

25 Ọ ma mē: Ma Lua,  
ńsu ma se kpóo,  
n gbé bee, n wēni láaa vńo.

26 N tóle kàle za asínizí,  
musuá n ọ́kεεε.

27 Ampii a gē, āma ńyọ́ kuε.

Aa zikū lán pọkasawa píie,§  
ńyọ́ ní lilε lán ulawa aa gēle.\*

28 Mpi sọ ńyọ́ dou ọ́ọ́piiε,  
n ọ́ọ́ láaa vńo.†

29 N zòblenao néo zedọ,  
an buiọ aao ku n ae.

‡ 102:19 1Kln 10.11 § 102:27 Isa 51.6 \* 102:27 Zia 20.11,  
21.1 † 102:28 Ebe 1.10-12, 13.8



## 103

*Lua gbêke*

Davidi læ.

<sup>1</sup> Má Dii sáaukpa,  
má aà tó pọ́ kú adoa bọ́ ní nòsemendoo.

<sup>2</sup> Má Dii sáaukpa,  
aà maakεae a sāmago.

<sup>3</sup> I sùuukεmanọ́ ní ma tàaeọ́ ppii,  
ì ma gbágbá ní ma gyāọ́ ppii.\*

<sup>4</sup> I ma bọ́ ga lézi,  
ì maakεmεε a gbêke guu.

<sup>5</sup> I to pọ́maaọ́ mọ́a,  
mí εa su èwaaso ú lán kúuwa.

<sup>6</sup> Dii ì yáke a zéwa,  
ì to yá bọ́ ní gbé pọ́ wàle gbāamónéone na.

<sup>7</sup> A tò Mọ́izi a pọ́eá dọ́,  
à a yákeao òbọ́ Isailiọ́ne.

<sup>8</sup> Dii sùuu ví ní sósobio,  
aà pọ́ lí pa kpaaọ́,  
a gbêke ví maamaae.†

<sup>9</sup> Iliọ́ zoadọ́má láasaio,  
aà pọ́ líọ́ fεa gọ́piio.

<sup>10</sup> Ili yákewεε wá duunawao,  
ìli ìadawá wá vāikeawao.

<sup>11</sup> Lá luabe lesí de ní tọ́leọ́,  
màa a gbêke ví zọ́ ní a víakenaọ́.

<sup>12</sup> Lá gukpe zà kọ́e ní be'aeọ́,  
màa ì wá tàaeọ́ kéwá.

<sup>13</sup> Lá mae ì a néọ́ wēnagwa,  
màa Dii ì wēnadọ́ a víakenaọ́ne,

\* **103:3** Bọ́a 15.26 † **103:8** Bọ́a 34.6, Yon 4.2, Yoe 2.13, Zaa 5.11

14 asa a wá keḃo dṣ,  
wá dea bṽsuti ũ dḃaàgu.‡

15 Gbēnazina wēni de lán sēwae,  
ìḃ gawi vī gḃḃpla lán lávuwae.§

16 Tó Íanapèwà, ì gēlee,  
a kúkíi líḃ dḃ gbēegu lḃo.

17 Dii ìḃ gbēke vī ní a viakenaḃ  
za asínizí e gḃḃpii,

ì maake ní néḃne ní ní tḃŭnaḃ,\*

18 gbé pḃ zè ní aà bàakuaínḃ yáḃ  
aa yá pḃ a dīleo kūaḃ.

19 Dii a kpalabaa kpàle musu,  
a iko vī gbépiiwa.

20 A Dii sáaukpa aà malaikaḃ,  
ikode pḃ i aà yá'one ma à zíkewàḃ.

21 A Dii sáaukpa, aà ìwaḃ píi,  
aà zíkēna pḃ i aà pḃeã keḃ.†

22 A Dii sáaukpa, aà pḃkeḃ píi  
gu pḃ àle kibleuḃ píi.

Má Dii sáaukpa.

## 104

### *Dii Pḃpiikēna táasilea*

1 Má Dii sáaukpa.

Dii ma Lua, ní zḃḃ maamaae,  
ní gawi daa pḃkasa ũ, àle teke,

2 gupua fifiama zwāa ũ.

N musu kpàle lán pewa,

‡ **103:14** Daa 3.19    § **103:15** Isa 40.6-7, 1Píe 1.24, Zaa 1.10-11

\* **103:17** Bḃa 20.6    † **103:21** Luk 2.13

3 n bekpà lousisiaa.

N luabεpuana kè ní s'go ũ,  
niò bε ní íanao.

4 Ni íana gbaε n z'inao ũ,  
ni té z'í n z'ikεnao ũ.\*

5 N dúnia kàlε, n a z'inapèlε,  
a deea v'í bauo.

6 N ísia lèaàla p'okasa ũ,†  
í kù gbès'ísíola.

7 N ípi lèlε ò à bàasi,‡  
n p'ūnawà ò gili g'èu.

8 Gbès'ísíò lesí kù, gusalalao εenkū,  
ò í tà gu p'ó ní d'ilèèu.

9 N k'oo dà ípiε, a e v'iao,  
a e εa da t'oolεa bau lo.

10 N tò nib'onaò í í pisi swa'onaòu,  
ò a í lo bàalε gbès'ísíò z'ānguo.

11 S'èa p'óp'ii lo a imi,  
a í í s'èa z'aa'inao imi lo.

12 B'ao lo ka swapiò saε,  
aa'lo pea a dào guu, an wii lo d'ou.

13 Za n bε ni lou gbaε gbès'ísíòwa,  
n z'í gbε í dúnia ká.

14 Ni to s'ε b'olε p'otuo'one,§  
ni blε bui kpa s'èwana'owa.

Ni blε b'olε t'oolε, aai blε.

15 V'èε p'ó í ní p'ò kε na  
ní n'isi p'ó í ní lεkpe y'oo  
ní blε p'ó í ní gba gb'āao.

\* 104:4 Ebe 1.7 † 104:6 Daa 1.1-2 ‡ 104:7 Daa 1.9 § 104:14  
Daa 1.11



tó n wēni sīmá,  
 aaǎ ga aa ea ta téēnauē.  
 30 Tó n n Nisīna gbàē,  
 pó b́éēo í bọ,  
 ni to tọle ea dafukū.

31 Dii gawipi aọ ku gọọpiie,  
 Dii pọ í ke na a yākeaowa.

32 I dúnia gwa ọ dúnia í lua,  
 í ọkǎ gbèsisíowa ọ súele í bọ.

33 Má lesi Dii e ma wēni léue,  
 má a Lua táasile e ma kua léue.

34 To ma láasoo kangu,  
 mí pónakennọ, Dii.

35 To duunkenaọ midē dúnia guu,  
 vāikenaọ su aáo ku bọ.

Má Dii sáaukpa.  
 Aleluya!

## 105

*Lua a gb́éọ suabaa*  
*(1Lad 16.8-22)*

1 A Dii sáaukpa, í lémwà,  
 à to bui píi aà yākeaọ dǎ.

2 A lesi, í aà táasile,  
 à aà yábónsaekéaọ galike píi.

3 A íanadǎ ní Dii tó pọ kú adoao.  
 A Dii kǐi wèelenaọ à pónake,

4 à ge Dii le à gbǎa gbéawà,  
 ío aà aeya gọọpii.

5 A to yábónsae pọ a kèò dǎgu,

aà dabudabukεαᵔ ní ikoyã pᵔ a òᵔ,  
 6 á Dii zòblena Ablahaũ buiᵔ,  
 á Yakᵔbu bui pᵔ à á séᵔ.

7 Dii mé wá Lua ũ,  
 ɔme ì yādile gbépiiε.

8 Aà bàakuawanᵔ yá lí sãaaguᵔ,  
 yá pᵔ a òpi aᵔ kuε e wá buiwa.

9 Aà bàa kú ní Ablahaũᵔ,\*  
 à èa à a lεgbè Izaakiε lo.†

10 Aà bàa èa kú ní Yakᵔbuo iko ũ,  
 ɔ a kú ní Isailiᵔ e gᵔᵔpii.

11 A mè á Kanaa bùsu kpámá,  
 aᵔ de pᵔ pᵔ aa se kpaale guu ũ.‡

12 Gᵔᵔ bee aa dasio, wíli ní yādao,  
 aa ku Kanaa bùsuu bòmᵔᵔ ũε.

13 Aaĩᵔ liaaliaa bui ní buioᵔ guu,  
 aaĩᵔ bebε bùsu ní bùsuo.

14 I we wà ní wetãᵔ,  
 à kíaᵔ lèle an yá musu à mè

15 aasu ɔkã gbé pᵔ a ní sépiᵔwao,  
 aasu íada a ānabipiᵔwao.§

16 Ɔ a tò nᵔana kà bùsupiu,  
 a tò an kùsũa làa pii.\*

17 Ɔ à Yosεfu gbàε à dāané,  
 wà aà yía zᵔ ũ.†

18 Wà mᵔkà aà gbáwa,

\* 105:9 Daa 12.7, 17.8 † 105:9 Daa 26.3 ‡ 105:11 Daa 28.13

§ 105:15 Daa 20.3-7 \* 105:16 Daa 41.53-57 † 105:17 Daa 37.28, 45.5

wà mɔ̀ d̀ò aà nɔ̀ɛ‡

19 e yá pó à d̀òaa ò gè kèò,

ɔ̀ yá pó Dii dàè tò yá b̀òaànɔ̀ na. §

20 Ké kía gbé zì, ɔ̀ wà aà gbàɛ,

b̀usu gbẽzɔ̀pi aà kè.\*

21 A aà d̄lɛ a b̀usu d̀òaana ũ,

a tò àò iko v̄i a àizɛɛɔwa píi. †

22 Yosefu aà kíà tòto a p̀òeãwa,

à ɔ̀nɔ̀ dà aà ìwaɔnɛ.

23 ɔ̀ Yakɔ̀bu buiɔ̀ mò Egipi, ‡

Isailiɔ̀ ku nibɔ̀ɔ̀ ũ Haũ buiɔ̀ b̀usuu. §

24 Dii tò a gbé̀ò k̀ò we maamaa,

a tò aa dasik̀ù de ní ibɛɛɔla.

25 ɔ̀ à ní ibɛɛpiɔ̀ swáfè, ɔ̀ aa zà aà gbépiɔ̀,

aa ɔ̀nɔ̀ɔ̀pèlɛ aà z̀òblenapiɔ̀nɛ.\*

26 A a z̀òblena M̀oizi z̀imá†

ní Aalona pó a sèò. ‡

27 Aa yá k̀è Egipiɔ̀nɛ seela ũ,

aa dabudabukè Haũ buipiɔ̀ b̀usuu.

28 A gusia gbàɛmá, gu s̄i ní b̀usuu, §

ké aa ḡi aà yámai yáí.

29 A ní swa'i l̄lɛ à g̀ò au ũ,

ɔ̀ a kpɔ̀ɔ̀ g̀àga.\*

30 Blɔ̀ɔ̀ l̄i ní b̀usua

ní ní gbãadeɔ̀ wúlɛk̄iɔ̀ píi. †

‡ 105:18 Daa 39.20 § 105:19 Daa 37.6-9 \* 105:20 Daa 41.14

† 105:21 Daa 41.39-41 ‡ 105:23 Daa 46.6 § 105:23 Daa 47.11

\* 105:25 Bɔ̀a 1.7-14 † 105:26 Bɔ̀a 3.10 ‡ 105:26 Bɔ̀a 4.14-16

§ 105:28 Bɔ̀a 10.21-23 \* 105:29 Bɔ̀a 7.17-21 † 105:30 Bɔ̀a

8.1-6

31 A yā'ò ṣ ūsinaḅ kàngu,‡  
 gáí kàngu e an bùsu lé léu píi. §  
 32 A loughε kàngu lou ū,  
 loupilea lí n bùsua gupiiu.\*  
 33 A n vεeliḅ è'ε n n kaadḅenliḅ,  
 à n bùsu líḅ kè kélékεlé píi.  
 34 A yā'ò ṣ kwaḅ kàngu,  
 kwasutεḅ kà, aa lé vliḅ.  
 35 Aa n bùsu sε n láo nè,  
 aa n buapḅḅ blè píi. †  
 36 A n bùsu negḅε séiaḅ dèdε píi,  
 né woode pḅ aa n í n èwaasogḅḅpiḅ.‡

37 A bḅle n a gbéḅ,  
 aa ánuṣu n vuaḅ kūa,  
 an bui gbεε i gēnalε zéuo.  
 38 Ké aa bḅle, Egipiḅ pḅ kēna,  
 ké vīa n kú Isailiḅ yá musu yái. §  
 39 A tεlu pèle kpà a gbéḅzi,  
 à kè té ū gwá, à gupùné.\*  
 40 Aa wabikèwà, ṣ à mḅné n bùuḅ,  
 à musu ble kpámá aa kà. †  
 41 A gbεsi pàa, ṣ í bḅu,‡  
 ípi bàalè guwaiwaiu we lán swawa.  
 42 Asa lé pḅ a gbè yá dḅaàgue,  
 yá pḅ a ò a zḅblena Ablahaūēpi.

‡ **105:31** Bḅa 8.20-24    § **105:31** Bḅa 8.12-15    \* **105:32** Bḅa  
 9.22-25    † **105:35** Bḅa 10.12-15    ‡ **105:36** Bḅa 12.29    § **105:38**  
 Bḅa 12.33-36    \* **105:39** Bḅa 13.21-22    † **105:40** Bḅa 16.2-15  
 ‡ **105:41** Bḅa 17.1-7, Nao 20.2-13



43 A b̀ò ní a gbé̀, aale p̀onake,  
gbé̀ p̀ó a sèpiò gulad̀.

44 A buipáleò bùsu kpámá, §  
zì p̀ó gbé̀piò kèò ài g̀òné.

45 Bee kè p̀íi ké aa e wàò a yãdileaò kũa,  
aai a ikoyãò da.

Aleluya!

## 106

*Isailio ní duunaò oa Luae*  
1 Aleluya!

A Dii sáaukpa, asa a maa,  
aà gbè̀ke láaa vío.

2 Déme a f̀ Dii yãzòkèaò oi?  
Déme a f̀ à aà táasile p̀íi?

3 Báaadeò̀n gbé̀ p̀ó aaiò yãmaa kũa  
aaiò yãke a zéwa g̀òpiiò ù.

4 Tó níle na ke n gbé̀òne,  
ma yá aò d̀ngu, Dii.

Tó níle ní suaba, ma wegwa,

5 ké ma baa e àò ku n gbé̀ò namau,  
mí p̀onake ní bui p̀ó ní sèò,  
mí ní táasile n gbé̀piò guu.

6 Wa duunakè lán wá deziòwa,  
wa tàakè wa yãvãikè.

7 Ké wá deziò ku Egipi,  
aai Dii dabudabukèaò yãdao,  
yãmaa dasi p̀ó a kènéò sà̀ngue,

ᵛ aa swágbãakè Isia Těa sae.\*

8 N beeo à ní suabà a tó yáí,  
ké wà e a gbãa dõ.

9 A gbãamò Isia Těae ᵛ gugii bò,  
à sǐńᵛ a eu, aa bùawà guwaiwai ũ.†

10 A ní b́ ní íbeeo ɔzǐ,  
à ní sí ní zangudeo gbãawa.

11 I dà ní wèlepola,  
baa an gbé mendo i boo.‡

12 ɔ aa yá ṕ a ò sí,  
aa à táasilè.§

13 ɔ aà yãkeo sãngu gòo,  
aai aà dǎ aà ledamáo.

14 Aale ní poblea beeke guwaiwaiu,  
ᵛ aa Dii lewe sēgbãu we.\*

15 A ṕ ṕ aa gbèawa kpámá,  
ᵛ à me'ibabagyã zǐmá.†

16 Aa íisè ní Mɔizio b̀ou  
ní Aalona ṕ Dii aà dǐleo.‡

17 Tɔo le wèaa à Datani mò,  
à kùaa Abilaũ ní a gbéowa.§

18 Té sù an iwaowa,  
tévua kùle gběvãipiowa.\*

19 Aa mɔ pǐ Olebu lán gáaenawa,  
ᵛ aa kùle ní dii ṕ aa kàsapie.†

---

\* **106:7** Bɔa 14.10-12 † **106:9** Bɔa 14.21-22 ‡ **106:11** Bɔa  
14.21-22 § **106:12** Bɔa 15.1 \* **106:14** Nao 11.4-6 † **106:15**  
Nao 11.31-33 ‡ **106:16** Nao 16.1-3 § **106:17** Nao 16.31-33  
\* **106:18** Nao 16.35 † **106:19** Bɔa 32.1-6

20 Aa Lua gawide leũkpakè  
 ní zù sèsona taao.‡

21 Lua ní suabà ã àà yá sàngu.

A yãzõkèné Egipi,

22 à dabudabuõ kè Haũ buio bùsuu,  
 à yá pò ì to vía ní kú kè Isia Tëai.

23 A mè á a gbépio midε,

ã àà gbé Mõizi àà zùukè,

a tò àà põ wèe, ã i ní midεo.§

24 Aa pãkpà ní pœã bùsui,  
 aa gĩ Dii yá síi.

25 Aa yákütëkà ní zwàakpœõ guu,  
 aai swáε Dii yáio.\*

26 Ɔ à òlèlené à mè  
 á tó aa kwε guwaiwaiuε,

27 á tó an buio léε buio guu,

í ní fãaa bùsu ní bùsuo.†

28 Aa nà tãa Peoowa,  
 aa pò pò wà sa'òò põgœõwa sò.‡

29 An yãkœõ Dii põ fë,

õ gaga gèngu.

30 Finεasi fèε yápi tedè,

õ gagapi zèné.§

31 Ɔ Dii tò yá bòaànõ na,

àà bàa kuaànõ e àà buiwa.\*

‡ 106:20 Lom 1.23 § 106:23 Bõa 32.10-14 \* 106:25 Nao 14.1-4

† 106:27 Nao 14.26-35 ‡ 106:28 Nao 25.1-3 § 106:30 Nao

25.7-8 \* 106:31 Nao 25.10-13

32 Aa Dii zafè Meliba í kii,  
 ̣ Mɔizi yã'í aziaε an yái.

33 Asa aa aà nòse òòkpàèε,  
 ̣ à yã'ò làasoosai.†

34 Aai bùsupideɔ ke kélekele,  
 lá Dii dīlenéwao.‡

35 Aa gò kògbεɔ ũ ní buipio,  
 aa ní ɔlesè.

36 Aa zɔblè ní diionε,  
 ̣ yápi ní sò blè.§

37 Aa ní negɔenaɔ dède sa'obo ũ,  
 aa sa'ò táaɔwa ní ní nenɔenaɔ.\*

38 Aa yáesaideɔ kòlokpakpa,  
 an negɔεɔ ní ní nenɔepio.

Aa sa'òrínɔ Kanaa bùsu táaɔwa,  
 ̣ an bùsupi gbālè.†

39 An yákeɔ mé tò aa gbālè,  
 an dàaɔ tò aa gò Luaε káaluɔ ũ.

40 ɔ Dii pòkūmabòbómá,  
 a ye gbéé pó a ní sépio gíyái bo.

41 A ní kpá buiɔwa,  
 an zangudepio ikokémá.

42 An ibεεɔ wétēamòné,  
 aa ɔòòlemá.‡

43 Iɔ ní bo mòɔmɔɔ,  
 āma aa zè ní ní swágbāoε,

̣ an duuna dàńla.

44 Tó à ní wii mà,

† 106:33 Nao 20.10-12 ‡ 106:34 Iko 7.2 § 106:36 Dɔa 3.5-6

\* 106:37 2Kia 17.17 † 106:38 Nao 35.33-34 ‡ 106:42 Dɔa 2.14

ì taasi d5nέε. §

<sup>45</sup> Aà bàakuańno yá i sãaàguo,  
 5 à nòselìle a gbēke z5o guu.

<sup>46</sup> A tò gbé p3 aa ní kũkũ zìz5o ũ5 wēnad5né.

<sup>47</sup> Dii wá Lua, wá suaba!  
 Wá b3le bui5 guu, ní wá kãaa,  
 wí n t3 p3 kú adoa b3,  
 wí íanadã ní n táasileao.

<sup>48</sup> Wà Dii, Isaili5 Lua sáaukpa  
 za asínizí e g33pii!  
 Gbépii me, āmi!  
 Aleluya!

## LA SCODE

*Sou5 107-150*

### 107

*Lua sáaukpa aà maa yáí*

<sup>1</sup> A Dii sáaukpa, asa a maa,  
 aà gbēke láaa vío.

<sup>2</sup> Gbé p3 Dii ní b3o o màa,  
 gbé p3 à ní b3 ní ibeε3 3zì5.

<sup>3</sup> A ní b3 bùsu ní bùsuo à ní kãaa  
 za gukpe oi ní be'ae oio,  
 za gugbāntoo oi ní γεmid3kíi oio.

<sup>4</sup> An gbēε3 be sásãa guwaiwaiu ní sēgbão,\*  
 aai wéle p3 aa z3leu zé d5o.

<sup>5</sup> N3ana ní imio lé ní de,  
 an wēni g3 leεnno.

---

§ 106:44 D3a 2.18 \* 107:4 Nao 14.33

6 Ǿ aa wiilè Diizi ní taasikeau,  
 ̄ à ní bó ní wétēa guu.

7 A ní dá zé súsuwa,  
 ̄ aa kà wéle pó aa zōleu.

8 Aa Dii sáaukpa aà gbēke yáí  
 ní yābɔnsae pó ì kenéó.

9 Asa ì imidenaɔ kòlo níniné,  
 ì pɔmaa kpa nɔandenaɔwa aa ká.†

10 An gbēeɔ ku gusiau ga lézi,‡  
 aale taasike yea ní mɔdaonao.

11 Asa aa gĩ Lua yāmai,  
 aa sakà Musude ledamaue.

12 A tò wà ní busa ní zì gbāao,  
 aale lé gále, gbēe ku à dɔńleó.

13 Ǿ aa wiilè Diizi ní taasikea guu,  
 ̄ à ní bó ní wétēapi guu.

14 A ní bó gusiau ní gao lézi,  
 à ní mɔdaonapiɔ kèkēmá.

15 Aa Dii sáaukpa aà gbēke yáí,  
 ní yābɔnsae pó ì kenéó.

16 Asa ì bíibɔle gba pó wa pĩ ní mɔgotēo gbooe,  
 ì mɔsi gbāa zékakabɔɔ é'ε.

17 An gbēeɔ liaa ní swágbāa yáí,  
 aa gò suuunnɔ ní tàaeɔ yáí.

18 Aa ye pɔblea gíyāio,  
 aa kà gaa.

19 Ǿ aa wiilè Diizi ní taasikeau,  
 ̄ à ní bó ní wétēapi guu.

† 107:9 Luk 1.53    ‡ 107:10 Luk 1.79

20 Aà lékpāsā ní gbāgbā, §  
à ní sí mià'ewa.

21 Aa Dii sáaukpa aà gbēke yáí,  
ní yābɔnsae pọ́ í kenéó.

22 Aa sáaukpa sa'owa,  
aai aà yākeaɔ galike ní gulakeaɔ.

23 An gbēeɔ gè gó'ilenaɔ,  
aa dàzeu ísíaa,  
aaɔ be í zɔɔpia aaɔ gé laatai.

24 Gbépiɔ Dii yākeaɔ è,  
ní yābɔnsae pọ́ í ke í guoɔ.

25 A yā'ò ɔ zàa'ian gbāa kàka,  
ísia fēle ní butēmbaao.\*

26 Aa gè musu aa sù zílɛ,  
kua kaipi lézì sɔ kèngu.

27 Aa dèedee,  
aa tàlaatalaabò lán wēdenawa,  
an íle'ɔnɔ mīde.

28 Aa wiilè Diizi ní taasikEAU,  
ɔ à ní bó ní wétēapi guu.

29 A ían gbāa zè à gò ían fεεena ũ,  
à í zùukè à kè kílíkíli.†

30 Ké gu nini gòɔ, an pɔ kèna,  
ɔ à gènnɔ godokíi pọ́ aale yáú.

31 Aa Dii sáaukpa aà gbēke yáí,  
ní yābɔnsae pọ́ í kenéó.

32 Aa aà tɔɔ balu guu,  
aa aà táasile dɔaanaɔ káaa guu.

33 A swaɔ zèe à gò gugii ũ,‡

§ 107:20 Luk 7.7      \* 107:25 Yon 1.4      † 107:29 Luk 8.24

‡ 107:33 Yoz 3.13

a tò nibonaò gò tõe inidenao ù.

<sup>34</sup> A tõe baaade lile gu wiside ù  
gbé pò zõleuo vai yái. §

<sup>35</sup> A guwaiwai lile dāna ù,  
a tò gugii gò nibona ù.\*

<sup>36</sup> A nandenaò dile we,  
õ aa wéle kàle aa zõleu.

<sup>37</sup> Aa buapóò tõe aa vèliò bà,  
õ à nē'ine maamaa.

<sup>38</sup> A baaadāngu,  
õ aa dasikù à kè zài,  
i to an pòtuoo làoo.

<sup>39</sup> Ǿ à n lāo lo, aa gò yooonno  
gbāamāné n mūsio n pōsiao yái.

<sup>40</sup> Lua i saike kpalablenao,wa,  
i to aa liaaliaa gugii pò zevio guu.

<sup>41</sup> I wēnadeò bō taasiu à n sé lesi,  
i to an uadeò dasikù.

<sup>42</sup> Tó gbēmao è, aai pōnake,  
gbēvāio sō aai n lé kpaaù.

<sup>43</sup> Nòsede laaido yāpiowa,  
i Dii gbēke gwa lá a de.

## 108

### *Lua mé i to wà zible*

<sup>1</sup> Davidi le.\*

<sup>2</sup> Ma sō dilea, Lua,  
má lesi mà n táasile n nòsemendoo.

<sup>3</sup> Ma mōona n ma domao, vu!

Mi gbāakpa gudōazi.

---

§ **107:34** Daa 13.10, 19.24-26 \* **107:35** Bsa 17.6 \* **108:1** Sou  
57.8-12, 60.7-14



<sup>4</sup> Dii, má n sáaukpa buio guu,  
má n táasile gbéone.

<sup>5</sup> Asa n gbēke zō zōmae,  
mé n náai zō luabepuanawa.

<sup>6</sup> Lua, tōo e à zōma,  
to n gawi li dúniaa pii.

<sup>7</sup> Wea, wá suaba n n gāsa gbāao,  
ké wápio n gbé yenzideo e bo.

<sup>8</sup> Lua yá'ò za a kúki à mè:  
Má Sikeū kpaale n tidanlaoe,  
mí Suko guzule kpámá.

<sup>9</sup> Galada bùsuá ma pōe,  
Manase buio bùsuá ma pōe,  
Eflaiū buio bùsuá ma mō fūae,  
Yuda bùsuá ma lípanae.

<sup>10</sup> Mōabuò bùsuá ma zion zu'oboe,  
mi a kyale kále Edoūò bùsuwa,  
mi kúkua do Filitēò bùsuwa.

<sup>11</sup> Déme a gēmano wéle bíideui?  
Déme a doamee e Edoūò bùsuui?

<sup>12</sup> Lua, mé i ke n gbé pō n wá vūaa  
nili bo n wá zīgō bo bàasio.

<sup>13</sup> Odawá wá ibeeo yái,  
asa gbēnazina gbēsuabaaá pāe.

<sup>14</sup> Wá zible n Lua gbāao,  
ōme a ōzō wá ibeeowa.

## 109

*Sa bēe oa ibee*

Davidi le.

<sup>1</sup> Lua, mīme mi n táasile,

ńsu ñyõ níleao.

<sup>2</sup> Asa gběvái bɔ̀nkpedeɔ ɪ ma yaa,  
aaɪ lekɔ̀lekamazi ń ɛɛo.

<sup>3</sup> Aaɪ liamazi ń yá'ńio,  
aaɪ sòlekɛmanɔ pɔ̀ewiwinɛsai.

<sup>4</sup> Aaɪ ma yearízi fiabomɛɛ ń yádɔmao,  
mapi s̄o miɔ wabikɛma.

<sup>5</sup> Aaɪ maa fiabomɛɛ ń v̄aio,  
ma yearízi s̄o ń zaamaguo.

<sup>6</sup> Gběvái sóike ń dɔaanawa,  
n̄ aà na gudɛnaɛ a ɔ̀zɪ.

<sup>7</sup> To yákpale bɔ̀aàno v̄aí,  
to aà wabikɛa yá'ie.

<sup>8</sup> Aà wēni su àɔ gbàao,  
gběp̄aile i z̄s̄le aà gbɛu.\*

<sup>9</sup> Aà n̄éɔ ḡs̄ desai,  
aà na i ḡs̄ gyaa ũ.

<sup>10</sup> Aà n̄éɔ ḡs̄ lianaɔ ũ aao baake,  
aao p̄o wɛɛɛwɛɛɛ p̄okɔ̀lekɪi.

<sup>11</sup> Aà fiade aà p̄oɔ naaa p̄ii,  
buip̄aileɔ aà z̄ɪ ài siwà.

<sup>12</sup> Gb̄ɛɛ su gb̄ɛkɛkɛɛo,  
wasu wēnad̄s̄ aà n̄é p̄o a t̄oɔnɛo.

<sup>13</sup> Aà buiɔ mide,  
an t̄o ga gb̄é p̄o lé feleɔ guu.

<sup>14</sup> Aà deziɔ v̄aikɛa yá d̄ongu, Dii,  
ńsu n̄ aà da duuna k̄ɛwà bauo.

<sup>15</sup> An duuna aɔ d̄ongu ḡɔɔpii, Dii,  
an yá i s̄a gb̄éɔgu d̄úniau,

<sup>16</sup> ké ñli làasookɛ gb̄ɛkɛwao yáí,

---

\* 109:8 Zin 1.20

ĩfada taasideᵛ ní wēnadeᵛ  
ní gbé pó an ká gàᵛwa e aa ga.

17 A ye savái'oa gbééi,  
to à wi aà musu.  
Sa maa oa gbéé lí kaaàguo,  
a ke báaa ví sōo.

18 A lekεané ula dà,  
à gè aà nòseu lán íwa,  
à tàaleaàgu lán nísiwa.

19 Aᵛ fíwà gᵛᵛpii zwāa ũε,  
io dᵛ aàpi asana ũ.

20 Dii fiabo ma yādᵛmadeᵛne màa  
ní gbé pó aai vái o ma musuᵛ.

21 Dii Gbāapiide, ma wegwa n tó yái,  
ma bᵛ n maa ní n gbēkeo yái.

22 Asa taaside wēnaden ma ũ,  
ma pᵛ yà dúuduu.

23 Mále sāale lán oosi uenawa,  
mále gēzea lán íana kwasεawa.

24 Leye tò ma gbá lé sé lᵛo,  
ma fēfē e ma gᵛ wákambaau ũ.

25 Ma gōné pᵛsᵛsᵛa ũ,  
aai ma gwa aa mikε déūdeū.†

26 Dᵛmale Dii ma Lua,  
ma suaba n gbēke yái,

27 aai dᵛ ké n ᵛdàa,  
ké níme ní kèmeε, Dii.

28 Tó aa ma ka, níyᵛ báadamagu,

---

† 109:25 Mat 27:39

tó aa fɛlɛmanɔ, wí a n kú,  
 mapi n zòblena mí pɔnakɛ.  
 29 Tó íi a gɔ ma yãɔmadeɔnɛ ula ũ,  
 aa wida nziawa lán gomusuwa.

30 Má Dii sáaukpa n lɔɔ gbãao,  
 má aà táasile balu guu.

31 Asa ï ze n wɛnadeɔɛ,  
 ï n sí gbé pɔ lé yãdarílaɔwa.

## 110

### *Mɛsii kíakɛ*

Davidi lɛ.

1 Dii ò ma diie aà zɔlɛ a ɔplaai  
 e aà aà ibɛɛɔ kɛè aà gbadibɔ ũ.\*

2 Dii a to n iko ligua,  
 nýɔ kible n ibɛɛɔwa Siɔna.

3 N gbéɔ nziá kpama n ikokɛgɔɔ  
 n lousisi'ulaɔ daa.  
 N èwaasoɔ mɔ n kíi gudɔleia lán fiiwa.

4 Dii legbè, a lé lilɛa vío à mè:  
 Nyɔɔ de sa'ona ũ gɔɔpii  
 lán Mɛkizɛdɛwae.†

5 Dii ku n ɔplaai,  
 a kíaɔ míɔnzɔ a pɔfɛgɔɔ.

6 A tɔsi buiɔwa, an gɛɔ gupa,  
 a dúnia búu kíaɔ míɔnzɔ,

7 i swa'i mi zé lé.  
 Bee yá mé tò aà mi aɔ daa ía.

\* **110:1** Mat 22.44, Zin 2.34-35, 1Kln 15.25, Efe 1.20-22, Ebe 1.13, 8.1,  
 10.12-13 † **110:4** Ebe 5.6, 6.20, 7.17, 21

# 111

## *Dii tɔbɔa*

1 Aleluya!

Má Dii sáaukpa ní nòsemendoo  
ní gbēmaaɔ sãnu balu guu.

2 Dii yãkeaɔ zɔɔ,  
gbé pɔ à kànguɔ ì a wàaipa.

3 Aà yãkeaɔ beee ní gawio ví,  
aà yãkea a zéwa láaa vío.

4 Dii tò a yãbonsaekkeaɔ dòwágu,  
a sùuu ní sósobio ví.

5 I blɛ kpa a víakenaɔwa,  
aà bàakuańno yá lí sãaaguɔ.

6 A a gbãa òlo a gbéɔne yãkea guu,  
à buipáleɔ bùsuɔ kpámá.

7 Yá pɔ a kèò náai ví mé a zɛví,  
yá pɔ a dīleɔ sīana ví píie.

8 Yápio zínaɔ pélea gɔɔpii,  
ì yãke a zéwa náai guu.

9 A suabana zì à a gbéɔ bò,  
aà bàa kúńno gɔɔpii.

Aà tó kua adoa mé ì to vía ní kú.

10 Víakɛa Diiɛ mé ɔno zína ũ,\*  
gbé pɔ ì víakɛè wezē gbãa.

Aà táasilea aɔ láaa vío.

# 112

## *Gbé pɔ Dii vía ví*

1 Aleluya!

---

\* **111:10** Yaa 1.7, 9.10

Báaaden gbé pò Dii vía ví,  
mé Diipi yádílèaò ì kaaàgu ũ.

<sup>2</sup> Aà néò gò gbāadeò ũ ní būsuu,  
asa nòsepuade buiá báaadeòne.

<sup>3</sup> Pómòama ní àizεεo di aà bεε,  
aà yākea a zéwa láaa vío.

<sup>4</sup> Baa gusiau gu ì pu gbēmaaòneε,  
nòsepuade pò sùuu ní sósobio vío.

<sup>5</sup> Gbé pò gbēke ví ì pò sēané,  
ì a yáò ke a zéwa, yá ì bòè maaε.

<sup>6</sup> Gbēmaa lí fu bauo,  
aà yá aò dóngue gòopii.

<sup>7</sup> Bao íi lí aà víakūo,  
aà sò ìò dílea, ìò Dii náai ví.

<sup>8</sup> Aà sò lí vío, vía lí aà kūo,  
e à γε tidòò a ibεεòla.

<sup>9</sup> I pò fáε taasideòne,  
aà yākea a zéwa láaa vío.\*

Aà mi ìò daa ía ní gawioε.

<sup>10</sup> Gbēvāi líò ye aà ea yáio,  
ì lésakāàzi, ì ìòò gá.

Yá pò vāikena wé òi ì midεwàε.

## 113

### *Dii táasilea*

<sup>1</sup> Aleluya!

Dii zòblenaò, à aà táasile,  
í aà tòbò!

<sup>2</sup> Gbépii Dii sáaukpa  
za gbā e gòopii.

---

\* 112:9 2Kln 9.9

<sup>3</sup> Gbépii Dii tɔbɔ  
sɛa za ɪatɛbila e a gɛkpeuki.

<sup>4</sup> Dii ku musu, a de bui píila,  
à tɔbò e à mà musua.

<sup>5</sup> Gbɛe i ka Dii wá Luawao,  
a zɔlea báawa musu.

<sup>6</sup> I wékpale zɪle,  
i musu n tɔleɔ gwa.

<sup>7</sup> I yɛɛsaideɔ bɔ bɔsutiu, i n fɛle,  
i wɛnadeɔ bɔ tɔfuu, i n sé lesí.

<sup>8</sup> I n da kíabuiɔ guu,  
anzia gbé kíabuiɔ guu.

<sup>9</sup> I to fii né bɔbɔ,  
i gɔ neade pɔnade ũ.

Aleluya!

## 114

### *Gɛamusu dikpe le*

<sup>1</sup> Ké Isailiɔ bɔ Egipi,  
ké Yakɔbu buiɔ bɔ bui zɪloɔ guu,\*

<sup>2</sup> Yuda bɔsu gɔ Dii kúki ũ,  
Isaili bɔsu gɔ aà kibleki ũ.

<sup>3</sup> Isia Tɛa è ɔ à bàalè,†  
Yuudɛ í kpekpà.‡

<sup>4</sup> Gbɛsɪsɪɔ vɪvɪ lán sɔɔwa,  
sɪsɪɔ ɔyaayè lán bleɔwa.

<sup>5</sup> Isia, bómɛ n le n bàalèi?  
Yuudɛ, àkɛa n kpekpàì?

\* **114:1** Bɔa 12.51 † **114:3** Bɔa 14.21 ‡ **114:3** Yoz 3.16

<sup>6</sup> Gbè̀sìsì, b́yáì a vívì lán sã̀wai?  
Sìsì, àkèa a ɔyaayè lán blèwai?

<sup>7</sup> Dúnia, lualua Dii mɔa guu,  
dee Yakɔbu Luapi ae.

<sup>8</sup> A gbɛsi kè ibɔkíi ũ, §  
à gbekão lilɛ nibɔna ũ.

## 115

### *Dii mé ì báaadaŋgu*

<sup>1</sup> I kɛ wá tó mé a bɔo Dii,  
i kɛ wá tó mé a bɔo.  
N nzia tɔbɔ n gbẽkɛ ní n náaio yáì.

<sup>2</sup> Akèa buipãle ɔ wá la aa mɛ  
wá Lua kú má niɛi?

<sup>3</sup> Wá Lua ku musu,  
yá pɔ a yei ì kɛɛ.

<sup>4</sup> Aa ní diib pi ní ánusuo ní vuao,  
gbẽnazina ɔgbɛɛ.\*

<sup>5</sup> Aa lé ví, aali yã'oo,  
aa wé ví, aali gu'e são.

<sup>6</sup> Aa swá ví, aali yãmao,  
aa ní ví, kási aali pɔ gĩmao.

<sup>7</sup> Aa ɔ ví, aali ká pɔwao,  
aa gbá ví, kási aali tãa'oo.  
Aali kolokɛkɛo.

<sup>8</sup> An pinaɔ gɔńwae  
ní gbé pɔ lé ní náaikɛo.†

---

§ 114:8 Bɔa 17.1-6, Nao 20.10-11 \* 115:4 Zia 9.20 † 115:8 Sou  
135.15-18



9 Isailio, à Dii náaike!  
 Ŋme á sèngbao ũ, ì dǎále.  
 10 Aalona buio, à Dii náaike!  
 Ŋme á sèngbao ũ, ì dǎále.  
 11 Dii viakenao, à Dii náaike!  
 Ŋme á sèngbao ũ, ì dǎále.

12 Wá yá lí sá Diiguo,  
 a báaadawágu.  
 A báaada Isaili buioḡgu,  
 a báaada Aalona buioḡgu.  
 13 Dii a báaada a viakenaoḡgu,  
 néfēnen gbēzō.‡  
 14 Dii káfiakéé,  
 ápio ní á néo.  
 15 Dii mé a báadaágu,  
 musu ní tooleo Kenapi.

16 Musuá Dii bee,  
 ō à toole ná gbēnazinaone ní ozi.  
 17 I ke geo mé lí Dii táasileo,  
 gbé pó kú bedauo io ku kilikilie.  
 18 Wápio, wáio Dii sáaukpa  
 za gbã e gōopiie.

Aleluya!

## 116

*Gbé pò bò ga lézi Dii sáaukpaa*

1 Má ye Diizi,  
 asa à ma yāmàe,  
 à ma wiileawa mà.

‡ 115:13 Zia 11.18, 19.5

<sup>2</sup> Máo à sísì e ma wēni léue,  
ké à swādòmazi yái.

<sup>3</sup> Ga fùà kpàmee yāa,  
má kú yeelēa zō guu,  
taasi ní p̄siao t̄a.

<sup>4</sup> Ō ma lēzù Diizi ma mē:  
Dii, n yá na, ma misi.

<sup>5</sup> Dii sùuu ví mé a maa,  
wá Lua sósobi ví.

<sup>6</sup> Dii ì yēesaideō d̄a.  
Ké ma ḡō d̄ōlō, à ma suabà.

<sup>7</sup> Ma n̄ōse aō n̄inia sa,  
asa Dii yāmaakēmee.

<sup>8</sup> Dii ma b̄o ga léz̄i,  
à wé'i gògomee,  
i to ma gēnal̄eo,

<sup>9</sup> ké màō ku d̄únia guu,  
m̄iō be àà ae.

<sup>10</sup> Ké taasi t̄a, ma ḡō búebue.  
Ma àà náaikè, ō ma yā'ò.\*

<sup>11</sup> Gili gēmagu ma mē:  
Gb̄ee m̄ofilisaio.

<sup>12</sup> Bó má fiaboò Diie  
maa p̄o a kēmee píi yá musui?

<sup>13</sup> Má Dii gb̄é suabaa imib̄o se musu,  
m̄i àà s̄is̄iō.

<sup>14</sup> Má lé p̄o má kè Diiwaō fiabo  
àà gb̄éō wáa píi.

---

\* **116:10** 2Kln 4.13

15 Dii yāmanao gaa gbiaè.

16 Dii, n yá na, n zòblenan ma ũ.

Nɔɛ pɔ zòblènɛ nén ma ũ,  
n ma bɔ bau.

17 Má sáaukpa sa'oma,  
mí ní sísiò, Dii.

18 Má lé pɔ má kè Diiwao fiabo  
aà gbéɔ wáa píi.

19 Má fiaboè aà ua Yelusaleũ.

Aleluya!

## 117

### *Dii táasilea*

1 Bui píi, à Dii táasile,

bùsu píi gbéɔ, à aà tɔbɔ,\*

2 asa a gbêke víwanɔ à kè zài.

Dii náai ví gɔɔpiiɛ.

Aleluya!

## 118

### *Gɛa Dii ua ní sáaukpaaɔ*

1 A Dii sáaukpa, asa a maa,  
aà gbêke láaa vío.

2 Isailio o,  
aà gbêke láaa vío.

3 Aalona buio o,  
aà gbêke láaa vío.

4 Aà víakenaɔ o,  
aà gbêke láaa vío.

---

\* 117:1 Lom 15.11

5 Ma lezù Diizi ma yeelɛa guu,  
 ɔ̃ a wèa à ma gba dèepookii.

6 Dii kumanɔ, via a ma kũo,  
 bó gbēnazina a fɔ̃ kemɛɛi?\*

7 Dii kumanɔ ma donlede ũ,  
 má tidɔ̃ ma ibeɛɔlaɛ.

8 Naa Diizi maa de  
 gbēnazina náaikeala.

9 Naa Diizi maa de  
 gbāadeɔ náaikeala.

10 Bui pii liamazi,  
 ɔ̃ ma ní kwé ní Dii tóo.

11 Aa liamazi ɔ̃plaaí ní zɛɛo,  
 ɔ̃ ma ní kwé ní Dii tóo.

12 Aa fia lán zɔdaɔwa,  
 ɔ̃ aa mĩde lán sè̀ tékũawa,  
 ma ní kwé ní Dii tóo.

13 Aa ɔ̃zòmazi pásípási,  
 má ye lélei, ɔ̃ Dii dòmale.

14 Dii mé ma gbāa ũ, à táasi mi lé,  
 à gò̃ ma Suabana ũ.

15 A ma, kúkua dɔ̃ gbēmaaɔ̀ bòou,  
 Dii ɔ̃plaa gbāa zíkè.

16 Dii ɔ̃plaa dɔ̃a musu,  
 Dii ɔ̃plaa gbāa zíkè.

17 Má gao, máɔ̃ kuɛ,  
 míõ Dii yákeɔ̃ galikɛ.

18 Dii ma swāgàga maamaa,  
 āma i to ga ma seɔ.

---

\* 118:6 Ebe 13.6

19 A gbé suabaa bɔle gbaɔ wẽmɛɛ  
mà gẽ mà Dii sáaukpa.

20 Dii ua bɔle ke,  
gbẽmaaɔ mé ì gẽu.

21 Ma n sáaukè Dii, asa ní wèa,  
n gɔ ma Suabana ũ.

22 Gbɛ pɔ ẽbonaɔ pákpàì  
mé gò gbɛɔ mide ũ.†

23 Dii mé bee kè,  
ɔ à kèwẽɛ yãbɔnsaɛ ũ.‡

24 Gɔɔ pɔ Dii dīlen ke.  
Wà pɔnakɛu wà yáalɔ.

25 N yá na Dii! Wá suaba!  
Sue Dii! Wá daɛ ní gòmio!

26 Báaaden gbé pɔ lé mɔ ní Dii tɔo ũ,  
kua Dii ua wále gbãakpanzi.§

27 Dii mé Lua ũ, à gupùwẽɛ.  
A ba dɔdɔ sa'obɔɔwa,  
í poo gbagbakizi.

28 Ma Luan n ũ, má n sáaukpa,  
ma Lua, má n tɔbɔ.

29 A Dii sáaukpa, asa a maa,  
aà gbẽke láaa vío.

## 119

### *Gbãakpaa Lua yáwa*

---

† **118:22** Luk 20.17, Zin 4.11, 1Pie 2.7    ‡ **118:23** Mat 21.42, Maa 12.10-11    § **118:26** Mat 21.9, Maa 11.9, Luk 19.38, Zaa 12.13

- 1 Báaadeon gbé pó aa ku tàaesai  
 aa Dii ikoyā kūa ũ.  
 2 Báaadeon gbé pó aaí Dii yā'onε ma  
 aaí aà kíi wεεε ní nòsemendoo ũ.  
 3 Aali yākpaanlakεo,  
 aaí aà dòò sé.  
 4 N n ɔtondókíi òbōwěε,  
 ké wàò tei ní laaio.  
 5 Má ye màò ku ma dòòwae,  
 míò n yādilenεo kūa.  
 6 Tó má n yādileaò kūa píi,  
 bee a to wí ma kūo.  
 7 Goo pó máε n yāmaapiò dada,  
 má n sáaukpa ní nòεpuaoε.  
 8 Máò n yādilenεo kūae,  
 nísu ma to we míòmiò.  
 9 Kpelewa èwaaso a ke àò ku gbālesaii?  
 Sema aà yākea kpaai ní n yáo.  
 10 Máε n kíi wεεε ní nòsemendoo,  
 nísu to mà pāale n yādileaonεo.  
 11 Ma n yá dà ma sō guu,\*  
 ké másu duunakεnεo yái.  
 12 Ma n sáaukè, Dii,  
 ò n yādilenεo damεε.  
 13 N ikoyā pó bò ní léuò píi,  
 má dau siu néε.  
 14 Máε pónake ní n yā'onεo  
 lá wí ke ní àizeεowa.  
 15 Máε n ɔtondókíi wāaiipa,  
 ma làasoo ku n kekeáowa.  
 16 Ma pò kèna n yādileaowa,

---

\* 119:11 Luk 2.19

n yá a sãmaguo.

17 Yãmaake mapi n zòblenaε,  
mí e mào ku mào n yá kũa.

18 Ma wé kέμεε,  
ké mà wesi n ikoyã bɔnsaεɔle.

19 Bòmɔn ma ũ dúnia guu,†  
ńsu ñ n yãdileαɔ ulemεεo.

20 N ikoyãɔ nidεa ɔɔpii  
mé tò ma nisina vù.

21 Ni waladeɔ lele, ni láaikεmá,  
gbé pɔ pàale n yãdileαɔnεpio.

22 Ma bɔ s̄s̄s̄a ní sa pɔ aai kamaguou,  
asa má n yã'onεɔ kũaε.

23 Baa ké kíαɔ z̄lε lekpaaimazi,  
ma làasoo αɔ ku n yãdilεnεɔwaε.

24 N yã'onεɔ mé ï ma pɔ ke na,  
n yápi mé ï ledaa.

25 Ma nisina naa líwa.

Ma misi lá ní òwa.

26 Ma a yãkeαɔ dòdɔne, ò ní wèa.  
N n yãdilεnεɔ damεε.

27 To mà n ɔtondɔkiiɔ d̄s̄,  
ma làasoo iɔ ku n yãbɔnsaεɔwa.

28 Kua pɔsiau ma ñ̀se ɔ̀lò.  
Ma gba gbãa lá ní òwa.

29 Ma k̄ε s̄ás̄zεwa,  
ní ma gba zé mà ze ní n ikoyão.

30 Ma síana zé sè,  
ma s̄ ïɔ ku n ikoyãwa.

---

† 119:19 Ebe 11.13

31 Má n yá'onεo kūa oϩlapla.

Dii, nsu to wí ma kūo.

32 Má wāa ní n yādileao,  
asa n ma sō dāmεε doūε.

33 Dii, ñ n yādilenεo zé oϩomεε  
māo kūa e ma wēni léu.

34 Ma gba ōno māo n ikoyā kūa,  
mío zíkewà ní nòsemendoo.

35 Ma da n yādileao zéu,  
asa bee mé ï kamagu.

36 To ma sō ta n yá'onεowa,  
asu tá gbēble'aiwao.

37 To ma wεma pó gianaola,  
ma lé ní láo n zé guu.

38 Yá pó ní ò ke mapi n zòblenaε,  
lé pó ní gbè n vīakenaonēpi.

39 To sósōa pó má a vīa vī gē ma swá kpe,  
asa n yākekea maaε.

40 Má ye n otondokīii fá,  
ma lé ní láo n maakεa guu.

41 Dii, mo gbēkekeμεε,

ma suaba lá ní òwa,

42 mí yázāsi ma sōsōnawa,  
asa máε n yá náaike.

43 Nsu to māo ku sīana'ované saio,  
asa n ikoyāo ō ma wé doj.

44 Máo n ikoyāo kūa  
za gbā e goopiε,

45 mío be ma laaiwa,  
asa ma n otondokīi wēλεε.

46 Má n yá'onεo o kíaone,



wí a ma kũo.

47 N yādileao ì ma pò ke na,  
asa má ye yápioie.

48 Má ye n yādileaoi ñ ma odoì,  
mi làasooke n yādileneowa.

49 To yá pò ní ò n zòblenae dɔngu,  
asa ní tò ma wé doie.

50 Ma nòse ì níni ma taasikεa guu,  
asa n yá mé ì ma lé ní láo.

51 Waladeo lé ma yáalo maamaae,  
ní beeo má paaε n ikoyāεo.

52 Mi làasooke n ikoyā yāowa,  
ñ aai ma nòse nínimeε, Dii.

53 Ma pò ì pa maamaa  
vāikεnao pākpaa n ikoyāi yái.

54 Mi lesi n yādileneo musu  
ma kua dúniau bòmɔ ũ guu.

55 N yá ìo dɔmagu gwá, Dii,  
ñ miò n ikoyāo kũa.

56 Má yá beeo dɔε dɔ,  
asa miò n ɔtondɔkii gwae.

57 Dii mé ma baa ũ,  
ma legbè ma mè má n yāma.

58 Mi awakpane ní nòsemendoo,  
sùuukεmano lá ní òwa.

59 Ma a yākeao gwà,  
ñ ma n yáze sè.

60 Máo wāa, má zεzεo,  
má n yādileao da.

61 Baa tó gběvāio ba liamazi,

n ikoyã sãmaguo.

62 Mi fele mà n sáaukpa wεedo  
n ikoyã maapiõ musu.

63 N viakenaõ gbēnan ma ũ,  
gbé pó aai n ɔtonɔkii gwaõ.

64 Dii, n gbēke dúnia pà.  
N n yãdilenεo dameε.

65 N maakè mapi n zòblenaε,  
lá ní òwa, Dii.

66 Wezē ní dōao dameε,  
asa ma n yãdileaõ síε.

67 E ñyõ gé ɔtɔɔleia, má sásãε,  
ãma tiasa má n yá kũa.

68 N maa mé ni yãmaakε.  
N n yãdilenεo dameε.

69 Baa ké waladeõ yásia li wa nànaa,  
miõ n ɔtonɔkii gwa ní nòsemendoõε.

70 An swá yíaa, aa sɔũkù,  
mapi sõ ma pɔ na n ikoyãwa.

71 N ɔtɔɔleaa kè maaε,  
asa ma e ma n yãdanεo dàdaε.

72 Ikoyã pó lé bɔ n léu maamεε  
de vua ní ánuusu ɔwatē òaa sɔoɔla.

73 N ɔ mé ma ikàsa, ñ n ma ke.  
Ma gba ñnɔ mà n yãdileaõ dada.

74 Tó n viakenaõ ma e, an pɔ ì ke na,  
asa n yá ñ ma wé dɔi.

75 Dii, má dõ ké n ikoyã maa,  
ké ní náai ví yáí ñ n ɔtɔɔlea.

76 Gbēkekεmεε, ma nòse i níni,

lá ní ò mapi n zòblenaεwa.

77 Mò ò wɛnadõmεε màò ku aafia,  
asa n ikoyãò mé ma pɔnakεbɔ ù.

78 To wí waladeɔ kú, asa aa yãdàε,  
mí làasookε n ɔtondɔkíiwa.

79 To n víakεnaɔ mɔ ma kíi,  
gbé' pó aa n yã'one dõpiɔ.

80 To màò ku tàaesai n yãò musu,  
ké wí su ma kũo yáí.

81 Ma sãanzi ò ma suaba e ma nisina lòo,  
n yá ò ma wé dɔi.

82 Ma wεdòdɔ n legbɛai e ma wé wò,  
bɔε nýɔ ma nòse nínimεei?

83 Má de lán báa bòò pó tézãna màwae,  
ní beeo n yãdilεnεɔ lí sãmaguo.

84 Mapi n zòblena máo n dã e bɔε ni?  
Bɔε nýɔ íada ma wèlεɔwai?

85 Waladeɔ ì eyõmεε,  
an yá lí kõ'e ní n ikoyãoo.

86 N yãdileεɔ píi náai ví.  
Dɔmale, asa wàlε íadaa pãε.

87 A gò yɔɔ aa ma bɔ dúniauε,  
mapi sã mi n ɔtondɔkíi tó weo.

88 Ma lé ní láo n gbɛkε yáí,  
mí n yã'one ma.

89 Dii, n yá ò ku gɔɔpiiε,‡  
a zínapelea musu n bε.

90 N náai ví wɛ ní wɛo,

‡ 119:89 Mat 24.35, 1Pie 1.25

n dúnia kàlɛ, ɔ̃ a ku.

<sup>91</sup> N ikoyã ɔ̃ mé tò pópíi kú gbã,  
asa pópíi misiileanɛ.

<sup>92</sup> Tó n ikoyã mé ma pɔnakɛɔ̃ ũo,  
dɔ̃ ma mĩdɛ ma taasikɛa guu.

<sup>93</sup> N ɔ̃tonɔ̃kíi a sãmagu bauo,  
asa a sabai ɔ̃ n ma lɛ ní láo.

<sup>94</sup> N pón ma ũ, ma suaba,  
asa miɔ̃ n ɔ̃tonɔ̃kíi wɛlɛɛ.

<sup>95</sup> Gbɛ̃vãiɔ̃ lɛ ma wɛ,  
ɔ̃ ma laai ku n yã'onɛɔ̃wa.

<sup>96</sup> Má è pópíi maa lɛ kue,  
ãma n yãdilɛaɔ̃ zɔ̃ lɛ ṽio.

<sup>97</sup> Má ye n ikoyãi à kè zài,  
miɔ̃ làasookɛwã gɔ̃ɔ̃piie.

<sup>98</sup> N yá tò ma ɔ̃nɔ̃ dɛ ma ibɛɛɔ̃la,  
asa a ku ma s̃ɔ̃u gɔ̃ɔ̃piie.

<sup>99</sup> Ma wɛzɛ̃ dɛ ma yãdanɛdɛɔ̃la,  
asa ma làasoo ìɔ̃ ku n yã'onɛɔ̃waɛ.

<sup>100</sup> Ma ɔ̃nɔ̃ dɛ maez̃ɔ̃ɔ̃la,  
asa miɔ̃ n ɔ̃tonɔ̃kíiɔ̃ gwae.

<sup>101</sup> Mi gbápɛlɛ zé ṽãie guuo,  
ké mà e màɔ̃ n yá k̃ua yáí.

<sup>102</sup> Mi k̃ɛ n ikoyãɔ̃wao,  
asa mímɛ ní dàmmɛ.

<sup>103</sup> N yáɔ̃ namɛɛ à kè zài,  
a na dɛ z̃óa ma léu.

<sup>104</sup> N ɔ̃tonɔ̃kíi ì ma gba ɔ̃nɔ̃,  
a yáí tò má za sásãzɛ piuu.

<sup>105</sup> N yá mé filia ũ ma gbázi,§

ĩ gupumεε zéu.

106 Ma legbè ɔ ma kpale ma siwà,  
ma mè máo zike n ikoyāɔwae.

107 Ma taasikεa kè zài, Dii.

Ma lé ní láo lá ní òwa.

108 To n sáau pó mále kpá kángu,\*  
ní n ikoyāɔ damεε, Dii.

109 Gɔɔpii mio ku ga léziε,  
ní beeo n ikoyāɔ lí sāmāguo.

110 Vāikεnaɔ baikpāmεε,  
kási mi zā n ɔtonɔkiiwao.

111 N yā'onεɔá ma póε gɔɔpii,  
aaĩ to ma pɔ ke na.

112 Ma a sɔ kpà n yādilenεɔwa,  
máɔ kūa gɔɔpii e ma wēni léuε.

113 Má za nòsemempladeɔgu,  
má ye n ikoyāi.

114 Mmε ní ma ulekii ní ma sèngbaoo ũ,  
n yá ɔ ma wé dɔi.

115 A gomala vāikεnaɔ,  
ké mà zike ma Lua yādileɔwa.

116 Nyɔ ma kūa lá ní òwa, mio ku,  
ńsu to tāmāa ma nεo.†

117 Nyɔ de ma gbāa ũ, mio aafia,  
ma wé iɔ pe n yādilenεwa láasai.

118 Ɔzɔ gbé pó pàale n yādilenεei,  
an mɔafiliiyā a àikenéo.

119 Ni dúnia vāikεnaɔ waa bīsa ũ,  
a yái tò má ye n yā'onεi.

120 Má n vīa vī, ma mε ĩ seenata,

\* **119:108** Ebe 13.15 † **119:116** Lom 5.5

n ikoyã ì to via ma kũ.

121 Ma yãkè a zéwa wásawasaε,  
ńsu ma to ma ìadamadeõneo.

122 Kpégaausi mapi n zòblenaε,  
ńsu to waladeõ ma wetão.

123 Ma wé d̃o n d̃onlei e ma wé wò,  
má s̃anzi ñ ma suaba lá ní òwa.

124 Yãkεmεε n gbēke guu,

ní n yá da mapi n zòblenaε.

125 N zòblenan ma ũ, ma gba ñno,  
ké mà n yã'oneo yáasi d̃o.

126 N yãkεg̃õ kà, Dii,  
wàε b̃o n ikoyã kpε.

127 Má ye n yãdileaõi de vuaa,  
baa vua baasaa.

128 Má è n otond̃ok̃ii maa,  
a yáí má za sásãze píiu.

129 N yã'oneo demεε yãb̃onsae ũ,  
Ayãmeto má dà ma s̃ou.

130 N yá b̃õlekεa ì gupuné,  
ì ñs̃edoũdẽõ gba ñno.

131 Ma lé εlea, máε we f̃ofofo,  
asa n ikoyã̃õ ni lé ma dεε.

132 Ma wεgwa, s̃uukεmañõ,  
lá ni ke gb̃é p̃õ ye n t̃iõnεwa.

133 Ma dazewa lá ní òwa,  
ńsu to yãvãie kibleao.

134 Ma b̃o gb̃é taiinkεnaõ õz̃i,  
ké màõ n otond̃ok̃ii gwa.

135 Mapi n zòblena wεgwa,  
ní tó mà n yãdileneõ d̃o.

136 Wé'i lé bàale ma kùawa,  
ké wa n ikoyã kũao yáí.

137 Dii, ní maa,  
n yãkεκεεεε zεví.

138 N n yáε dilε a zéwa,  
aa náai ví maamaae.

139 N yá lé ke ma ibεεεεε yãe ũo,  
ε a yá lé ma de.

140 Wa è n yá sãa vío,  
mapi n zòblena, má yei maamaae.

141 Pεen ma ũo, wí sakamagu,  
ní beeo n εtondεkíi lí sãmaguo.

142 N yá ìε zεví gεεεε,  
n ikoyã síana ví.

143 Taasi n yã'εmao ma le,  
ãma n yãdilεεεε mé ma pεnakεεεε ũ.

144 N yã'onεεεε maa gεεεε,  
ma gba εno ké màε ku.

145 Mi n sísi ní nòsemendoo,  
wea Dii, míε n yãdilεεεεε kũa.

146 Mi lezunzi,  
ma suaba, míε n yã'onεεεεε kũa.

147 Mi fele gudεsai mà wiilema,  
n yá ma wé doi.

148 I lí na ma wéu gwãasinao,  
ké mà e làasooke n yáwa yáí.

149 Ma yãma n gbεke yáí, Dii,  
ma lé ní láo lá n ikoyã'òwa.

150 Gbé pó lé lekpaaimaziε kãí,  
aa zã ní n ikoyão.

151 N kumanɔ kã, Dii,  
n ikoyã píi síana ví.

152 Má dǎ n yã'onewá à gègè,  
ké ní díle à ku gɔɔpii yáí.

153 Ma taasi gwa, ní ma suaba,  
asa n ikoyã i sãmaguo.

154 Zemanɔ, ní ma bɔ,  
ma lé ní láo lá n a legbèwa.

155 N donle zà ní vãikenaɔ,  
asa aali n yãdilenewá wewewo.

156 N sósobi ví zɔɔ, Dii,  
ma lé ní láo lá n ikoyã'òwa.

157 Ma ìadamadeɔ ní ma wèlewé dasi,  
ãma mi pãale n yã'onewewo.

158 Má ye n náaikensaiɔ gíyãio,  
ké aaliɔ n yá kũao yáí.

159 Gwa lá má ye n ɔtondɔkíi.  
Dii, ma lé ní láo n gbèké yáí.

160 N yápii zínaá síanae,  
n ikoyãɔ maa, aa láaa vío.

161 Gbãadeɔ ì ìadaa pã,  
ãma n yá ɔ má a vía ví.

162 Mi pɔnaké ní n legbèao,  
lán gbé pó àizewé zɔɔ kɔmpawa.

163 Má za mɔafilu, má ye a yáio,  
n ikoyã má yei.

164 Míɔ n táasile gɔɔ do gẽn soplapla  
ké n ikoyãɔ maa yáí.

165 Gbé pó ye n ikoyãio aafia zɔɔ,



yãe lí tó aa fùo.‡

166 Ma wé dɔi ñ ma suaba, Dii,  
mi zìke n yādileaɔwa.

167 Má n yā'onεɔ kŭa ní nòσεο,  
má yei maamaae.

168 Mi n ɔtondɔkŭi gwa, mi n yãma,  
asa ma kekeá píi kú n ɔzŭe.

169 To ma wiilea kama, Dii,  
ma gba ɔno lá ní òwa.

170 To ma wabikea n le,  
ma suaba lá n a legbèwa.

171 N táasilea aɔ dɔ ma léue,  
asa ni n yādilenεɔ dameε.

172 Má lesi n legbèa musu,  
asa n yādileaɔ maa píie.

173 Nyɔ kú ní dɔamale sɔuo,  
asa ma ze ní n ɔtondɔkŭioε.

174 Mále a nide ñ ma suaba, Dii,  
n ikoyã mé ma pɔnakεɔ ũ.

175 To màɔ ku, míɔ n táasile,  
to n ikoyãɔ aɔ ma kŭa.

176 Ma liaa lán sã pɔ sàsãwa,  
mapi n zòblena, ma weεε,§  
asa n yáɔ i sãmaguo.

## 120

### *Kua yãkeledeɔ guu*

Gea Yelusaleũ le.

1 Ma kua yeεεa guu ma wiilè Diizi,  
ɔ à ma yãmà.

---

‡ 119:165 1Zaa 2.10 § 119:176 Luk 15.4

<sup>2</sup> Ma si yásiadeo yādɔmawa  
ní mɔafilide yáo.

<sup>3</sup> Mɔafilide, kpelewa Lua a sennɔi?

Bó a fiaboonei?

<sup>4</sup> Gɔsa gbāa kà lenaɔ

ní sé sísí wāao.

<sup>5</sup> Waiyoo mapi kua Mesekeio guu,\*

zɔleɔ Kedaɔ zwāakpeu.†

<sup>6</sup> Ma zɔle gbé pɔ za aafiauɔ guu à gègè.

<sup>7</sup> Yákelesaiden ma ũ,

tó ma a yá'ò, sòle aaí fɛleò.

## 121

### *Dii wá d̂ana*

Gɛa Yelusaleũ le.

<sup>1</sup> Ma wé dɔ gbèsisib k̂i oi,  
gu pɔ ma dɔnle i bɔu.

<sup>2</sup> Ma dɔnle i bɔ Dii k̂ie,  
aàpi mé musu ní ẑleò kè.

<sup>3</sup> A to à ĝnaleo,  
i lí kpá á d̂analao.

<sup>4</sup> I lí Isailio d̂ana leo,  
ìli i'oo.

<sup>5</sup> Dii mé á d̂ana ũ,  
Dii deé ue ũ á ɔplaii.

<sup>6</sup> Iatē a á lé f̂āneo,\*  
mɔvua a dɔwá gwáó.

<sup>7</sup> Dii a á sí v̂ai píiwa,

\* **120:5** Daa 10.2, Eze 38.2-3 † **120:5** Daa 25.13, Isa 21.16-17

\* **121:6** Zia 7.16

a á wēni dŏaé.

<sup>8</sup> Dii a á dŏa á gea guu ní á suao  
za gbã e gɔɔpii.

## 122

### *Davidi wabikea Yelusaleũ*

Gea Yelusaleũ le.

<sup>1</sup> Ké wa òmɛɛ wà gé Dii ua,  
ma pɔ kèna.

<sup>2</sup> Wa ka Yelusaleũ sa,  
wá zea a bíibɔleu.

<sup>3</sup> Wà Yelusaleũ kàle,  
wa nànakɔwa gíũgiũ.

<sup>4</sup> Wekii Isaili buio ì gẽu,  
bui pɔ Dii sèpio.

Aaĩ gé Dii sáaukpai,  
lá a dilenéwa.

<sup>5</sup> We wà kía yágɔgɔbaaɔ kpàleu  
Davidi buio báaɔ ũ.

<sup>6</sup> A wabike Lua à Yelusaleũ gba aafia à me:  
Gbé pɔ yeio aao ku nienie,

<sup>7</sup> aafia io ku a bíi guu,  
a gudɔakiiio io ku yãkelesai.

<sup>8</sup> Ma gbéɔ ní ma gbēnao yáí má o,  
Lua Yelusaleũ gba aafia.

<sup>9</sup> Dii wá Lua kpé yáí  
má maa wabikeè.

## 123

### *Wɛɔɔa Luazi*

Gea Yelusaleũ le.

<sup>1</sup> Ma wɛsè mále n kii gwa

gu p3 n z3leau baawa musu.

<sup>2</sup> Lá z3 wé 33 d3 p3i a dii 3zi,  
mé z3n3ena wé 33 d3 n3e p3 a vízi,  
màa wá wé 33 d3 Dii wá Luazi,  
e aà ge wá wegwaò.

<sup>3</sup> Wá wegwa Dii, wá wegwa,  
asa gbé3 sakaawágu wá wá maamaae.

<sup>4</sup> Namablenco wá láanikè,  
walade3 sakàwágu,  
wá p3 yà dúuduu.

## 124

### *Dii wá Zenn3de*

Gea Yelusaleu 3e p3 Davidi dà.

<sup>1</sup> Tó Dii kúwano yāao,

Isailio o:

<sup>2</sup> Tó Dii kúwano yāa  
g33 p3 wá fèlewano3,

<sup>3</sup> d3 wá wá m3m3 bé3e,  
ké an p3 pàwázi,

<sup>4</sup> d3 aa dàwála lán í z33wa,  
aa wá séle tàwano lán swa paawa,

<sup>5</sup> aa kùwála lán í p3 fèwa.

<sup>6</sup> Wá Dii sáaukpa,

ké i to aa wá kékék3e3o.

<sup>7</sup> Wa b3 fiiu lán bāwa.

Fii z3wá, wa pilimá.

<sup>8</sup> Wá d3n3e i b3 Dii k3í3e,

aàpi mé musu n z3le3o kè.

## 125

### *Lua gbé kua aafia*

Gea Yelusaleū le.

<sup>1</sup> Dii náaikenaᵔ de lán Siᵔna gbèsiᵔsí pó deea vío aᵔ  
ku ɔᵔᵔpiiwaε.

<sup>2</sup> Lá gbèsiᵔsíᵔᵔ liaa Yelusaleūzi,  
màa Dii liaa a gbéᵔzi  
za gbā e ɔᵔᵔpii.

<sup>3</sup> Gbēvāiᵔ e wàᵔᵔ kible gbēmaaᵔᵔ bùsuwa aᵔᵔ geᵔ,  
ké gbēmaaᵔᵔ su ɔᵔᵔ da vāikeaᵔᵔ yáí.

<sup>4</sup> Dii, maake gbēmaaᵔᵔne,  
gbé pó an nᵔse puᵔᵔ.

<sup>5</sup> Gbé pó aa te zé koleaiᵔᵔ sᵔ,  
Dii a ní waa ní vāikenaᵔᵔε.

Lua Isailiᵔᵔ gba aafia!

## 126

### *Isailiᵔᵔ sua ní pá ziu*

Gea Yelusaleū le.

<sup>1</sup> Ké Dii wá bᵔ zᵔbleu à sùwanᵔᵔ Siᵔna,  
à kèwēε lán nanawaε.

<sup>2</sup> Wa ví ní yáᵔᵔ, wá guladᵔᵔ,  
ᵔᵔ buiᵔᵔ òkᵔᵔε, Dii yāzᵔᵔᵔkèné.

<sup>3</sup> Siᵔnaε, Dii yāzᵔᵔᵔkèwēε,  
ᵔᵔ wáε pᵔᵔnake.

<sup>4</sup> Dii, suwanᵔᵔ wá pá ziu,  
lá ni su ní ío gbáauwa.

<sup>5</sup> Gbé pó pᵔᵔᵔ ní wé'io,  
a kεkε ní gulaoε.

<sup>6</sup> Gbé pó bᵔᵔ be ní ɔᵔᵔᵔᵔᵔ pᵔᵔbui kᵔᵔᵔ,

a ea su ní gulao ése bàaa sea.

## 127

### *Luakpama yádaa*

Gea Yelusaleũ le pò Salomoo dà.

<sup>1</sup> Mé i ke Dii mé lé kpedoo,  
kpedonaò lé zì pã kee.

Mé i ke Dii mé lé wéle d́ao,  
gud́anaò lé itéke pãe.

<sup>2</sup> Fela káaukaau, wúlea weedo,  
zíkèa ní leeleo ble yáíá pãe,  
asa Dii mé ì a yenzideo gba íampaa.

<sup>3</sup> Negónaó Dii gbae,  
né pííá aà kpámae.

<sup>4</sup> Lá ka ìò ka ǵsa gbãa ou,  
màa èwaasogoo negónaò de.

<sup>5</sup> Báaaden gbé pò aà gbàla pàò ù.  
Tó aà ibeoo aà lè ǵaae,  
wí a aà kúo.

## 128

### *Maa pò Dii viakena ì e*

Gea Yelusaleũ le.

<sup>1</sup> Báaaden gbé pò Dii vía ví  
a aà yáò kúá ù.

<sup>2</sup> Nyò n zíkèa baa ble,  
nyò èfáai e, níò aafia.

<sup>3</sup> N nò aò de lí ne'ina ù n ua,  
n negónaò aao liaa n keenai  
lán kuli keleowa.

<sup>4</sup> Màa gbé pò Dii vía ví aò báaa ví.

<sup>5</sup> Kua Siṓna Dii a báaadangu,  
 níyṵ Yelusaleũ nama e e n wēni léu,  
<sup>6</sup> níyṵ n tṵnaṵ e.

Dii Isailio gba aafia!

## 129

*Isailio savai'oa ní ibeene*

Gɛa Yelusaleũ le.

<sup>1</sup> Za wá èwaasogṵṵ  
 wà íbelesèwanṵ maamaae.\*  
 Isailio o;

<sup>2</sup> Za wá èwaasogṵṵ  
 wà íbelesèwanṵ maamaae,  
 kási wi fṵ wà wá fúo.†

<sup>3</sup> Wà wá gbé wá kpɛnanguo bí  
 wèlelewelele lán sàḍṵṵwa.

<sup>4</sup> Dii maa,  
 à gbèwáipio ba zṵwá.

<sup>5</sup> Gbé pṵ za Siṓnaguṵ kpɛkpa ní wíoe.

<sup>6</sup> Aaṵ de lán sē pṵ bṵle kpé musu  
 à giigàga, i e gbàowae.

<sup>7</sup> A sèkēna ṵkū pao,  
 a ka bàaa ũ wà ye wà da ní gāuo.

<sup>8</sup> Gbé pṵ lé gēṵ me Dii báaadanguo  
 ge wa báaadàngu ní Dii tṵoo.

## 130

*Wɛḍa Diizi*

Gɛa Yelusaleũ le.

<sup>1</sup> Ké í ma kūa ma nṵe

\* **129:1** Bṵa 1.11 † **129:2** 2Kln 4.8-9

ma lezù Diizi ma mè,

<sup>2</sup> Dii, ma yāma,

swákpa ma wēna wiii.

<sup>3</sup> Tó n wá duuna yādà,

Dii, déme a bɔi?\*

<sup>4</sup> Mmε ní duunakēama zé vī,

Ayāmeto wĩo n vĩa vī.†

<sup>5</sup> Ma wé ɔo dɔ Diizi,

máε aà dá, má sǎa aà yái.

<sup>6</sup> Lá gudɔanao wé ɔo dɔ gudɔai,

ma wé ɔo dɔ Diizi deńla,

ao, a de gudɔanao wedɔa gudɔaia.

<sup>7</sup> Isailio, ào wedɔ Diizi,

asa a gbēke vī à kè zài,

gbēsuabaa gbāa pεewà maamaaε.‡

<sup>8</sup> Aapi mé a Isailio suaba

an duuna yá musu pii.§

## 131

### *Sǎkpalea Diizi*

Gea Yelusaleũ le pó Davidi dà.

<sup>1</sup> Dii, íandāa ku ma s̄uo,

mili wé k̄uaa gbéwao,

mili laaidɔ yá pó demala

ge yá pó zǐ'ũ mεewao.

<sup>2</sup> Aawo! Ma a nòse dè,

ma a s̄o dàdoũ,

lán né kēa pó kú ní a daowa,

\* **130:3** Mal 3.2, Zia 6.17 † **130:4** 1Kia 8.39-40 ‡ **130:7** Lom  
3.24 § **130:8** Mat 1.21, Tit 2.14



ma nɔ̄sɛ dɛ lán né kɛ̄a pɔ̄wae.\*

<sup>3</sup> Isailiɔ, àɔ wɛdɔ Diizi  
za gbã e gɔɔpii.

## 132

### *Davidi buiɔ zɛ̄lɛa báawa Siɔna*

Gɛa Yelusaleũ lɛ.

<sup>1</sup> Dii, n̄su to Davidi yá s̄angu  
ní taasi pɔ̄ a kèo píi.

<sup>2</sup> A lɛkè Yakɔbu Lua gbãadewa,  
à lɛgbè Diie à mè,

<sup>3</sup> á tá kpéuo,

á wúle a liiwao,

<sup>4</sup> á we i a wébaa gbiakũo,

á tó i na a wéuo,

<sup>5</sup> e à gɛ uakpaɔ Diie,

i kpɛdɔ Yakɔbu Lua gbãadepiɛ.\*

<sup>6</sup> Wá mà a ku Eflata bùsuu,  
wá è Kiliayaaliũdeɔ bua.

<sup>7</sup> Wà gé aà kúkii,  
wà kúle aà gbadibɔ aɛ.

<sup>8</sup> Dii, fɛle su n pilakii,  
mpi ní n kpagolo ikodeo.†

<sup>9</sup> N gbàgbanaɔ gbɛsuabaa da ula ũ,  
n yãmanaɔ gula iɔ dɔ.

<sup>10</sup> Nsu mikpɛdɔ kía pɔ̄ ní kpàɛo  
n z̀blena Davidi yáii.

<sup>11</sup> Dii lɛgbè Davidiɛ,

\* **131:2** Mat 18.3      \* **132:5** 1Kia 8.17, Zin 7.46      † **132:8** Nao  
10.35-36

a náai ví, a lé lilεo, à mè:  
 Má n bui z̄lε n kpalabaawa.‡  
 12 Tó n bui ma bàakuarínɔ yādà,  
 mé aa yá pó má dànέo kūa,  
 an bui aao z̄lε n kpalabaawa gɔɔpiiε.  
 13 Asa Dii Siɔna sè,  
 a ye ào de a z̄lεk̄ii ũ à mè:  
 14 Gue bee máo kuu gɔɔpii,  
 la máo z̄lεau, asa à ma pó gbàε.  
 15 Má báaadau, mí kùsūa diè,  
 má blε kpa a wēnadeɔwa aa ká.  
 16 Má gbēsuaɔbaa da sa'onaɔne ula ũ,  
 ma yāmanaɔ letē iɔ do ní pɔnao.  
 17 We má Davidi bui kía gbāade bɔu, §  
 we kía pó má kpà filia aɔ dɔu.\*  
 18 Má wida aà ibεεɔwa,  
 aà kíaɔfua iɔ pipi aà musu.

## 133

### *Kua ní lɛdoũo*

Gεa Yelusaleũ lε pó Davidi dà.  
 1 Gwa lá a maa mé a na  
 tó k̄ɔgbēɔ ku gudoũ ní lɛdoũo.  
 2 A de lán sakēnisi pó wa kà Aalona miwawaε.\*  
 A bàalè p̄ila aà lεk̄anawa  
 e à gè p̄ila aà ula léwa.  
 3 A de lán εεmɔ ffi mé lé kpá Siɔna gbēsisiɔwawa.  
 Wek̄ii Dii báaadangu d̄ileu wēni láasai ũ.

‡ 132:11 2Sam 7.12-16, Luk 1.32-33, Zin 2.30 § 132:17 Luk 1.69

\* 132:17 1Kia 11.36, 2Kia 8.19 \* 133:2 Bɔa 29.7

## 134

### *Dii sisia a ua gwá*

Gea Yelusaleũ le.

- <sup>1</sup> A Dii zíkɛnaɔ,  
à Dii sáaukpa ápii,  
á gbé pɔ́ ále zíkɛ Dii ua gwáɔ.  
<sup>2</sup> A á ɔ se musu Dii kúkíi oi,  
í àà sáaukpa.  
<sup>3</sup> Kua Siɔna Dii báaadaágu,  
aàpi mé musu ní zílɛo kè.

## 135

### *Dii táasilea*

<sup>1</sup> Aleluya!

A Dii tɔbɔ!

A Dii táasile aà zíkɛnaɔ!

- <sup>2</sup> A gbé pɔ́ i zíkɛ wá Lua uao,  
á gbé pɔ́ iɔ sí Dii kpé kpeleɔ,  
<sup>3</sup> à Dii tɔbɔ, asa a maaɛ,  
à lémawà, asa bee mé na.  
<sup>4</sup> Dii Yakɔbu buiɔ sè a pɔ́ ũ,  
à Isailiɔ díle a gbé yenzideɔ ũ.

<sup>5</sup> Má dɔ́ ké Dii zɔɔ,  
wá Lua mé de diiɔla pii.

<sup>6</sup> Dii ì yá pɔ́ kàagu ke musu ní zílɛo,  
isia guu ní tɔɔle nɔnauo.

<sup>7</sup> Ŭme ì to lou sisi tɔɔle léwa,  
ì to lou ma ní píleao,  
ì bɔ́ ní zàa'fanao a làasiu.

- 8 A Egipi ɔ yo ɔ dèdɛ\*  
 ní pɔtuo né séi ɔ píi.
- 9 A seela ɔ ní dabudabu ɔ kè Egipi,†  
 à Fala ɔ ní a gbé ɔ fù píi.
- 10 A bui ɔ mīdɛ dasi,  
 à kía gbāade ɔ dèdɛ.
- 11 Amole ɔ kí Si ɔ ní Basana kí Oguo‡  
 ní Kanaa bùsu kía ɔ píi.
- 12 A gbadà ní ní bùsuo,  
 a kpà a gbé Isaili ɔ wa.
- 13 Dii, n tó gaa vīo,  
 Dii, n yá ɔ dɔ gbé ɔ gu gɔɔpiie.
- 14 Asa Dii a yākeke a gbé ɔ ne,  
 i a zòblenapi ɔ wēnagwa.
- 15 Buipale ɔ ní dii ɔ pí ní ánusuo ní vuaoe,  
 gbēnazina ɔ gbé ɔ ne. §
- 16 Aa lé vī, aali yā'oo,  
 aa wé vī, aali gu'e sōo.
- 17 Aa swá vī, aali yāmao,  
 an lé íana vīo.
- 18 An pina ɔ gǔhwaɛ  
 ní gbé pó lé ní náaike ɔ píi.
- 19 Isaili ɔ, à Dii sáaukpa!  
 Aalona bui ɔ, à Dii sáaukpa!  
 20 Levii bui ɔ, à Dii sáaukpa!  
 Dii vīakena ɔ, à Dii sáaukpa!  
 21 Wà Dii sáaukpa Si ɔ na,

\* 135:8 Bɔa 12.29 † 135:9 Bɔa 7.3 ‡ 135:11 Nao 21.21-24,  
 33-35 § 135:15 Sou 115.4-8, Zia 9.20

à bekpà Yelusaleũ.

Aleluya!

## 136

### *Dii sáaukpaa*

<sup>1</sup> A Dii sáaukpaa, asa a maaε,  
aà gběke láaa v́io.

<sup>2</sup> A luao Lua sáaukpaa,  
aà gběke láaa v́io.

<sup>3</sup> A diio Dii sáaukpaa,  
aà gběke láaa v́io.

<sup>4</sup> Ŋme ì dabudabu z̄oo ke ado,  
aà gběke láaa v́io.

<sup>5</sup> Ŋme musu kè ní a ònoo,  
aà gběke láaa v́io.

<sup>6</sup> Ŋme toole pòo ía,\*  
aà gběke láaa v́io.

<sup>7</sup> Ŋme gupuakūna z̄oo kè,  
aà gběke láaa v́io.

<sup>8</sup> A íatē kè à kible fāane,  
aà gběke láaa v́io.

<sup>9</sup> M̄vua ní saanao ì kible gwá,†  
aà gběke láaa v́io.

<sup>10</sup> Ŋme Egipio neḡε s̄éiao dède,  
aà gběke láaa v́io,

<sup>11</sup> A Isailio b̄òle ní guu,‡  
aà gběke láaa v́io.

<sup>12</sup> A a ḡàsì pòo ní a iko gbāao,  
aà gběke láaa v́io.

---

\* **136:6** Daa 1.1-2 † **136:9** Daa 1.16 ‡ **136:11** Baa 12.29-31

- 13 A Isia Tēa zōē pla,  
aà gbēke láaa vīo.
- 14 A tò Isailio gè ípi zānguo,  
aà gbēke láaa vīo.
- 15 A tò ípi dà Falaōó ní a zīgōola,§  
aà gbēke láaa vīo.
- 16 Ōme dōaa a gbéōne guwaiwaiu,  
aà gbēke láaa vīo.
- 17 Ōme kía zōō tōbzò,  
aà gbēke láaa vīo.
- 18 A kía gawideō dēde,  
aà gbēke láaa vīo.
- 19 Amoleō kí Siō,  
aà gbēke láaa vīo.
- 20 N Basana kí Oguo,\*  
aà gbēke láaa vīo.
- 21 A gbadà ní ní bùsuo,  
aà gbēke láaa vīo.
- 22 A kpà a zòblena Isailiowa,  
aà gbēke láaa vīo.
- 23 Ibēēō ōnaaleawá i sãaàguo,  
aà gbēke láaa vīo.
- 24 A wá bóle wá ibēēpio guu,  
aà gbēke láaa vīo.
- 25 Ōme ì ble kpa pópíiwa,  
aà gbēke láaa vīo.
- 26 A Lua Musude sáaukpa,  
aà gbēke láaa vīo.

---

§ 136:15 Bōa 14.21-29 \* 136:20 Nao 21.21-35



má n tɔbɔ n gbẽke ní n náaio yáí,  
asa níme ní tò n tó ní n yáo zɔɔ de pɔpiia.

<sup>3</sup> Gɔɔ pɔ ma lezùnzi, ní wèa,  
n ma gba wɔɔ ní gbãao.

<sup>4</sup> Tó dúnia kíao yá pɔ ní ò mà,  
aa n sáaukpa ní píi, Dii.

<sup>5</sup> Aa lesi Dii kekeáo yá musu,  
asa Dii gawi zɔɔe.

<sup>6</sup> Baa ní Dii kuamusukεo,  
ì gbé késãanao wegwa,<sup>†</sup>  
ì weví gbé pɔ aale e wà kàɔla.<sup>‡</sup>

<sup>7</sup> Baa tó má yooyea, ni ma bɔ,  
ni ma ibεεo pɔkūma kpále,  
ni ma suaba ní n gàsa gbãao.

<sup>8</sup> Dii a ma yá píi lekpaaimεε,<sup>§</sup>  
Dii, n gbẽke láaa vío.  
Nsu zí pɔ n ɔkpàwà too.

## 139

### *Dii yápii d̄sa*

Davidi le.

<sup>1</sup> Dii, n ma tàasikà ní d̄s̄,

<sup>2</sup> ní ma z̄s̄lea ní ma fεlea d̄s̄.

N n z̄ãkeo ní yá pɔ mále yáo k̄ua.

<sup>3</sup> Ni ma t̄aa'oa ní ma wúleao gwa,  
ma kekeá píi d̄s̄ek̄ennɔ.

<sup>4</sup> E yá àɔ gé boi ma léu,  
Dii, ní d̄s̄ s̄aas̄a.

<sup>†</sup> 138:6 Luk 1.48   <sup>‡</sup> 138:6 Zaa 4.6   <sup>§</sup> 138:8 Flp 1.6



<sup>5</sup> N liaamazi kpe ní aeo,  
n ɔ kumala.

<sup>6</sup> Dɔ̃a bee demεε dabuyã ũε,  
a demala, ma ɔ̃nɔ i kawào.

<sup>7</sup> Má má géu mà pili n Nisínawai?  
Má má bàale tau, níyɔ̃ɔ ku weo ni?

<sup>8</sup> Tó ma fele gé musu, ní kú we!  
Tó ma tòo sò miau, ní ké!

<sup>9</sup> Tó ma fele ge íatɛ̀bilek̀li gukpe,  
tó ma ge z̃ɔ̀le ísia baale be'ae,

<sup>10</sup> baa wek̀li má naa n ɔ̃ziε,  
níyɔ̃ɔ ma k̃ũa n ɔ̃plaaue.

<sup>11</sup> Tó ma mè gusia kumala,  
ge gupua pó má kúu li gwá ũ,

<sup>12</sup> gu líɔ sianεo,\*  
gwá íɔ puane lán fãanεwae,  
asa gupua ní gusiao doũ neε.

<sup>13</sup> Mmε n ma s̃ɔ̀ pè̃mεε,  
n ma ikàsa ma da nò̃seu.

<sup>14</sup> Ma n sáaukè, n yãkea ì dia,  
ma kea de dabuyã ũ, à b̀ò ma sae,  
a yá ma k̃ũa gbãa.

<sup>15</sup> Gɔ̃ɔ pó ma daale neasakpe guu,  
ma wáe ulεanεo.  
Ké ma me lé i asii guu we,

<sup>16</sup> n wẽsimalε nɔ'it̃ɛ̀na ũ.  
Lá n ma gɔ̃ɔ d̃ĩle píi,  
a lé kú n taalau  
zad̃ɔ̃ a kee i daaleo.

<sup>17</sup> Lua, n làasoo gbiamεε maamaae,

---

\* **139:12** Dan 2.22

a naoa zɔɔ fá!

<sup>18</sup> Tó má ye nao, an dasi de ũfãaa.

Tó ma vu, miɔ kunnɔe e tia.

<sup>19</sup> Lua, bó níle dá ní gběvãioi?

A gomala gbědenaɔ!

<sup>20</sup> N ibeɔɔ ì n yã'o ní nòsevãioe,  
n tó gbia ní léuo.

<sup>21</sup> Dii, má za n zangudeɔguo lé?

Má ye gbě́ pɔ́ fɛlennɔɔ gíyãio.

<sup>22</sup> Má zańgu vãivãí,  
ma ní díle ma ibeɔɔ ũe.

<sup>23</sup> Lua, ma gwagwa, ní ma nòse dɔ,  
ma tàasika, níɔ ma asiiɔ kũa.

<sup>24</sup> Gwa tó má dɔe'ii vĩ,  
ní dɔaamɛɛ n zé gasai guu.

## 140

### *Wabikea gběvãio yá musu*

<sup>1</sup> Davidi le.

<sup>2</sup> Dii, ma si gběvãioɔwa,

ma dɔa gbě́ pãsípiɔ yái.

<sup>3</sup> Aaĩ yãvãí wàaiɔpa ní sɔ́ guu,

sòle lé ɔ́ aaĩɔ wé gɔɔpii.

<sup>4</sup> Aaĩ ní lé keke lán mlěwa,  
an legbe'ia sògbala seɔweɛ.\*

<sup>5</sup> Dii, nsu to gběvãio ɔkãao,

ma si gbě́ pãsípiɔɔwa,  
aaĩ ɔzɔamazi lekpaai.

<sup>6</sup> Waladepiɔ eyòmeɛ,

---

\* 140:4 Lom 3.13

aa filiflimbapàmεε,  
aa baikpàmεε zéú.

<sup>7</sup> Má ò Diiε: Ma Luan n ũ,  
swákpa ma wēna wiii, Dii.

<sup>8</sup> Dii Lua, ma Suabana gbãa,  
ni ɔkumala zĩ guu.

<sup>9</sup> Nsu to gbēvãio pœã zεkeo,  
Dii, nsu to an lekpaafĩ kōseo.

<sup>10</sup> To gbé pó liaamaziɔ midε,  
to vãi pó aale o wí ní musu.

<sup>11</sup> To tɛyɔ wãa élemá,  
to aa si ε pó aa fɔ bouo guu.

<sup>12</sup> Nsu to yásiade zεkĩ e dúniauo,  
to vãi aɔ gbé pásĩ wε zεsaie.

<sup>13</sup> Má dɔ Dii ì yānakpa wēnadeɔwa,  
ì yākeke taasideɔne a zéwa.

<sup>14</sup> Gbēmaaɔ mé aa n tɔbo,  
nòsepuadeɔ mé aɔ ku n kíi.

## 141

### *Suabaa wabikεa*

Davidi εε.

<sup>1</sup> Dii, máε wiilenzi, ke kpakpa,  
tó ma lezùnzi, swákpa ma yái.

<sup>2</sup> Ma wabikεa a kama  
lán tulaleti súlewa,\*  
ma ɔ dɔa musu io denε sa oosi oa ũ.

<sup>3</sup> Dii, ma léna dɔámεε.

\* **141:2** Zia 5.8, 8.3

To mà a lé f̄s̄.

<sup>4</sup> Nsu to ma nòse ta yāvāiwa  
mà ḡs̄ dàade ũ ní vāikenaɔ,  
mà ɔdaaańɔ ní blenablea guuo.

<sup>5</sup> Tó gbēmaa ma gbē, gbēkēkēae!  
Tó à ma swāgàga, má ḡio,  
à n̄isikà ma miwa.  
M̄iɔ wabikē ké gbēvāiɔ yākeɔ su zekēo.

<sup>6</sup> Tó wà ní gbēz̄ɔɔ kwè yātēu,  
wa si sa ké ma yá mé na.

<sup>7</sup> Lá w̄i yàa paa a féenaɔ fāaa,  
màa an wá aɔ kále ní mia'ele.

<sup>8</sup> Dii Lua, míme ma wé péma,  
ma nanzie, n̄su ma kpámáo.

<sup>9</sup> Ma suaba ní m̄ɔ p̄ɔ aa kpàmeeo,  
to mà zā bai p̄ɔ vāikenaɔ kpàmeei.

<sup>10</sup> To gbēvāipiɔ si n̄zia bai guu,  
map̄i s̄ɔ mí d̄ɔi aafia.

## 142

### *Wabikēa gbè'eu*

<sup>1</sup> Davidi wabikēa ḡɔɔ p̄ɔ a ku gbè'eu.\*

<sup>2</sup> Málē ɔ gbāa d̄ɔ Diiē,  
málē wēna wii lē Diiwa.

<sup>3</sup> Málē a yā'ɔma b̄ɔlèè,  
málē a taasikēa siuè.

<sup>4</sup> Tó ma wēni ḡs̄ lēe,  
míme niɔ ma kua d̄s̄.  
Wà baikpàmee ma t̄aa'ozeu.

<sup>5</sup> Wésē n̄ ma ɔplaa gwa,

\* **142:1** 1Sam 22.1

gbēe lé ma yādao.  
 Ulekīi làaa,  
 gbēe lé ma aafia gbεao.

<sup>6</sup> Dii, málε wiilema ma mè:  
 Mme ní ma ulekīi ũ,  
 míme ní ma baa ũ dúniaε beeu.  
<sup>7</sup> Swādo ma wiileai,  
 asa ma gō mugeennε.  
 Ma si ma gbèselenaowa,  
 asa an gbāa demalε.  
<sup>8</sup> Ma bo yooyeε beeu,  
 ké mà n tobō,  
 gbēmaaō i kāamazi,  
 ké n maakèmεε yái.

## 143

### *Kua ibεεo ɔzi wabikεa*

Davidi lε.

<sup>1</sup> Dii, ma wabikεa sí,  
 swādo ma wēna wiii.  
 Wea n náai ní n maaō yái.  
<sup>2</sup> Nsu yákpaleke ní mapi n zòblenaoo,  
 asa gbēe kune tàaesaiō.  
<sup>3</sup> Ma ibεε ma gbesèle à ɔzòa,  
 a tò má kú gusiau  
 lán gbé pó gà à gègēwa.  
<sup>4</sup> ɔ ma wēni gò lεε,  
 ma pō yà dúuduu.  
<sup>5</sup> Gia dòmagu,  
 málε làasookε n zikεaowa,  
 málε n yākeao wàaipa.

<sup>6</sup> Ma o donzi,  
mále n m̀̀̀̀̀ nide lán guggiwa.

<sup>7</sup> Wea kpakpa Dii, ma ỳ̀̀̀̀̀ l̀̀̀̀̀.  
Nsu bo ma kpe ma g̃  
lán gbé p̃́ sí bedauowao.

<sup>8</sup> N n gbēke obo me koo,  
asa mí me má n náai ví.  
Ma da zé p̃́ de ma sewa,  
asa mí me ma azia kpama.

<sup>9</sup> Ma si ma ibeowa, Dii,  
mí me ma nanzi.

<sup>10</sup> M me ní ma Lua ũ,  
n n p̃́eakea damee.  
N Nisina maa doamee gusalalau.

<sup>11</sup> Ma lé ní l̃́o n tó yáí, Dii,  
ma bo taasi guu n maa yáí.

<sup>12</sup> Ma ibeow midē n gbēke yáí,  
ma w̃̀̀̀̀ de de píi,  
asa n z̀̀̀̀blenan ma ũ.

## 144

### *Wabikea misia yá musu*

Davidi e.

<sup>1</sup> Má Dii ma gbesi s̃́aukpa,  
í z̃́kaa o na damee,  
í to ma o ào kai ví z̃́ guu.

<sup>2</sup> Ŋ me ma ulek̃i ũ, í gbēkekemee,  
ō me ma zegik̃i ũ, í ma suaba.  
Ŋ me ma s̃́ngbao p̃́ mi mikpai ũ,  
í to buio mikpaa.

<sup>3</sup> Dii, b̃́n gbēnazina ũ an yá ío dongui?

Bón ní ũ, ni laaidɔmáí?\*

<sup>4</sup> Gbēnazina de lán kàsafiwaε,  
aà wēni ì gēzεa lán uenawaε.

<sup>5</sup> Dii, n̄ n be siile n̄ pila,  
ɔkǎ gbèsisíɔwa aa súleɔɔ.

<sup>6</sup> To lou pílepile n̄ gbéɔ fáaa,  
ka fán̄gu, gili i gēn̄gu.

<sup>7</sup> Ɔɔɔ za musu n̄ ma kú.  
Ma ɔ í zɔɔ guu,

ma si bui z̄iloɔwa.

<sup>8</sup> Yǎ pǎ oa mé ní lé pà,  
aaí ɔlele ní lé pǎ gbēao.

<sup>9</sup> Lua, má lè dafu síne,  
má n̄ táasile ní kúu bakwio.

<sup>10</sup> Ni to kíaɔ z̄ible,  
ni n̄ z̄oblēna Davidi ɔ fēn'ɔɔ lézi.

<sup>11</sup> Ma kú n̄ ma ɔ bui z̄iloɔ guu,  
yǎpǎ oa mé ní lé pà,  
aaí ɔlele ní lé pǎ gbēao.

<sup>12</sup> Wá neḡɔɔ péle ní èwaasokeu lán lí pεawa,  
wá nen̄ɔɔ aao de lán kibe gbèpele kefenawa.

<sup>13</sup> Wá d̄ɔ pa, aao p̄pii v̄í,  
wá p̄tuɔɔ k̄ɔ leε àaa s̄ɔɔ,  
aa ka àaas̄ɔɔ leε kwi wá kp̄sau.

<sup>14</sup> Wá zuɔ aso z̄ɔ sésε.  
B̄ígbooa aɔ kuo, lala'oa aɔ kuo,  
búbuapea aɔ ku gāε ɔɔ.

<sup>15</sup> Báaadeɔn gbé p̄ an kua de màaɔ ũ.  
Báaadeɔn gbé p̄ Dii de ní Lua ũɔ ũ.

---

\* 144:3 Sot̄ 8.4, Ebe 2.6

## 145

*Dii táasilɛa aà maakɛa yáí*

Dii táasi pɔ́ Davidi ɛ.

<sup>1</sup> Má n táasilɛ ma Lua, ma Kía,  
máɔ n tɔbɔ ɔɔɔpiiɛ.

<sup>2</sup> Máɔ n sáaukpa lá gu lé dɔ,  
máɔ n táasilɛ láasaɛ.

<sup>3</sup> Dii zɔɔ, à kà wà aà táasilɛ,  
aà zɔɔkɛ lé vɛ́o.\*

<sup>4</sup> Kpàibɔ n yākeɔ sáaukpa Wueɔne,  
aa n yāzɔɔkeɔ galikɛ.

<sup>5</sup> Aa n maa zɔɔ gawide yā'o,  
má n yābɔnsakɛɔ wāaipa.

<sup>6</sup> Aa n dabudabukɛa gbāa yā'o,  
mí n zɔɔkɛ dau siuné.

<sup>7</sup> Aa n maakɛa zɔɔ baokpa,  
aai gulakɛ n yāzɛdekɛɔ yáí.

<sup>8</sup> Dii sùuu vɛ́ n sósobio,  
aà pɔ́ lí pa kpaao, a gbêkɛ vɛ́ zɔɔ.

<sup>9</sup> Dii í maakɛ gbépiiɛ,  
í a pɔkeɔ wēnagwa píi.

<sup>10</sup> Dii, n pɔkeɔ n sáaukpa píi,  
n yāmanaɔ n tɔbɔ.

<sup>11</sup> Aa n kpala gawi faai bo,  
aa n iko gbāa yā'o.

<sup>12</sup> Aa n yāzɔɔkeɔ da gbéɔne  
n n kpala maa gawide yáo.

<sup>13</sup> N kpalaá kpala láasaɛ,  
n yɔɔ de kía ũ wè píiɛ.

Dii náai vɛ́ a yápii musu,

---

\* 145:3 Lom 11.33



a sùuu ví ní a pòkeao píi.

14 Dii ì gbéé pò lé léleo kú,  
ì gbéé pò taasi tò máo félé.

15 Pópíi wé donzi,  
ni blé kpámá a gowa.

16 Ni o pooné, pò mómá,  
ni pò béé píi pòeã bòolekéè.

17 Dii kékéáo maa píi,  
a gbéke ví a yápii kea guu.

18 Dii kái ní a sísináo píi,  
gbéé pò aai aà sísi ní síanao.†

19 I a víakenaó pòeã bòolené,  
ì ní wiilea ma, i ní suaba.

20 Dii ì gbéé pò yeazío d́a píi,  
ãma a vaíkenaó míonzóe.

21 Dii táasilea ao do ma léue.  
Pópíi aao aà tòbògò píi, asa a kua adoaé.

## 146

### *Dii laaido wēnadeo wa*

1 Aleluya!

Mapi, má Dii táasile,

2 máo Dii táasile e ma wēni léue,  
máo lesi ma Luae ma kua léue.

3 Asu sòkpale gbãadeozio,  
gběsuabaa ku gbēnazina kíio.

4 Tó an wea làa, aai ea gē tíue,  
zìbeezì yá pò aale yá ì midé.

† 145:18 Zāa 4.24

<sup>5</sup> Baaaden gbé pọ Yakubu Lua mé aà donlede ũ ũ,  
aà wé ịb do Dii a Luazi.

<sup>6</sup> Ọme musu ní zílẹo kè,  
ísia ní pọ pọ kú a guuo píi.\*

<sup>7</sup> I yānakpa gbé pọ wàlẹ gbāamónéowa,  
ì blẹ kpa n̄andenaowa.

Dii ì babo gbé pọ yeeləowa,

<sup>8</sup> Dii ì v̄iaw wé w̄n̄é,†

Dii ì gbé pọ taasi t̄m̄áo f̄el̄e,

Dii ịb ye gb̄emaaw̄zi.

<sup>9</sup> Dii ì b̄òm̄ow̄ gwa,  
ì oda gyaaw̄ ní ton̄owa,  
ō ì zé kaaŭ gb̄v̄āiow̄e.

<sup>10</sup> Dii ịb kible ḡow̄piie.

Sionadeow̄, á Lua ịb ku e á buiwae.  
Aleluya!

## 147

### *Pọpii kua Lua aw̄i*

<sup>1</sup> Aleluya!

L̄esia wá Luae maa mé a na,  
à k̄ù wà aà táasil̄e.

<sup>2</sup> Dii lé Yelusaleŭ f̄el̄e ịb,

à Isaili z̄iz̄ow̄ n̄aaa lé suńow̄.

<sup>3</sup> I gbé pọ an pọ yàw̄ n̄òse n̄ínin̄é,  
ì n̄ísid̄ow̄ ní gu'iaowa.

<sup>4</sup> I saanaow̄ nao,

a ní baade d̄ó ní a t̄ó.\*

<sup>5</sup> Wá Dii z̄ow̄, a iko v̄i maamaae,

\* **146:6** Zin 4.24, 14.15 † **146:8** Mat 9.30, Zaa 9.7 \* **147:4** Isa 40.26

aà ñno lé vfo.

<sup>6</sup> Dii ñ zĩabusanao gba gbãa,  
 ñ ñ otõ vaikenawa e zĩle.

<sup>7</sup> A lesi Diiε n̄ aà sáaukpaaο,  
 à wá Lua táasile n̄ m̄oonaο.

<sup>8</sup> I to lou sisi,  
 ñ t̄oλε gba lou,

ñ to s̄ε b̄oλε s̄ĩsĩa.

<sup>9</sup> I ble kpa n̄b̄oowa  
 n̄ gbagbaa néo, tó aale wiipe.

<sup>10</sup> I ke s̄ĩ gbãaο mé ñ kaaàguο,  
 ñ ke ḡs̄sagbãake mé ñ keèο.†

<sup>11</sup> Gb̄é p̄o aa aà vĩa vfo mé ñ kaaàgu,  
 gb̄é p̄o an wé d̄o aà gb̄εk̄eip̄io.

<sup>12</sup> Yelusaleũdeο, à Dii t̄obo,  
 Sionadeο, à á Lua táasile.

<sup>13</sup> Asa ñ báaadaáguε,  
 ñ á w̄éλε b̄oλε gb̄áaο gba gbãa.

<sup>14</sup> I á gba aafia'e á bùsu lé léu,  
 ñ p̄obui maa kpáwá à k̄á.

<sup>15</sup> I yã'o kpásã t̄oλε,  
 aà yá ñ ká n̄ bao.

<sup>16</sup> I nezi kwe p̄uuu lán s̄ákāwa,  
 ñ to fii kpá lán túfuwa.

<sup>17</sup> I loughε fáε lán gb̄εk̄oowa.

Déme a f̄õ zε a íanaii?

<sup>18</sup> I yã'o kpásã, ñ loughεpi ñ yó,  
 ñ íana gbaε, a ñ ñ bàale.

<sup>19</sup> I to Yak̄obu buio a yá d̄õ,

† 147:10 1Sam 16.7

ĩ ikoyã pɔ́ á d̄ileo da Isailione.  
 20 I bee ke buipãleoneo,  
 aa aà yãdileo d̄so.

Aleluya!

## 148

*Dii pɔ́keo aà táasile*

<sup>1</sup> Aleluya!

A Dii táasile aà bedeo!  
 A aà táasile za musu!  
<sup>2</sup> A aà táasile aà malaika p̄ii!  
 A aà táasile aà ìwao p̄ii!  
<sup>3</sup> A aà táasile ìatē ní m̄ovua!  
 A aà táasile saan'inao p̄ii!  
<sup>4</sup> Báluma kpele p̄so  
 ní í p̄o kú luabepuanaa,\*  
 à aà táasile.  
<sup>5</sup> Aa Dii t̄obo,  
 asa òme yã'ò, ò aa kè.†  
<sup>6</sup> A ní p̄epe ní p̄épek̄i,  
 aao ku we ḡōpii,‡  
 à k̄o d̄an̄é, aa f̄o v̄iao.

<sup>7</sup> P̄o p̄o kú t̄ōleo, à Dii táasile,  
 ní kp̄ò gb̄èneo ní ísia í títiuo§  
<sup>8</sup> ní loupileao ní lousisiao  
 ní lou'io ní a gb̄eo  
 ní z̄aà'iana p̄o ì misiile aà ȳáeo  
<sup>9</sup> ní gb̄èsis̄io ní s̄is̄iona p̄ii

\* **148:4** Daa 1.7 † **148:5** Daa 1.1, 3 ‡ **148:6** Daa 1.14 § **148:7**  
 Daa 1.21

ní lí ne'inao ní sɛde lío píi  
 10 ní sɛ̀anɔ̀bɔ̀o ní pɔtuɔo píi  
 ní pɔ́taa'onkuawao ní bāo  
 11 ní dúnia kíao ní buio píi  
 ní kíao ní búsu gbāadeo píi  
 12 ní èwaaso ní wéndiao píi  
 ní gbɛ̀zɔ̀o ní néfɛ̀nɛ̀nao.  
 13 A Dii tɔ̀bɔ̀,  
 asa aà tó mé deńla,  
 aà zɔ̀ke de musu ní zílɛo póa.  
 14 A kía gbāade kpà a gbé́ɔ̀ne  
 gbé́ pó Isailio ì aà táasile ũ,  
 aà yāmana pó káiaànɔ̀pio.

Aleluya!

## 149

*Dii yāmana yákpalekea ní dúniao*

<sup>1</sup> Aleluya!

A lè dafu sí Dii aà yāmana!  
 A aà táasile balu guu!  
<sup>2</sup> Isailio, à ví àò kēaa á Kena yá musu.  
 Sionadeo, à pɔ̀nake ní á kíao.  
<sup>3</sup> A ōwā à aà tɔ̀bɔ̀,  
 à aà táasile ní mɔ̀ɔ̀nao ní gāao.  
<sup>4</sup> Asa Dii gbé́ yá ì kaaàgue,  
 ì zɪabusanao kpela à ní suaba.  
<sup>5</sup> Dii yāmana kúkuake ní gawipiu,  
 an gula ao dɔ̀ ní lii musu.  
<sup>6</sup> Lua táasilea ao dɔ̀ ní léu,  
 fɛ̀nda lé pla ao naa ní ɔ̀zɪ,

<sup>7</sup> aa tṣiò buiḃwa,  
 aai bùsu píi gbéḃ wetaḃò,  
<sup>8</sup> aai ní kíaḃ yeye ní mḃdaonaḃ,  
 aai galakpa ní kíabuiḃne,  
<sup>9</sup> aai séíno lá Lua yãdànlawa.  
 Dii yãmanaḃ tḃḃo a guu.

Aleluya!

## 150

### *Dii táasile*

<sup>1</sup> Aleluya!

A Lua táasile àà kúki,  
 à àà táasile bàluma zḃḃo guu.

<sup>2</sup> A àà táasile àà gḃsake yái,  
 à àà táasile àà zḃḃo deńla yái.

<sup>3</sup> A àà táasile ní kuupeao,  
 à àà táasile ní mḃḃnao ní domao.\*

<sup>4</sup> A àà táasile ní gḃao ní ḃwāao,†  
 à àà táasile ní goeo ní kulao.

<sup>5</sup> A àà táasile ní sé́sēnapao,  
 à àà táasile ní sé́sēn'ḃ gbāao.

<sup>6</sup> Pó bée píi, à Dii táasile!

Aleluya!

---

\* **150:3** 2Sam 6.5 † **150:4** 2Sam 6.14

# **Bibeli Luayátaalá**

## **The Holy Bible in the Boko language spoken in Benin and Nigeria**

copyright © 2010 SIM International

Language: Boko

Translation by: SIM International

### **Boko Bibeli Luayátaala**

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

---

PDF generated using Haiola and XeLaTeX on 21 Feb 2024 from source files dated 29 Jan 2022

ccxvi

ffb0f4b3-18b7-564f-bd5d-307e9e532fb9